

মনোমুকুৰ

সমৰেশ বসু

কলিকতা
১৯৩৫

প্রথম প্রকাশ

অগ্রহায়ণ, ১৩৬৫

দ্বিতীয় মুদ্রণ

জ্যৈষ্ঠ, ১৩৬৬

প্রকাশক

নারায়ণ সেনগুপ্ত

৩১এ, শ্যামাচরণ দে ষ্ট্রীট,

কলিকাতা—১২

প্রচ্ছদ রূপায়ণ

গনেশ বসু

মুদ্রাকর

ঐইন্ড্রজিৎ পোদ্দার

ঐগোপাল প্রেস

১২১, রাজা দীনেন্দ্র ষ্ট্রীট,

কলিকাতা—৪

মূল্য আড়াই টাকা

মা কে

লেখকের অন্ত্যস্ত বই
গ কা
জি ধা রা
ভা হু ম তী
স ও দা গ র
তৃষ্ণা, ষষ্টঋতু, পশারিণী
শ্রীমতীকাফে, বি. টি রোডের ধারে, ইত্যাদি

গল্পক্রেম

আরোগ্য, মহাযুদ্ধের পর, ছেঁড়া তমস্কক, শোভাবাজারের শাইলক,
অবাধ্য, শেষ হাসি, মান, একটু নীল আকাশের খোঁজে ।

দেয়ালে আয়না টাঙানো থাকে। লোকে মুখ আছে, নিজের মূর্তি আছে।
অপরের সামনে কাজসারা দেখাদেখি করে। নির্জনে আছে মন ভরে।
নানা রকমে আছে। দেখে হাসে, রাগে, কাঁদেও বুঝিবা! তবু দেখতে
ভাল লাগে। অপরের চোখে যা-ই হোক, আয়নার প্রতিবিম্ব তার ছায়া।
তার রূপ। মানুষ যাকে সবচেয়ে বেশী ভালবাসে।

—কিন্তু অপরূপ? তাকে তো পারা-লাগানো কাচের বৃকে দেখা
যায় না! তাকে বোধহয় শুধু অহুভবই করা যায়। সেই অহুভবের প্রকাশই
যেন যত শিল্প-কলা। বাউল তার গানে বলেছে, ‘আরশী-মগরের’ কথা,
যে-নগরে অপরূপের দর্শন হয়। আরো গেয়েছে—‘মন আছে তোমার মনের
ভিতরে।’

সে মনের ছায়া যে আরশীনগরে পড়ে, সে-নগরেরই এক দিক যেন
গল্প ও কাহিনী।

তাই এ বইয়ের নাম ‘মনোমুকুর’ গল্পের নামে যার সন্ধান মিলবে না।

আরোগ্য

নটীর-হাটের এই স্টেশনের সামনেটিতে দাঁড়িয়ে থাকি রোজ। সকালে-দুপুরে-বিকেলে-সন্ধ্যায়-রাত্রে-মধ্যরাত্রে। কখনো সজ্ঞানে আসি, কখনো নিশির টানে। না এসে পারিনে।

নটীর-হাট যেন এক অদৃশ্য পাঁচিলে ঘেরা, ছন্নছাড়া কোন এক আত্মিকালের নগরী। সবই তার পুরণো, প্রায় প্রাচীরের পর্যায়ে গিয়ে পড়ে। বাড়িঘর, রাস্তাঘাট, তাবত বাসাড়ে-বাসিন্দে-অধিবাসী, মন্দির-বিগ্রহ-ধর্মশালা, সবই। নতুন উঠেছে যেগুলি, সেগুলি যেন পুরণো ছেঁড়া ধুলোমাখা কাগজের স্তূপে কয়েকখণ্ড নতুন কাগজ। চোখে পড়েও পড়ে না। বাস্তু পুরুতের গলিটি এখনো আছে ঠিক তেমনি। আছে তার শেওলা-ধরা, বেঁটে-খাটো নিচু একতলা দোতলা বাড়িগুলি, এবড়ো খেবড়ো রাস্তাটি, খোপে খোপে বংশ পরম্পরায় সেই শালিকেরা, আর সেই একই গোত্রের মেয়েরা, যাদের চেহারা ও নাম বদলায় প্রায়ই, দলে দলে যায় আর আসে। কিন্তু সন্ধ্যাকালে সবাই রং মাখে, সাজে, এসে দাঁড়ায় রাস্তার দরজায়। নটীর-হাটের একেলে পৌরকর্তারা রাস্তাটির নাম করে দিয়েছেন ‘সাহিত্য-সম্রাট-ভ্রাতা রোড’। কেমন একটু কানে লাগে খট করে। কে সেই সাহিত্য-সম্রাট, কে তার ভ্রাতা কে জানে। ভ্রাতার নাম না থাকাটাও বড় বিচিত্র, কিন্তু এইটিই বিশেষত্ব নটীর-হাটের। কেননা, ও নামে ত কিছুই যায় আসে না, রাস্তাটা যে নটীর হাটের মজ্জায় মজ্জায় বাস্তু পুরুতেরই গলি। আর ঠিক এমনি গলি এত আছে নটীর-হাটের এই সোয়া বর্গমাইলের চৌহদ্দিতে...যাক, প্রসঙ্গান্তরে চলে যাচ্ছি।

বহর ঘাটেক আগেও পশ্চিমে গঙ্গাই ছিল নটীর-হাটের সদর দেউড়ি। এখন এই স্টেশন। পুরনো সদর এখন খিড়কি-দোর। যত রাজ্যের যাওয়া আসা এখানে। শুধু শহর নয়, মনে হয়, স্টেশনের এখানটা যেন সেই অলঙ্কিত পাঁচিল-ঘেরা নটীর-হাটের হুউচ্চ সর্বোচ্চ চিলে-কোঠাখানি। এখান থেকেই দেখা যায় নটীর-হাটের সব অন্তর ও অন্ধকারের ঘটনা, শোনা যায় স্পষ্ট অক্ষুট সব কলকাকলি।

এই চিলে-কোঠাখানি আমার খেলাঘর। এর অন্তরীত ঘুলঘুলিতে আমি সকৌতুক অস্থির চোখ নিয়ে ছুটে বেড়াই। তার মধ্যে একটি ভুল সম্প্রতি ধরা পড়েছে। আমি অসুভব করেছি, এ শুধু আমার খেলাঘর নয়, আমার যত শিক্ষা গোড়া বাঁধার এটি একটি স্থলও বটে।

জন্ম-মৃত্যু, বিবাহ-শ্রাদ্ধ, পাণ-পুণ্য, কলঙ্ক-অকলঙ্ক, নটীর-হাটের যত প্রকাশ্য অপ্রকাশ্য ঘটনার ঢেউ শেষ পর্যন্ত আছড়ে এসে পড়ে এখানেই। স্টেশনের সামনে এই এক-শ দেড়-শ গজের নানান ভিড়ের মধ্যেই। নটীর-হাটের এই প্রবেশমুখে, যত চেনা-অচেনার যাওয়া আনার পথের ধারে।

ওই যে লাঠি হাতে, চটি পায়ে, চাদর গায়ে বুড়ো মাহুঘটি চলেছেন, তাঁর শিখায়-বাঁধা কাঠগোলাপ উনিই হলেন নটীর-হাটের চক্রবর্তীদের বারো শরিকের এখনকার দিনের সবচেয়ে প্রবীণ। আমার সঙ্গে দেখা হলেই বলেন, “নটীর-হাটের কথা বলছ ত? না, আমরা এখনকার সবচেয়ে পুরনো বাসিন্দে নই। রাম কুণ্ডকে চেন ত, এখানে যার সতেরখানা বাড়ি আছে? তাকে সব দিয়ে গেছে উলুপী বারুণী। গদাই সাধুখাঁকে চেন? যার সাতটা ইট-কাঠের গোলা, পেট্রোল-পাম্প, সিনেমা আছে? সে পেয়েছে তার ঠাকুরদার কাছ থেকে মৌরভীবালার সম্পত্তি। অধর পালকেও চেন, লোহা আর সোনা দুই-ই তার অনেক। সে ভোগ করছে স্বখদার দান। এই পাল, কুণ্ড, সাধুখাঁদের দেশ নটীর-হাট। অবিশিষ্ট সবাই পরের সম্পত্তিতে বড়লোক নয়, নিজেরও আছে অনেকের। ব্যবসারটা ওদেরই একচেটে।”

“কি ওই উলুপী, বারুণী, মৌরভীবালা, স্বখদারা কারা?”

“ওরা সেকালে নটী, অর্থাৎ বেবুশ্বে। নটীর-হাটের আদিবাসিনী। তবে শোনো, তখন সেই...”

থাক, প্রসঙ্গান্তরে চলে যাচ্ছি আবার। যদি গুঁকে জিজ্ঞেস করা যায়, কিন্তু এত ব্রাহ্মণ-বসতি হল কী করে, ফোকলা দাঁতে হেসে বলেন, ধর্মের কলে।

উনি বেশি বলেননি। ধর্মের কলটা বতাসে কিংবা আর কিছুতে নড়ছিল, সেটা ধরা পড়েছে, আমার চিলে-কোঠার ঘুলঘুলিতে। তাহলে চক্রবর্তীদের ইতিহাস...

সেসব থাক। ওই ঘোড়ারগাড়ির ভুহু গাড়োয়ান যেদিন ওর আগুনের মত ঘোড়ারী বউ বুনিয়াকে নিয়ে এল প্রথম... থাক সেসব।

ওই যে যাচ্ছেন ফগীন্দ্র ঘটক, তাঁর পরমাসুন্দরী সাত মেয়ের কথা...না, সেটি এখন নয়।

গজেন্দ্রগমনে যাচ্ছে পথের মাঝখানে দিয়ে ধবধবে ফর্সা, মেদবহুলা বাড়িউলী স্থবলা, গোটা মালপোতা পাড়াটা ওর নিজেরই। ওর গায়ের ভাঁজে ভাঁজে আছে নটীর-হাটের আদি ইতিকথা। তের বছরের মেয়ে যেদিন প্রথম এল...থাক, সেই অপ্রাসঙ্গিক কথাই এসে যাচ্ছে বারবার। তা হলে মালপোতা পাড়ার অজ্ঞাতকুলশীল শিরীশ কেমন করে কার্তিক হালদারের মেয়ের সঙ্গে জড়িয়ে পড়ল, সে কথাও বলতে হয়।

আর ওই যে যাচ্ছে সুধারাগী বন্দ্যোপাধ্যায়, নটীর-হাটের হাল-কলেজের ছাত্রী, ওর কিংবা অধ্যাপক ত্রৈলোক্যনাথ গুপ্ত কিংবা কৃষ্ণপ্রিয়া স্কুলের মাষ্টার রেণুপদ নাথের জীবন-বৃত্তান্ত সামান্য জিনিস নয়। কোনটা সামান্য। নটীর-হাটের এম এল-এ অথবা শ্রমিক-নেতা, সাহেব—সাহেবকুঠি, ক্লাব, সাহেবদের পরকীয়া প্রবৃত্তি—কিছুই যাবে না ফেলা।

আমি ত আজকে এসব বলতে বসিনি। তবু যে বলতে হল, তার কারণ, যা বলব, তা নটীর-হাটের বৃত্তছেঁড়া একটি কুসুমের মত। তাই এত কথা।

আমার ঘুলঘুলি দিয়ে দেখতে পাচ্ছি অবনীকে। তার বিষয়ই হচ্ছে নটীর-হাটের সবচেয়ে হালের ঘটনা। যে ঘটনা নিয়ে নটীর-হাটে অনেক আলোড়ন হয়েছে। অবনীকে দেখলে এখনো যে আলোড়নের ছায়া লোকের চোখে ফুটে ওঠে।

স্টেশন থেকে নেমে, কোনরকমে একটি টুথপেস্ট কিনে অবনী হন হন করে চলেছে বাড়ির দিকে। ওর চীনা-বাড়ির চিকন মসৃণ মোটা সোলের জুতোর শব্দ শুনলেই বোঝা যায়, খুশিতে ডগোমগো কুরঙ্গটা ঘেন লাফিয়ে লাফিয়ে চলেছে।

নটীর-হাটের মধ্যে বাছা সুন্দর কয়েকটি ছেলের মধ্যে ও একটি। চোখা নাক, টানা চোখ, রক্তভাট ঠোঁট আর ধবধবে ফর্সা রং, কিন্তু একেবারেই উল্লাসিকের মত দেখায় না। মাথার চুল কোঁকড়ান নয়, বড় বড় কয়েকটি ঢেউয়ে ঘেন একটি বিহ্বল অবসাদ চুলের বিছালে। সেটিও বিচিত্র একটি সৌন্দর্য। এমনিতেই অবনী সুন্দর, তার উপরে নিপুণ হাতে টাই বেঁধে, কোট চাপিয়ে যখন বেরায় ওর সেই সাবলীল ভঙ্গিতে, তখন পুরুষের ভিড়ে পুরুষ দেখেও তাকিয়ে থাকতে হয় একটুকুণ। ইংরেজীতে অনার্স নিয়ে সে বি-এ পাশ করেছে। তাঁরপর তেইশ বছর বয়সেই একটা ভাল চাকরি পেয়ে গেছে বিলিতি মার্চেন্ট আফিসে।

আমি দেখছি, অবনী যাচ্ছে। দক্ষিণ দিকে খানিকটা গিয়ে বেকে গেল পূবে। তারপরে আবার দক্ষিণে, পূবে আবার, দাঁড়াল গিয়ে সেই বাড়িটার সামনে। সেই মাস্কাতার আমলের বাড়ি, যেটা প্রায় বিঘে দুয়েক জমি নিয়ে দাঁড়িয়ে আছে শতাব্দীর উপরে। এ-বাড়ির খ্যাতি শুধু নটর-হাটে নয়, সারা বঙ্গে। নাম বললে সবাই চিনি চিনি করে উঠবে, তাই পরিচয়টা চাপা থাক। অবনী এই বাড়ির বিখ্যাত বংশের ছেলে।

আমি ওকে আজ দেখছি, আরম্ভ করছি তিন বছর আগে থেকে। তখন ওর চাকরি-জীবন শুরু হয়ে গেছে। তিন বছর আগে, সেদিনও সন্ধ্যাবেলা ঠিক এমনিভাবে এ বাড়ির সামনে এসে দাঁড়াল অবনী। কিন্তু থমকে দাঁড়াল সেকলে বাড়িটার গজাল-মারা সদর-দেউড়ির সামনে। ইলেকট্রিক নেওয়া হয়েছে, তবু বাড়িটার গা থেকে পিদিম-হারিকেনের রেশ ঘুচতে চায় না। দেউড়ির আলোয় মনে হয়, গত শতাব্দীর সেই ভূতুড়ে আলোটাই যেন জ্বলছে। সামনে পোড়া উঠোন আর ভাঙা ঠাকুরদালান, ওখানটা অন্ধকার। পাঁচ শরিকের যাওয়া-আসার পথ, তাই কেউ তার ভাগের সামান্য মিটার ওখানে খরচ করতে রাজী নয়। ইঁদুর ছুঁচো ব্যাঙ ছাড়া সাপও থাকতে পারে, আছেও। তবু।

উঠোনের বাঁ দিকে যে ঘরগুলিতে আলো দেখা যায়, ওগুলি অবনীদেব। বাবা, মা, ভাই, বোন সব মিলিয়ে সংসার ওদের, এখনও পুরনো বংশ হিসেবে খুবই জমাট।

অবনী থমকে দাঁড়াল। ওদিকটায় ও যেতে চায় না। কার্তিক মাসের হেমন্ত-জ্যোৎস্নায় এখনও কোথায় শরতের সোনার আভাস রয়ে গেছে একটু। তার উপরে হৈমন্তিক কুয়াশা-কুহকের একটু রেশ নির্বাক কৌতুকে রয়েছে চেয়ে। যেন পোড়া উঠোন আর ঠাকুরদালানে ঘাপটি মেরে বসে আছে কারা আলো-আধারিতে।

অবনী যেতে চায়, ওদের ঘরগুলি পেরিয়ে, ন-জ্যাঠামশায়ের পরিত্যক্ত মহলটায়। কিন্তু ঘরের লোকে দেখে ফেলে, সেই ভয়। উঠোনে ঢুকে, বাঁদিকে উপরে ওঠার সিঁড়ি। কিন্তু ভাঙা। উপরে এখন আর মানুষ ওঠে না। যে-কোন মুহূর্তে ভেঙে পড়তে পারে হুড়মুড় করে। এই ভাঙা সিঁড়ি দিয়ে উঠে, একটি চোরা সিঁড়ি আছে পিছনের মহলে যাবার। কিন্তু... এগিয়ে গেল অবনী পা টিপে টিপে। পায়ের চাপে সিঁড়িগুলিই ছুঁছুঁ করে, কিংবা ধুক ধুক করে নিজের বুক, ঠিক ধরতে পারে না অবনী।

অন্ধকারে হাতড়ে হাতড়ে, সবে মাত্র চোরা-সিঁড়ির শেষ ধাপটায় এসেছে। এমন সময় অস্ফুট আত্ননাদ শুনে থমকে গেল। দেখল, সামনাসামনি দাঁড়িয়ে ভয়ে জড়োসড়ো ললনা। চিনতে ভুল হয়নি, তাই।

অবনী তাড়াতাড়ি বলল, “আমি, ললনা, আমি অবনী।”

ললনা কাঁপছিল। আর একটি শীৎকার দিয়ে ও অবনীর বৃকের কাছে ঘেঁষে এসে ত্রাস-ফিসফিস গলায় বলল, “মা গো! কী ভয় যে পেয়েছিলুম! —এখানে কী করে এলে?”

“ওধারের পুরণো সিঁড়ি দিয়ে।”

“কী সর্বনাশ। যদি সাপ খোপ—”

ললনার কথার উপরেই অবনী ঠোঁট চেপে দিল।

ললনা বলল, “এত ভয় কিসের যে, এমন খারাপ পথ দিয়ে এলে?”

অবনী বলল, “মার চোখে যে সন্দেহটা দেখা দিয়েছে, সেটা চাপা দেবার জন্তে। সামনে দিয়ে এসে তোমাদের দোর ঠেলতে হবে না। ভাববে, তবু ছেলেটা একদিন ললনাদের ওদিকে যাওয়া কামাই দিয়েছে।”

ভয় ছিল না ললনার বাবা-মাকে। ওরা এ-বাড়ির লোক নয়, দুর্গতির দায়ে কলকাতা থেকে এসে আশ্রয় নিয়েছে আজ ছ মাস। অবনীর ন-জ্যাঠামশায়রা প্রায় দু-পুরুষ ধরে আছেন কলকাতায়। নটীর-হাট থেকে মুছে গেছেন তাঁরা। কিন্তু শরিকানার ভাগটুকু খালি রাখতে হয়েছে। এখন এসে আশ্রয় নিয়েছেন ন-জ্যাঠামশায়ের ভায়রাভাই, অর্থাৎ ললনার বাবা। ভদ্রলোক নিজের জীবনটা মামলার বাজি খেলে হেরে গেছেন নিজের জ্ঞাতিগোষ্ঠীর কাছে। সব হারিয়ে এসেছেন, আর কারও নয়, ভায়রাভাইয়ের পোড়োভিটায়। ইতিমধ্যেই নটীর-হাটের মার্কেটে বেশ খাপ খাইয়ে নিয়েছেন নিজেকে। মনে হয়, ঠিক নটীর-হাটের আদিবাসিন্দা যেন। প্রায় প্রতিদিনই নানান পার্টির সঙ্গে যান মহকুমা আদালতে, সাক্ষী হিসেবে। হক কথা না বলুন যুধিষ্ঠিরের বিকিকিনির হাটে বিকোচ্ছেন মন্দ নয়।

সে-কথা যাক। ভদ্রলোকের কিছু না থাক, রূপ ছিল ঘরে একরাশ। নিজের মধ্যবয়সী স্ত্রী থেকে তিন মেয়ে সব কটি শুধু রূপ নয়, অপরূপ। একটা ভয়ঙ্কর সর্বনাশের মত, যেন বৈশাখের তপ্ত-বাতাসে শিয়রে রাখা অগ্নিশিখা। অবনীর মায়ের মনের কথায়—পোড়োবাড়িটায় যেন কতগুলি নাগিনী ঘুরছে কিলবিল করে।

আমি আমার চিলে-কোঠার ঘুলঘুলি থেকে দেখতে পাই, নটীর-হাটের

যত বাদলাপোকাগুলি পড়ন্তবেলায় যায় অবনীদেব নির্জন পাড়াটায়। দেখে ভাবি বাদলাপোকা শুধু আগুনে পোড়ে না, স্বযোগ পেলে তাদের সাপেও সাপটে দেয় টপাটপ।

ওই একরাশ রূপের একটি বড় মেয়ে ললনা। অবনীর পাশে, একটি স্বদৃশ সোনার হারের স্বন্দর লকেটের মত। স্ব-গৌরী, একহারা, কিন্তু একটি আশ্চর্য ধার ওর দেহ-লাবণ্যে। খর চোখে দীপ্ত দুটি তারা। যে দিকে চায়, সেখানেই দাগ দিয়ে দেয় একটু। কিন্তু রক্তাভ ঠোট দুটি কেমন যেন বিলিভী পুতুলের মত বিহ্বল আবেশে ফুলো ফুলো। তার উপরে, এই অভাবের মধ্যেও ললনা সজ্জা পটীয়মী! প্রথম যেদিন চোখে চোখ পড়ল, দাগ পড়ে গেল অবনীর বৃকে। তারপর শিকড় গাড়তে গাড়তে, জড়িয়ে ধরল আঁঠুপৃষ্ঠে।

ললনার বাবা মা এসব দেখেও দেখেননি। কিন্তু দেখতে ভোলেননি অবনীর বাবা-মা, ভাই-বোন, আরও পাঁচ শরিকের খুড়ো-জ্যাঠা-দাদারা। প্রথমে কানাকানি, তারপরে ফিসফাস, তারও পরে গুঞ্জন। কিন্তু এই দু'বিষে পুরনো বাড়িটার ভিতরেই যত। পারিবারিক ব্যাপারটা কেউ বাইরে টেনে নিয়ে যান নি।

অবনী একটু সাবধান হওয়ার চেষ্টা করল। তাই অন্ধকারে, ভাঙা পরিত্যক্ত চোরা-সিঁড়ি দিয়ে, গোখরোর খোলস মাড়িয়ে এই দুঃসাহসিক অভিযাত্রা।

ধরা পড়ে গেল সেটাও। আন্দোলন উঠল সারা বাড়িতে।

কিন্তু এই ছুজনের আন্দোলন তার চেয়ে অনেক বেশি। গোটা বাড়িটা এঁটে উঠতে পারল না। ওরা ছুজনে হল আরও বেপরোয়া। মাঝখান থেকে ছলনাটুকু গেল। অবনী সোজাসুজি নিজেদের উঠোন পেরিয়েই যাতায়াত করতে লাগল ললনাদের মহলে।

অবনীর মা রান্নাঘরে ভাত দিতে এসে, অভিমান-ক্ষুব্ধ গলায় বললেন, “এসব কী হচ্ছে! তুই না বড় ছেলে এ-ঘরের! তবে যা খুশি তাই কর, আমি যাই কিছুদিন দাদার বাড়ি।”

অবনী বলল, “তার চেয়ে তোমরা থাক, আমিই চলে যাব।”

মনে মনে ভয়ে বিশ্বয়ে শিউরে উঠে চূপ করে রইলেন অবনীর মা। “ঘর ছাড়তেও ছেলে রাজী আছে তবে!

বাবা ত মুখে একেবারে কুলুপকাঠিই এঁটেছেন। এখন চেয়েও দেখেন না। অবনীর রোজগার ছাড়া সংসার চলবে না, ঠুঁর মুখে-চাবির ওইটিই কারণ। যদিও জানেন, ছেলে তাঁর বিছায়, বুদ্ধিতে, রূপে, ব্যবহারে ও কথায়, গোটা নটীর-হাটে প্রায় বেজোড়।

সব জানে, কিন্তু প্রাণ মানে না অবনীর। ললনার চোখের তারা ওকে টেনে নিয়ে যায়। সাড়া পড়ে গিয়েছে রক্তে, তাকে কী দিয়ে আটকে রাখবে অবনী।

রক্তে দোলা লেগেছে ললনারও। একটু দেরি হলে ঝড় ওঠে তার হু চোখে। অবনী কাছে এলেই, হু চোখে আলো জ্বলে যেন আরতি করে। ঠোট ছুটি আর একটু ফুলিয়ে বলে, “এত দেরি করলে যে?”

“দেরি কোথায়? পাঁচ মিনিট ত।”

“ওইটুকুই অনেকখানি।”

অবনী অবাক বিশ্বয়ে বিহ্বল হয়ে ললনার রূপ দেখে ডুবে যায়। তার চেয়ে বেশি ললনা। অবনীকে বলে, “তুমি যখন আমার রূপের প্রশংসা কর, মনে হয় ঠাট্টা করছ।”

“কেন?”

“নিজের রূপটা বুঝি তাকিয়ে দেখ না?”

দেখে, কিন্তু সেটা স্বীকার করার মত অবিবর্তিত নয় অবনী। বলে, “পুরুষের আবার রূপ!”

ললনাও কথা জানে। বলে, “হ্যাঁ, সেটা বলার জিনিস নয়, মনে মনেই জানি। তা ছাড়া, তোমার কত গুণ! তোমার পায়ের যুগিও নই আমি।”

অবনী বলে, “তা ঠিকই। কেননা, তুমি যে বৃকের যুগি।”

“আহা, ইয়াকি!”

কখনও বলে, “আচ্ছা, তোমার হাতের লেখাটা তুমি কি দিয়ে লেখ?”

অবনী হেসে বলে, “কেন, হাত দিয়েই।”

“তোমার হাতে তবে ছাপাখানার মেশিন. বসান আছে। আশ্চর্য! কী সুন্দর তোমার হাতের লেখা!”

কথাটা ঠিক। অফিসে বড় সাহেব থেকে আদালতীটি পর্যন্ত তার হাতের লেখায় মুগ্ধ। তার ইংরেজী ড্রাফ্ট না হলে ছোট সাহেবের মন ওঠে না। নটীর-হাটের ও অফিসের বন্ধুদের অনেকের ইংরেজী চিঠি লিখে দেওয়ার দায়টা সে সানন্দে নিয়েছে।

অবনী ললনাকে টেনে নিয়ে যায় বাড়ির পিছনের উঠানের নির্জনে। বলে, “আমার লেখার চেয়ে তোমার কথা যে আরও সুন্দর।”

কিন্তু দেখা যায়, জিতটা শেষ পর্যন্ত ললনার। কেননা অবনীর চেহারা পোশাক, গুণ, সবই অতুলনীয়। ললনার বেলায় ললনা নিজেই মুখখাবাড়ি দেয় অবনীকে।

যদিও ললনা ক্ষীণ রেখায় কাজল টানতে গিয়ে চোখের ধারটা বাড়িয়েই ফেলে বেশি। কাঁধকাটা লাল জামাটার উপরে শাড়িটা এলিয়ে দিতে গিয়েও কষে জড়িয়ে ফেলে কোমরে। তাতে তার ঘোঁবন যেন কী এক সর্বনাশ ও রহস্যের মত বিচিত্রময়ী হয়ে ওঠে।

এমনি করে কেটে গেল আরও ছ’টি মাস—কখনও ভাঙা-সিঁড়ি ভেঙে নড়বড়ে দোতলার ঘরে, কখনও পিছনের উঠানের হাসমুহানার তলায়, ঘোর সন্ধ্যায়, খিড়কি দোর খুলে, লতাজঙ্কলে আবৃত পরিত্যক্ত বাগানে।

বাড়িতে সকলের অস্বস্তি। নটীর-হাটের মাহুষেরা নিশ্চিত। সদরে কোন সাড়াই নেই।

আমি ভাবি, তারপর? ঘুলঘুলি দিয়ে মাঝে মাঝে একটি লোককে আসতে দেখেছি ললনাদের বাড়িতে। বয়স হবে প্রায় পঁয়তাল্লিশ। ললনারা তাকে বসন্তকাকা বলে। বাড়ি কলকাতায়, অবস্থাপন্নও বটে।

বসন্তকাকা একদৃষ্টে চেয়ে দেখেন ললনাকে। ফাঁস করে নিশ্বাস ফেলে বলেন, “নটীর-হাটে আছ তাহলে ভালই!”

“যেমন দেখছেন।”

“দেখতে খুব ভাল নয় অবিশি, মনে হয় অন্তরে অন্তরে ভালই।”

ললনা কোন জবাব দেয় না। মাথা নিচু করে, আঙুলে ফাঁস জড়ায় আঁচল দিয়ে। বসন্তকাকা শান্ত মাহুষ, চোখ-খাবলার মত তাকিয়ে থাকেন ললনায় দিকে। বলেন, “মাসখানেকের মধ্যেই বাড়িটা বোধহয় কেনা হয়ে যাবে। আলিপুরের সেই বাড়িটা।”

অবনী জিজ্ঞেস করে ললনাকে, “উনি কে?”

“বসন্তকাকা।”

“আপন কাকা?”

“না, বাবার বন্ধু।”

এ-কথা সে-কথার পর আজকাল অবনী বলে প্রায়ই, “বাড়ির লোকেরা না বিয়ে দিলে আমরা রেজিস্ট্রি ম্যারেজ করতে পারি।”

অবনীর এ-কথার উপরে ললনা শুধু ওর বিলিভী পুতুলের মত রক্তাভ ঠোঁট দুটি দেয় তুলে। অবনীর অসাড় অহুভূতিতে চাপা পড়ে যায় সিদ্ধান্তটা।

তারপর আমি দেখলাম আমার এই চিল-কোঠার ঘুলঘুলি দিয়ে, আসল সিদ্ধান্তটা বয়ে নিয়ে এলেন বসন্তকাকা। অবনী তখন অফিসে গেছে। বসন্তকাকা একেবারে লরি নিয়েই এসেছেন কলকাতা থেকে। ললনাদের মালপত্র উঠল তার মধ্যে। মালপত্র সামান্যই। ললনার মা-বাবা-বোনেরাও উঠল বসন্তকাকার সঙ্গে।

ললনা উঠবার আগে অসঙ্কোচে এল অবনীদের উঠোনে, একেবারে অবনীর ঘরে। একটি খাম রাখল টেবিলে, তারপর অবনীর মাকে প্রণাম করে, বসন্তকাকার হাত ধরে লরিতে গিয়ে উঠল।

নটীর-হাটের একটি বিশেষত্ব, মানুষ যেমন আসে, তেমন ফিরে যেতে পারে না। নটীর-হাটের স্মৃতি নিয়ে গেল ললনা।

সন্ধ্যাবেলা যখন নটীর-হাটের সদরে আমি শুনতে পেলাম অবনীর পদশব্দ, সাহস করে উকি দিতে পারলাম না ঘুলঘুলি দিয়ে।

বাড়ি এসে ন-জ্যাঠামশায়ের উঠোনের দরজাটা সপাটে খোলা দেখে অবাক হল অবনী। অঙ্ককার দেখে আরও অবাক।

ঘরে এসে খাম দেখে খুলে ফেলল। চিঠিতে লেখা ছিল, “বসন্তকাকা আমার নামে একটি বাড়ি কিনেছেন আলিপুরে। আমরা এখন থেকে সেখানেই থাকব। আমাদের পুরোনো সম্পত্তি ফিরে পাওয়ার জন্তে বাবাকে সাহায্য করবেন বসন্তকাকা।...নটীর-হাটের স্বর্গবাসে এইটুকু বুঝে গেলাম, সংসারে এখনও কত ভাল মানুষ আছে, কত সুখ ও সৌন্দর্য আছে। —ললনা।”

অবনী চিঠি রেখে, হাত মুখ ধুয়ে বলল, “মা খেতে দাও।”

যেন কিছুই হয়নি, এমনি একটি ভাব করে বলল অবনী। কেবল ওর সুন্দর প্রসন্ন মুখের ভ্রু ঠোঁট আর নাকের পাশে কয়েকটি স্নগভীর রেখা দেখা দিল। আমার ঘুলঘুলিতে ধরা পড়ল, অবনীর চোখে মুখে ওগুলি বিদ্রূপের চিহ্ন। নিঃশব্দে সব কিছুকেই সে বিদ্রূপ করছে।

তারপর মাসখানেক বাদে, অফিসে ছোটসাহেব প্রথম ওকে ডেকে

পাঠালেন নিজের ঘরে। একটি কাগজ দেখিয়ে বললেন, “এটা কার হাতের লেখা, অবনী?”

“আমার।”

ছোটসাহেবের পায়ের তলা থেকে মাটি সরে গেলেও বোধহয় এত বিস্মিত হতেন না। লাফিয়ে উঠে বললেন, “ইম্পসিবল! এত কুৎসিত হাতের লেখা তোমার?”

সত্যি, হাতের লেখাটা অতি কদর্য, বকের ঠ্যাং-এর মত। অবনী নির্বিকারভাবে বলল, “আজ্ঞে হ্যাঁ, আমারই।”

ডেস্ক খুলে ছোটসাহেব আর-একটি কাগজ বার করলেন। তাতে ছিল মুক্তোঝরা হস্তাক্ষর। বললেন, “এটা কার হাতের লেখা তবে?”

ও বলল, “আমারই। কিন্তু এখন আর আমি ওর চেয়ে ভাল লিখতে পারিনে।”

ছোটসাহেব হাসবেন না কাঁদবেন, বুঝতে পারলেন না। কয়েক মিনিট প্রায় রুদ্ধশ্বাস বিশ্বয়তীব্র চোখে তাকিয়ে বললেন, “কাগজ নাও আমি ডিক্টেট করছি, তুমি লিখে যাও।”

অন্যাসে লিখে গেল অবনী, অবিকল সেই কদর্য হাতের লেখাগুলির মতই। ছোটসাহেব আরও খানিকক্ষণ চুপ করে থেকে বললেন, “আচ্ছা তুমি যাও।”

চলে এল অবনী। কিন্তু ঘণ্টাখানেকের মধ্যেই গোটা অফিস হাঁ করে তাকিয়ে রইল অবনীর দিকে। মাহুষের পরিবর্তনের সঙ্গে যে তার হাতের লেখাও পরিবর্তন হয়, এমন বিচিত্র ব্যাপার কেউ দেখে নি। ব্যাপার কি?

নটীর-হাটের মাহুষের চোখে তখনও কিছু ধরা পড়েনি।

কিন্তু একদিন ধরা পড়ল, চোখে-না-পড়ার ভিতর দিয়ে। অবনীর যাওয়া-আসার পথে, দোকানী আর পড়শী’ সবাই ওকে একবার তাকিয়ে দেখত। এইজন্ত দেখত যে, পাড়ার সবচেয়ে সুন্দর ছেলেটা যাচ্ছে।

একদিন কেউ ফিরেও দেখল না, কারণ তারা চিনতেও পারেনি যে, অবনী যাচ্ছে। কেননা, নটীর-হাটের কড়ি মিস্তিরির মত, ছোট ছোট চুলের মাঝখানে সিঁধি-কাটা অবনীকে চেনাই দুষ্কর।

ওর ডেলি-প্যাসেঞ্জার বন্ধুরা, নটীর-হাটের মাহুষেরা সবাই অবাক হুল, হাসল, দুঃখিত হল। কেউ বলল, “এ আবার কেমন ফ্যাশান হে।” কেউ বলল, “অমন সুন্দর চুলগুলি! এ কি বিচ্ছিরি, ছি ছি……”

অবনী হাসে। আমি দেখি, হাসির মধ্যে ওর সেই বিজ্ঞপই আরও তীব্র হয়ে উঠছে। কিন্তু তার মুখটা যাচ্ছে বদলে, আর হাসিটা অবিকল নটীর-হাটের তেজারতী কারবারী নফর কুণ্ডুর মত ছুঁচলো আর কুংসিত হয়ে উঠল।

এর সঙ্গে সঙ্গেই এল একটু শীর্ণতা, গোমড়া মুখ আর অন্ধ-কষিয়ে বুড়ো-মাষ্টারের মত নীরবতা। চোখে ছানি পড়েনি নিশ্চয়ই। কিন্তু চোখের মণি দুটিও কেমন যেন বিবর্ণ হয়ে উঠল। ধবধবে রংটা গেল কালো হয়ে। শেষে প্যান্টশার্টগুলির রং-এর রুচিই শুধু গেল না, শরীরের তুলনায় বড় ঢলঢলে হল।

ঠিক সেই ছুটি হাতের লেখার মত। প্রায় চাঁদের সঙ্গে জোনাকির মত তফাত। ছ মাসের মধ্যে ওকে দেখাতে লাগল যেন পসারহীন বয়স্ক উকিলের মত।

আমি ভাবি, এ ভয়ংকর প্রতিশোধটা নিচ্ছে কেন প্রকৃতি, কিসের জন্তে।

নটীর-হাটের ফিস্ফাস্ গুঞ্জরিত হয়ে উঠল। মন্দিরে, বৈঠকখানায়, ক্লাবঘরে আর রকের সাক্ষ্য-আসরগুলির সব মাথা টনটন করে উঠল ব্যথায়। বাঁড়ুজ্যেদের সেজ শরিকের ঘরের ভিতরে ঘটছেটা কী? হিং-টিং ছট-এর মত উদ্ধারের আশায় বোল খেতে লাগল সবাই।

ছোট ছোট ছেলেপিলেরা অবনীর পিছনে লাগল একটু-একটু করে। কেননা, তারা জানে ‘অবুদা’ পাগল হ’য়ে গেছে। আর পাগল হলেই সে আর মানুষ থাকে না, তখন তাকে ঢিল মারতে হয়, কাঁদা ছুঁড়তে হয়, পিছনে লাগতে হয়। পথে পড়ে ফণীন্দ্র ঘটকের বাড়ি। তার রূপসী সাত মেয়ে রাস্তার ধারে জানালায় দাঁড়িয়ে হেসে মরে। কেননা, অবনীটা যদি পাগলাই হল, তবে তাদের সাতবোনের খপ্পরে পড়তে বাধা ছিল কোথায়?

এসব শুধু উপরে-উপরে। ভিতরে ভিতরেও অবনীর নতুন পরিবর্তন দেখা গেল। অফিসের লেখায় ভুল বেরিয়ে পড়ে রোজই। সেখানে ওকে করুণা করল সাহেব।

বাড়িতে ত কান্নাকাটির দাখিল। বাবা মরতে লাগলেন গুমরে গুমরে। মা চেয়ে দেখেন জলভরা চোখে। ভাইবোনেরা ভীত, বিস্মিত।

ছ মাস বাদে, মাইনে পেয়ে অবনী বাড়িতে টাকা কমিয়ে দিল অর্ধেক।

মা বললেন, “এ কী, এত কম?”

ও বলল মোটা ঘড়ঘড়ে গলায়, “ওর চেয়ে বেশি দেওয়া আমার পক্ষে সম্ভব নয়। আমার একটা ভবিষ্যত দেখতে হবে ত।”

মায়ের প্রাণটা ধক্ করে উঠল। ও মা! বলে কী। বললেন, “কী বলছিস তুই অবনী?”

অবনী হাসল, “ঠিকই বলছি। আর তা ছাড়া খাওয়ার অত বাছাবাছি কিসের? শুধু ডাল-ভাত করতে পার না?”

মায়ের মনে হল, তিনি জ্ঞান হারাবেন, পড়ে যাবেন ধুলোয়। এটা কে? বাড়ির কারুর খাওয়াপরাহুত দুঃখ যে সহ করতে পারে না, সেই ছেলে এই?

তারপর দেখা গেল, অবনীকে ভাত দিয়ে কুলিয়ে উঠতে পারেন না। মুখে নয়, অন্তরে বলেন, শুধু ভাতগুলি অমন রাফসের মত খায় কী করে ছেলেটা। মনে মনে বলতে হল মাকে, কী বিশ্রী খাওয়া!

এখন অবনী সরষের তেল মাখে মাথায় খাবলা খাবলা, ঘসর ঘসর দাঁত মাজে ছাই দিয়ে।

একদিন ঠাকুরদালানের উঠানে এক তাল গোবর দেখে দাঁড়িয়ে পড়ল অবনী। গোবর এরকম বছদিন চোখে পড়েছে, কিন্তু ফিরেও দেখেনি। হঠাৎ ছোট বোনকে ডাকল কেমন একটা গোঁয়ারের মত করে। বলল, “খেতে পারিস, আর গোবরটুকু কুড়িয়ে দেয়ালে চাপটি মেয়ে রাখতে পারিসনে। রোজ রোজ অত ঘুঁটের পয়সা আসে কোথেকে।”

বিষয়টা সামান্য, কিন্তু কত যে অসামান্য সেইটি ভেবে, আড়ালে বসে আঁচলে মুখ চেপে কেঁদে উঠলেন ওর মা।

অনেকদিন পর সাহস সঞ্চয় করে একদিন মা বলে ফেললেন, “অবনী, ললনাকে তুই বিয়ে করে আন।”

মায়ের দিকে তাকিয়ে ওর এখনকার স্বভাব-কুৎসিত হাসি উঠল ফুটে। বলল, “দোকানের পুতুল নাকি সে?”

আরও কয়েক মাস বাদে দেখা গেল, অবনীর ডান কাঁধটা যাচ্ছে উচিয়ে। একটু একটু করে বেশ খানিকটা উঁচু হয়ে শরীরটা গেল বেকে। তারপর বাঁ পা খোঁড়াতে লাগল। খোঁড়াতে খোঁড়াতে কোমর বেকে হাঁটু ভেঙে কেমন একটা বিশ্রী ইঁাচকা দিয়ে হাঁটতে আরম্ভ করল ও।

আমি আমার ঘুলঘুলি থেকে দেখলাম, অবনীর চলার ভঙ্গীতেও একটা ভয়ঙ্কর বিজ্ঞপ ফেটে পড়ছে। ঠিক একটা ক্রুদ্ধ ক্ষিপ্ত মাছ একজনকে ভেংচালে যেমন হয়, সেইরকম।

রাস্তার দুধারে দাঁড়িয়ে রোজ দেখল ওকে নটীর-হাটের মানুষেরা। আর সে সবাইকে যেন ভেংচাতে লাগল এই কদর ভঙ্গীতে। চলার তালে তালে

ওর বৃকের থেকে একটি শব্দ এসে বাজল আমার কানে, “এই, এই ত ছাখ চেয়ে, এই আমি।”

ঘরে বাইরে সবাইকে জানিয়ে দিল, “আপনি আপনি ওর হাত পা এমনি বেকে যাচ্ছে, নার্তগুলি যাচ্ছে মরে, হাত আর পা যাচ্ছে শুকিয়ে।”

ঘরে বলল, বাইরের ডাক্তার দেখছে। বাইরে বলল, দেখছে ঘরের ডাক্তার।

আর মধ্যরাত্রে আয়নার সামনে ঠিক সেই ভঙ্গিতে দাঁড়িয়ে তেমনি কুৎসিত হেসে বলল, “চব্বিশ বছর বয়স পর্যন্ত অনেক ভান করেছি। আসল রূপটা ফুটেছে আমার এতদিনে।”

আমি আমার চিলে-কোঠাখানিতে বসে ভাবছিলাম, মাহুশের মনের চিলে-কোঠায় কতগুলি ঘুলঘুলি আছে।

কিন্তু সামনের রাস্তায় অনেক লোক ওর পিছনে লাগল। অকারণ ডেকে ডেকে নানান কথা জিজ্ঞাসাবাদ করে। কেউ ঠাট্টা করে, করুণা করে কেউ। ছোঁয়াচে রোগের ভয়ও আছে অনেকের।

ওদের বাড়ি থেকে পশ্চিমে, হোমিওপ্যাথি ডাক্তার গোকুল মিত্রের বাড়ির কাছে এসে, দক্ষিণ দিক দিয়ে ঘুরে যেতে লাগল রোজ। আগে যেত গোকুল ডাক্তারের বাড়ির উত্তর দিক দিয়ে।

এতদিন আমার ঘুলঘুলি থেকে যেটা দেখেও দেখিনি, তা হল ছুটি চোখ। লক্ষ্য করে দেখলাম, অবনীর যাওয়া-আসার সময়টিতেই ঠিক নির্বাক নিশ্চল পটের মত সেই চোখ দুটি গোকুল ডাক্তারের জানালার গরাদ থেকে তাকিয়ে থাকে অপলক। সেই চোখে যত মুগ্ধতা, তত বিস্ময়, তত করুণা!

চোখ দুটি গোকুল ডাক্তারের মেয়ে পারুলের। মনে পড়ল, পারুলের চোখদুটি এমনি পটে আঁকা ছবিটির মত তিন বছর ধরে তাকিয়ে আছে। কারও চোখে পড়ে না। অবনীরও পড়েনি।

পারুলের রূপ বলতে কিছু নেই। কালো রং, সাদাসিধে মুখ। আটপৌরে শাড়িতে কুড়ি বছরের একটি নির্জন নদীর জোয়ার আপন উল্লাসে টলোমলো। অতি সাধারণ চোখ দুটিতে অতল গভীরতা। চুলগুলি বাঁধে রোজ আঁট-খোঁপা করে। পারুলকে চোখে পড়তে চায় না।

আমার মত অবনীটাও কানা ছিল এতদিন। এতদিন ও উত্তরে বেকেছে। এখন দক্ষিণে বেকেতে গিয়ে সহসা একদিন চোখ পড়ে গেল পারুলের চোখে।

পারুলের মুগ্ধ বিস্মিত করুণ চোখ দুটিতে কী ছিল, কে জানে। অবনীর উচিয়ে ওঠা কাঁধটা হঠাৎ একটু নেমে গেল যেন।

তেমনি লেংচে খানিকটা এগিয়ে আবার ওর কাঁধটা উচু হল।

পরদিন মনে ছিল না। কিন্তু চোখাচোখি হতেই, অবনীর কাঁধ আর বাঁ পা-টা সহসা যেন নাড়া খেয়ে সোজা হয়ে উঠল।

আমিও নাড়া খেয়ে গেলাম আমার এই অদৃশ্য চিলে-কোঠার মধ্যে। এ যেন কেমন এক শক-ট্রিটমেন্ট শুরু হয়ে গেল অবনীর।

কিন্তু পরমুহূর্তেই ও আবার লেংচে বেকে চলল উত্তরে। দূর থেকে একবার আড়চোখে ফিরে দেখল।

অথচ পরদিনই আবার তেমনি নাড়া খেয়ে সোজা হয়ে ওঠার লক্ষণ দেখা গেল অবনীর। মুখে বিদ্যুৎ-চকিতে দেখা দিয়ে গেল সেই কোমল মিষ্টি ভাবখানি। কিন্তু সবটুকু বিদ্যুৎ-চমকের মতই। রোজই প্রায় চলল এরকম।

আর আমি দেখলাম পারুলের মুগ্ধ চোখছুটিতে এক বিচিত্র আবেগের সঞ্চার। জানালায় থাকার সময়টা গেল ওর আরও বেড়ে। যেন এই নটীর-হাটের মত, নটীর-হাটের আকাশের মত—চিরদিন সে জানালায় বসে থাকতে চায়, থাকবে। ছিলও তাই, বারো বছর বয়স থেকে, উমার তপস্শ্রাব মত।

আমি দেখলাম পরম কৌতূহলে, অবনীর কাঁধটা কেমন সমান হয়ে আসছে, পা-টা খুব ধীরে ধীরে ধীরে, একটু একটু করে সোজা হয়ে উঠছে। তারপরে কেশে-বেশেও যেন একটি অস্পষ্ট পরিবর্তন দেখা দিল। হাসিটা ফিরে পেতে লাগল আগের মাদুর্ঘ্য।

সেটাও সকলের চোখে পড়ল, ঘরে ও বাইরে। কিন্তু রহস্যটা ধরা পড়ল না কারুর কাছে।

তারপর একদিন ফেরার পথে, সন্ধ্যাবেলা অবনী দাঁড়িয়ে পড়ল পারুলের জানালাটার কাছে। একবার পারুলের দিকে তাকিয়ে হঠাৎ একটু সলজ্জভাবেই মাথা নত করল সে। ওর পুরনো কণ্ঠস্বরে জিজ্ঞেস করল, “গোকুলকাকা ভাল আছেন?”

পারুলের মনে হল, ওর নির্জন নদীটা হঠাৎ বানে এলুনি প্রাবিত হয়ে যাবে। কোনোরকমে বলল, “হ্যাঁ।”

চলে গেল অবনী।

পরদিন আবার দাঁড়াল। বলল, “গঙ্গার ধারে শিবের ঘাটে আসবে?”

পারুলের বুকের মধ্যে কাঁপছিল থরথর করে। বলল, “যাব। আপনি যান।”

প্রায় আগেরই মত হেঁটে অবনী নির্জন শিবের ঘাটে এল। সন্ধ্যা তখনও উৎরোয়নি। নটীর-হাটের পশ্চিমাকাশে লাল রং লেগে আছে তখনও।

অবনী ভাবতে চেষ্টা করল এটা কোন্ ঋতু, কী মাস। বাতাসে ঈষৎ শীতের আভাস আছে।

পারুল এল। দাঁড়াল একটু দূরে। নির্জন নদীটি সন্ধ্যার বাঁকে এসে থমকে গেছে যেন।

অবনী বলল, “এস।”

পারুল কাছে এল। এসে, তাকিয়ে আবার চোখ নামাল। হুজনেই খানিকক্ষণ চুপচাপ।

অবনী বলল, “এমন করে রোজ কী দেখ পারুল।”

বলতে গিয়েও পারুল প্রথমে জবাব দিতে পারল না। কয়েকবার জিজ্ঞাসার পর বলল, “বুঝতে পারেন না?”

পারুলের দিকে তাকিয়ে চুপ করে রইল অবনী। তারপর বলল, “পারি। কিন্তু কেন পারুল?”

পারুল তাকাল ওর সেই মুগ্ধ চোখ তুলে।

আবার হুজনেই চুপচাপ।

খানিকক্ষণ পর পারুল বলল, “আপনার অস্থখ একেবারে মেরে গেছে?”

সেইটাই ভয় করছিল আজ অবনীর। সত্যি, সেরেছে ত? ওর রোগ পঙ্গুতা, ভীকতা, নীচতা। গলার কাছে বড় শক্ত লাগছিল কিছু। পারুলের হাত ধরে তাড়াতাড়ি মুখ ফিরিয়ে বলল, “বুঝতে পারছি নে পারুল।”

কিন্তু পারুলের চোখে কোন সংশয় নেই।

নির্জন ঘাট। অন্ধকার ঘনিয়ে আসছে আরো। পারুল নিজেই ওর মুখখানি বাড়িয়ে নিয়ে এল অবনীর দিকে।

অবনীর অস্থখটা যেন শেষবারের মত বেড়ে উঠল। বিকৃত করে, চোখ কুঁচকে সে তাকাল পারুলের চোখের দিকে, ঠোঁটের দিকে।

পরমুহূর্তেই তার মুখ চোখ স্নিগ্ধ হয়ে উঠল। জল এল বোধ হয় চোখে। আকর্ষণ-পিপাসায় পারুলের ঠোঁটের ওপর নেমে এল সে চাতকের মত। বলল, “হ্যাঁ, সেরেই তো উঠেছি পারুল।”

চোখ ফিরিয়ে নিলাম ঘুলঘুলি থেকে। অবাক হয়ে ভাবলাম, ঘরের কোণে

পড়ে থাক। ওম্ব-লতার এমনি গুণ নাকি ! শুধু দুটি চোখের তারায় অস্থখও
সেরে যায় এই মান্নুষের সংসারে !

নটীর-হাটের মাথাব্যথা আবার একবার নতুন করে গুণগুণ করে উঠল
কয়েকদিন। কেউ বলল, “ভূতে ধরেছিল।” কেউ বলল, “না, এরকম একটা
রোগ সম্প্রতি দেখা দিয়েছে। সেবারে আমার দিদির...”

“মুণ্ডু! খোঁজ নিয়ে দেখ, নির্ঘাত কোন তালে ছিল। ফেরেবাজ নয়ন
সাধুখাঁ জালিয়াতির দায়ে একবার বোবা আর কালা হয়ে গেছিল, মনে আছে?”

বাসু পুরুতের গলির মোড়ে দাঁড়িয়ে বললে গদাই, “ওসব শালা কিছু নয়,
সেয়েফ ভি-ডি বাবা। গদাশালার চোখ ফাঁকি দিতে পারবে না, ওসব শালা
অনেক, শালা...”

তা বটে। গদা একসময়ে হামা দিয়েও চলেছে। এর উপরে আর
কথাই নেই।

মহাযুদ্ধের পরে

ঘটনার আগের দিনের রাত্রি এটা।

বৃষ্টিটা হবে কিনা, ঠিক বোঝা যাচ্ছে না। তবে আকাশ আর আব-
হাওয়াটা যেন সব দিক দিয়েই তৈরি আছে। কৃষ্ণপক্ষের অন্ধকার, মেঘের
ঘন ঘটা, ভেজা ভেজা ভারি পূবে বাতাস, বায়ুকোণ থেকে আকাশের বহুদূর
পর্যন্ত বিদ্যুতের হানাহানি, গুড়ুগুড়ু গর্জন, সব আছে। না বর্ষেও রাতটা
যেন পুরোপুরি বর্ষার।

হাটের দিন নয়। বাজারের চালাগুলিতে ইতিমধ্যেই বেচাকেনার পাট
চুকিয়ে, বাতি নেভাবার পালা শুরু হয়ে গেছে। আরো একটু সময় হয়তো
চলত হিসেব-নিকেশ, বাতি জ্বলত। কিন্তু আকাশে বড় ঘটা। বর্ষাকে
ত্বরান্বিত করতে বোধহয় ওইটুকুতেই মানুষের হাত আছে। মাথা মুড়ি দিয়ে
অন্ধকারে একটা মেঘ-মেহুর অহুভূতি নিয়ে শুয়ে পড়া।

চালাঘরগুলির পূবে ইছামতীর জলও দেখা যায় না। অন্ধকারে মেশামিশি
করে আছে। কেবল চিকুর ঝিলিক যখন তারো বৃকে বসছে কেটে কেটে,
তখন টের পাওয়া যায়, স্রোত পাক খাচ্ছে ওখানে। জোয়ার না ভাঁটা,
ঠাহর হয় না, শব্দ শোনা যাচ্ছে শুধু, ছল্ ছল্ ছলাৎ! তারো যেন বৃষ্টিরই
প্রতীক্ষা।

ভারি বাতাসের ঝাপটা খেয়েও পুরুষ জোনাকিগুলি মিটিমিটি বাতির
ইশারায় ফুসলে বেড়াচ্ছে নিচের মেয়ে জোনাকিদের। উচ্চকিত হচ্ছে
ঝিঁঝিঁর ডাক। সেটা মানুষকে শোনার জন্তে নয়। যে-বাসনায় জোনাকি
জলে ওঠে, সেই বাসনার উন্মাদনায় পুরুষ ঝিঁঝিঁটা চেষ্টা করে বীরত্বের ফাঁদ
পাতছে মেয়েটার জন্তে।

অন্ধকার গাঢ় হচ্ছে ক্রমে। আর এই অন্ধকারে, মেঘলা রাতে, জলো
বাতাসে তল্লাটের কুকুরগুলি পরস্পরের মধ্যে পাড়া ও আঁস্তাফুড় ভাগাভাগির
সমস্ত চুক্তি, সন্ধি ও বন্ধুত্ব ভুলে গেছে। তাড়া লড়ছে, রক্তারক্তি করছে।
ঋতু-কয়েদীগুলির রক্ত ছাড়া পেয়েছে এই বর্ষার মরহুমে। এখন আর কোনো
চুক্তি সন্ধি ওরা মানবে না।

নারকেল গাছের ভিড় বেশি চারদিকে। বাতাসে তাদেরই দোলানি আর ডাক।

বাজারটাকে দু'ভাগ করে পাকা রাস্তা চলে গেছে অনেক দূরে, ইছামতীর গা ঘেঁষে ঘেঁষে। শেষ হয়েছে গিয়ে ইছামতীরই তটে।

আপ আর ডাউনের শেষ দুটো মোটর বাস-ই চলে গেছে কিছুক্ষণ আগে। একটা কলকাতায় গেছে, আর একটা কলকাতা থেকে গেছে ইছামতীর কূলে।

শেষ বাস দুটো দেখে ওরা দুজনেই নদী-কিনারের হোটেলের খেয়ে এসেছে চুক্তি অহুযায়ী। দেড়ো-ব্যালাইগু বটা আর ব্যালাইগু স্না। নামগুলি একটু অদ্ভুত। বিদেশী নয়। নিতান্তই দেশী নাম, আর এ অঞ্চলেরই কালো কালো দুটি পুরুষ। নাম বটা আর স্না। বাকিগুলি বিশেষণ, দুজনের খ্যাতির ও খ্যাতিরের বাহন। হোটেলের চুক্তিটা আর কিছু নয়, শেষ যা থাকে, ওদেরই। অত্যন্ত দায়িত্বপূর্ণ চুক্তি। যে-দিন কিছু থাকে না প্রায়, সে-দিন ওদেরো ফাঁকা।

খাওয়ার শেষে লাঠি ঠুকে ঠুকে দু'জনে রাস্তাটা পার হয়।

বটা একটু লম্বা, ঘাড় অবধি সোজা খাড়া আর শক্ত, মাথাটা নোয়ানো। এলোমেলো, খাপছাড়া দাড়ি তার মুখে। স্না চওড়া, পেটা পেটা শরীর, একটু বেঁটে।

স্না এসেছে ইছামতীর ওপার থেকে। বটা এপারের। দু'জনেই আছে এই বাজারের তল্লাটে অনেকদিন, অনেক বছর ধরে। কত বছর, সেটা ওরা জানে না, কারণ ওরা হিসাব রাখতে পারে না। দশ বছর হতে পারে, বিশ বছরও হতে পারে। নিজেদের বয়স ওরা জানে না। তিরিশ হতে পারে, চল্লিশ-পঞ্চাশও হতে পারে। দেখলে কিছুই প্রায় অনুমান করা যায় না।

কলকাতার বাস যায় এখান দিয়ে, আর বাজারটা আছে। এইটি দুজনের একমাত্র আকর্ষণ।

কে একটা বাস-যাত্রী দেশী সাহেব, অনেককাল আগে, স্নাকে বলেছিল, তুম্‌ রাইও, আছে ?

স্না বলেছিল, ব্যালাইও, ? সেটা কি বাবু ?

রাইও, রাইও ! আচ্ছা।

স্নার চোখ খোলা, ঘষা-ঘষা দুটি তারা, কিন্তু জন্মাক্ষ। সাঁহেব তাকে অন্ধ বলে প্রথমে যেন বিশ্বাস করতে পারে নি।

সুলা সাহেবের মাথার উপর অন্ধ চোখ রেখে বলেছিল, হ্যা, আমি কানা, ভিখ-মাগা কানা।

সাহেব ভিক্ষে দিয়েছিল। আর সুলা চিৎকার করে বলেছিল বটাকে, জাইনলি রে বটা, অন্ধও না কানাও না, আমি ব্যালাইও। তুইও ব্যালাইও।

বাজারের সবাইকে ডেকে ডেকে বলেছিল, আপনারা সকলে শুইনে রাখেন গো ব্যাপারী মোহাজনরা, আমরা ব্যালাইও।

পরে সেটা ডাকাডাকি, হাসাহাসিতে ‘ব্যালাইও’য় দাঁড়িয়েছে।

বটার চোখে মনি নেই, পচা মাছের পটকার মত দুটো ড্যালা বুলে আছে। সেও জন্মাক।

দুইই জন্মাক, দুজনেই ভিক্ষে করে। বটা গান গেয়ে আর সুলা সুর করে কথা বলে ভিক্ষে করে।

লাঠি ঠুকে ঠুকে পার হয় দু’জনে রাস্তাটা। ওপারে গিয়ে আরো খানিকটা দক্ষিণে যায়। বাজারের চৌহদ্দি পেরিয়ে—যেখানে পাটের খালি গুদাম-ঘর-গুলি রাস্তার দু’পাশে এক রাশ অন্ধকার গিলে গুহার মতো দাঁড়িয়ে আছে। পাট এখন চাষ হচ্ছে মাঠে। পাইকাররা টাকা নিয়ে ঘুরছে চাষীদের কাছে। গুদাম ঘরগুলি এখন হা-হা করছে, পড়ে আছে বে-ওয়ারিশ। অধিকার আছে শুধু বুড়ি রোগা গরুর, কুকুরের আর ব্যালাইওদের।

সুলা বলে, কোন্টায় যাবি? বড়টায় না ছোটটায়?

বটা জবাব দিল, বড়টায়। বিষ্টি হলি, জল পড়ে ছোটটায়।

বড়টায়ও পড়ে।

কিস্তন্ জায়গা বেশি।

বটা নাক কৌচকাল, উ, শেয়াল যায় ভাইনা দিয়া।

সুলা বলল, হুঁ!

সুলা হুঁ-বলার আগেই কুকুর ডেকে উঠল সামনে। তারপর ঝোপঝাড় মাড়িয়ে একটা ছোটোছোটির শব্দ। মদা শেয়ালগুলিকে এই মরহুমে একদম বিশ্বাস করা যায় না, কুকুরগুলিকে তো নয়ই! শেয়াল-কুকুরের জার জন্মাবে এক গাদা।

চারিদিক থেকেই কুকুর ডাকতে লাগল। সামনে, পিছনে, কাছে ও দূরে।

তিনটে গুদাম ঘর পার হয় ওরা। প্রতিটি উচু-নিচু, পথের প্রতিটি গাছ, ঝোপঝাড় প্রায় অন্ধের মতো চেনা ও মাপজোক করা আছে।

সুলা বলল, বিষ্টি লাইম্বে মনে লয়।

বটা জবাব দিল, দেরি আছে। লোনা বাতাসে এখনো উড়ুয়ে নেচ্ছে।
বাতাসটা জল জল।

সুলা বলে, হাঁকডাকও তো খুব।

ম্যাগের?

হ্যাঁ। আবার বিজলি নাকি চমকায়।

হুঁ, মানুষে কয়, বিজলি চমকায়। কেমন কইরে চমকায়?

কি জানি! মানুষে আছে? বোধায়, মন যে রকোম চমকায়, সেই
রকোমই হবি।

বটা হাসে, বলে, মনের মতন চমকায়?

সুলাও হাসে। হিঃ হিঃ হিঃ!—আবার বলে, সব কিছুর নাকি রঙ আছে।

হ্যাঁ, মানুষে আছে। লাল, সইবজে, নীল, শাদা...

আর কালো? কালোটা কেমন?

আন্ধারের মতন।

আন্ধার?

হ্যাঁ, মানুষে কয়।

লোকে বলে, অন্ধকারটা কালো। ওরা কালো চেনে না, শাদা চেনে না।
লাল চেনে না, নীল চেনে না।

সুলা বলে, পয়সা নাকি নাল আর শাদা।

বটা বলে, শুইকলে মালুম দেয়, কোনটা নাল আর শাদা। নালটার গন্ধ
ঘামের মতন। শাদাটার গন্ধ নাই।

হুঁ। হাত দিলিও ট্যার পাওয়া যায়।

তা তো যায়ই।

গস্তব্যে এসে দাঁড়ায় দুজনে। সুলা বলে, এই ছাখো শালারা এইসে
জুইটেছে। হুট, হুট!

গোটা কয়েক কুকুর, ঘেউ ঘেউ করছে না কিন্তু গায়ে পড়াপড়ি, দাপাদাপি
করে গরগর করছে। তাড়া খেয়ে দৌড়ে পালাল।

ওরা দুজনে, লাঠি ঠুকে ঠুকে একটা কোণ-বরাবর চলে যায়। সেখানে
পাতা চাটাইয়ের ওপর শুয়ে পড়ে দু'জনেই।

আঃ!

আর একজন কাশে। তারপর দুজনেই তলপেটের কাছে হাত নিয়ে যায়।
খরচ শেষে অবশিষ্ট পয়সা টিপে টিপে দেখে।

কোন গুদামঘরের চালের টিনের জোড় খুলে গেছে। বাতাসে টিনটা ঘা
থেয়ে থেয়ে মেঘ ডাকার সঙ্গে তাল রাখছে মাঝে মাঝে। বটা ডাকল, সূলা
ব্যালাইগা।

হঁ।

রাইত-ব্যালাইগা ডাকে না যে?

তাই ভাবতেছি।

সূলার কথা শেষ হবার আগেই পাখিটা ডেকে উঠল, পিক্ পিক্ পিক্
পিক্!

বটা বলে উঠল, ওই, ওই, ডাক ছেইড়েছে রাইত-কানাটা।

কোথায় একটা কাঠের ফ্রেমের কানাচে বাসা বেঁধেছে পাখি। ওরা যখন
আসে, দু'চারটে কথা বলে, তখন পাখিটা ডেকে ওঠে। ভয়ে ডেকে ওঠে শিস্
দিয়ে, পিক্ পিক্ পিক্ পিক্। সাবধান। মাহুষ এসেছে।

সূলা বলে, বড় তাজ্জব, না?

কেন?

দিনে নাকি দেইখতে পায়, রাইতে ব্যালাইগা।

হঁ! মানুষে কয়। তাই ডরায়।

কেন?

মানুষেরে নাকি ডরায়, মানুষে কয়। কুত্তারে ডরায় না, গরুরে ডরায় না,
মানুষেরে ডরায়। ডিম নাকি পাড়ছে, বাচ্চা দুইটবে, তাই ডরায়।

আবার ডেকে উঠল পাখিটা।

সূলা বলে, ডিম সামলায়। কিন্তু ঠাখে কেমন কইরে?

আন্দাজে সামলায়। দিনের বেলা দেইখতে পায়।

জম্মো-কানা লয়।

হঁ! চোইখ আছে, রং চেনে, উইড়তে পারে।

একটু চুপচাপ। পাখিটা প্রতিদিনের অভ্যাসের মতো নির্ভয় হয়, শান্ত
হয়। চুপ করে করে থাকে। রুষ্টি আসে নি, ঘটা আরো ঘোর হয়েছে তবু
জোড়-খোলা টিনটা শব্দ করছে তেমনি।

সূলা বলে, পাখি কোনোদিন দেখি নাই।

অর্থাৎ স্পর্শ করে নি কোনোদিন।

বটা বলে, মানুষে ঠাখে, কয়, দুইটা নাকি পা, আর দুইখান পাখা।

পাখা কেমন?

কি জানি! খুব নাকি লরম জীব। লদীর ওপার নাকি যায় উইড়ে
উইড়ে, আবার এইসে পড়ে।

হ্যাঁ, মানুষে তো কয়।

ভিন্ন ফুইটে নাকি বাচ্চা বারোয়?

মানুষে কয়।

মানুষের শুধু বাচ্চা হয়। কেমন কইরে হয়?

স্বলা চুপ করে থাকে। গুদামের গুহায় ঢুকে পড়া বাতাস বেরুবার জগ্ন
ছটফট করে। তার ঘষা মণি ছুটি স্থির হয়ে থাকে এক জায়গায়।

বটার পটকার মতো ড্যালা ছুটি কাঁপে তিরতির করে।

স্বলা হঠাৎ বলে, মানুষে কয় না?

তারপর ওদের অন্ধ চোখে ঘুম নামে। ঘটনার আগের দিন ঘুমোয়
দুজনে।

ইতিহাসের আগে, আদিম যুগের গুহা-মানবের মতো নিতান্ত গোষ্ঠিবদ্ধ
ছুটি জীব। শব্দ দিয়ে যারা রূপকে দেখতে চেয়েছে, স্পর্শ করে রঙকে
চিনতে চেয়েছে। কীট আর পতঙ্গের চেয়েও যেন অসহায়। ক্ষুধার মতো
প্রাকৃতিক বোধ আর অস্থির অস্থিভূতি ছাড়া, মাহুষ হিসেবে আর কোনো
দরকার নেই তাদের।

কোনো হিংস্রতা নেই, ইতিহাসের আলোক তাদের অজ্ঞানতার
অন্ধকারে বাতি জ্বালে নি।

কারণ, পৃথিবীতে তারা এসেছে, পৃথিবীর কিছুই তারা দেখে নি।
মাহুষের মধ্যে বাস করেও কিছু দেখে নি তারা মাহুষের।

তবু ইতিহাস তাদের অন্ধ বুকে এসে মাঝে মাঝে দোলা দিয়ে গেছে।
পাখি-রঙ-মাহুষের বিষয় তারা ভাবতে চেয়েছে।

কিন্তু ইতিহাসের অকৃত্রিম বোধগুলি অচেনা থেকে গেছে তাদের।
রাজ্যজয়, ভোগ, দখল, দাবি, ক্ষমতা, অধিকার আর হিংসা ভাদের ইতিহাসের
দাগের বাইরে রেখে দিয়েছে। ইতিহাস কোনোদিন তাদের সেই টুটিটা
খুলে দেয় নি, যেখান থেকে সে চিৎকার করে উঠবে, আমার! এটা
আমার, ওটা আমার, আমি চাই। তাই দেড়ো-ব্যালাইগু বটা স্মার স্বলা
ব্যালাইগু অর্নৈতিহাসিক আদিম ভীক অসহায় অন্ধকারে পড়ে আছে।

তবু ইতিহাস সেখানেও ছায়া ফেলে গেছে মাঝে মাঝে। যেমন,

হুকুরের সঙ্গে ওরা শোয় নি, নিজেদের আস্তানা থেকে তাড়িয়ে দিয়েছে। ভয় হয়, কেউ ওদের ভিক্ষের কড়ি মেরে কেড়ে নেবে কি না। খাবার নিয়ে ওদের পরস্পরের মধ্যে ঝগড়া হয়েছে।—কিন্তু সে ঝগড়া ওদের বেশিক্ষণ টেকেনি। যুগযুগান্ত ধরে পাশাপাশি ছুটি রাজ্যের হত্যা ও বিদ্বেষের মতো ঐতিহাসিক হয়ে ওঠা সম্ভব হয়নি ওদের, কারণ, পরদিন ওরা আবার খেতে পেয়েছে, কারুর ভাগে কম পড়ে নি। তখন ওরা আবার একত্র হয়েছে, কেননা, দুজনের অঙ্ক-সমাজে আর কেউ নেই। সাধারণ মানুষের মতো সাধারণভাবে ভালোবাসাবাসি করেছে। বলাবলি করেছে, ভাত নাকি শাদা।

হ্যাঁ, মানুষে কয়। ওইটা শাদার গন্ধ।

দুধ নাকি শাদা।

মানুষে কয়। দুধেরো গন্ধ শাদা।

আমি দুধ খেইছি, তিন বার।

আমি একবার।

মায়ের দুধ নাকি শাদা?

মানুষে কয়। আমার মনে নাই।

আমারো না।

তারপর ওরা চূপ হয়ে গেছে। চূপ হয়ে, অনেক দূর পিছিয়ে গেছে অঙ্ককারে অঙ্ককারে। কল্পনা করার চেষ্টা করেছে, একটা মা-কে। একটা মা, নিশ্চয় সে ওদেরই মতো ছিল। একটা মাথা, দুটো হাত, দুটো পা। আর মানুষের মতো চোখ, যা দিয়ে দেখা যায়। কিন্তু দুধ? দুধ কোথায় ছিল। বুকে নাকি থাকত। বুকে? বুকের কোথায়?

যেন মা ঘুমোয় অধোরে আর তার পাশে দিশেহারা সত্বোজাত ছেলে বিশ্বময় হাতড়ে ফেরে, দুধ, দুধ কোথায়।

দেড়ো-ব্যালাইগু বটা চিৎকার করে গান ধরে দিয়েছে, যে গান গেয়ে সে ভিক্ষে করে:

হে ভগমান! ভগমা—ন!

অঙ্কজনে কর কর জ্ঞান।

সুলা ব্যালাইগু ঘাড় নেড়ে বলেছে, হ্যাঁ! মা দেখি নাই বাবা, বাবা দেখি নাই বাবা, হেই মা-বাবা...

তারপর অঙ্কজ ঘোচাবার জন্তেই যেন ওরা, গায়ে গা-ঠেকিয়ে শুয়ে

থেকেছে। তখন বোধহয় শুধু মহাকালই চোখ মেলে তাকিয়েছিল, যে ওদের আয়ুষ্কালের শেষ দিগন্তে দেখছিল ত্রাণের নিঃশব্দ দিনটাকে।

ওরা দুজনে ঘুমিয়ে পড়ল, বৃষ্টিটা তখনো এল না। পূবে ভারি বাতাস আরো ভারি হয়ে উঠল। শুধু বিদ্যুৎ হানাহানি, মেঘ ডাকাডাকি এল কমে। প্রকৃতি যেন এবার চুপি চুপি কিছু সারবার তালে আছে। কারণ রাত্রিটা অন্ধ। রাত পোহালে দেখা গেল বৃষ্টি হয় নি। কিন্তু মেঘ কাটে নি।

সুলা আর বটা শুয়ে শুয়ে শুনতে পেল, কলকাতার বাস চলে যাচ্ছে। এসময়টা ভিক্ষে পাওয়া যায় না বড় একটা। সেইজগত ভোরের দিকে কয়েকটা বাস ওরা রোজই ছেড়ে দেয়।

সুলা বলে, রৌদ ওঠে নাই।

বটা জবাব দেয়, ম্যাঘ আছে আকাশে।

লাঠি ঠুকে ঠুকে, চেনা পথে বাজারের কাছে আসে দুজনেই।

একটু পরেই দূর থেকে আপ-গাড়ীর শব্দ ভেসে আসে।

সুলা বলে, সুলা ব্যালাইগারে ডাইকতে ডাইকতে আইসতেছে।

বটা বলে, তোর মুণ্ড। ওই শোন দেড়ো-ব্যালাইগার নাম করতিছে।

অর্থাৎ, গাড়ির এঞ্জিন নাকি ওদের নাম ধরে ডাকতে ডাকতে আসে। গুঢ়ার্থ হল, ওদের ভিক্ষে পাওয়ার ভাগ্য নিয়ে একটু খুনসুটি।

তা ছাড়া, এঞ্জিনের শব্দটা ওদের কাছে শুধু একটি যান্ত্রিক শব্দমাত্রই নয়। আরো কিছু। রহস্য-ঘেরা এক বিচিত্র আত্মার মতো, যার মধ্যে ওরা অনুভব করেছে ভয়ঙ্করের ভয়, ভরসার বন্ধু। মানুষ যেমন অলৌকিকের সঙ্গে সঙ্গ পাতিয়ে সত্যমিথ্যের নানান খেলা করে, এঞ্জিনের শব্দটার সঙ্গে ওদের তেমনি একটি অলৌকিক সম্পর্ক উঠেছে গড়ে। পেট্রল কিংবা ডিজেলের গন্ধের মধ্যে তাকে ওরা আবিষ্কার করেছে ভয়ঙ্কর ও মহতের মতো একটা কিছু।

গাড়িটা আসে। পরস্পরের চুক্তি অনুযায়ী দু'জনে দাঁড়িয়ে যায় গাড়িটার দু-পাশে। বটা আর সুলা সবে চিৎকার করতে যাবে, এমন সময় সেই শব্দটা শোনা গেল। ঘটনার স্তূপপাত হল। দু'জনে ওরা দাঁড়িয়ে রইল স্তম্ভিত হয়ে।

ওরা স্তম্ভিত হল, কিন্তু চা ও খাবারওয়ালার চিৎকার চলতে লাগল সমানে। চলতে লাগল যাত্রীর গুঠা-নামা, হাঁকডাক। কোথাও কোনো বিশ্রয় নেই; আর কেউ স্তম্ভিত হয় নি। বাতাস ঠিক বইছে, আকাশ ঠিক

মেঘলা আছে। বাজারের স্তিমিত কলরব শোনা যাচ্ছে ঠিক, ঠিক শোনা যাচ্ছে ইছামতীর খেয়া-মাঝির হাঁক।

কেবল দেড়ো-ব্যালাইগার আর স্ত্রী ব্যালাইগার ঘষা চোখের মনি স্থির, মাছের পটকা-ড্যালার টুকুস্‌টুকুস্‌ লাফানি।

শুধু মহাকাল দেখল, অন্ধ ও আদিম জগতের একত্র বাস-গুহায় নতুন কালের আবির্ভাব হল। পদক্ষেপ করছে ইতিহাস।

বটা-স্ত্রী নয়, বাসের সামনে দাঁড়িয়ে চিৎকার করছে একটি মেয়েমানুষ :
দু'একখান পয়সা দিয়ে যান গো বাবা, জন্মান্ন বাবা। সোয়ামী-পুতুর নেই,
দেখবার কেউ নেই, আপনেনদের দয়া। বলতে বলতে গান ধরে দিল :

ঠাকুর, কতকাল আর রাখবে নজর কেড়ে,

কবে জনম সাংক হবে, তোমারে হেরে।

স্ত্রী ঘুরে এসে বটার সামনে দাঁড়াল।

স্ত্রী ?

হঁ।

আর এ্যাটটা জুইটল ?

ব্যালাইগানি।

চইমকে গেছি।

বিজলির মতন।

জন্মান্ন কয়।

মানুষে দেইখবে।

বটা স্ত্রীর দিকে মুখ ফিরিয়ে বলল, রাগারাগি করিস্ না ব্যানো।

স্ত্রী বলল, দরদ আইসে না।

বটা প্রায় চাপা-গলায় হাম্‌লে উঠল, মাগ্‌, মাগ্‌ তাড়াতাড়ি স্ত্রী, বলে সে
নিজেই চিৎকার করে উঠল :

ভগমান! ভগমান!

অন্ধজনে কর জ্ঞান।

স্ত্রীর ভিক্ষে চাওয়ার রীতি একটু আলাদা। সে গাড়িতে উঠে
নানানরকম শব্দ করে। বেড়াল ডাকে, কুকুর ডাকে, কোকিল ডাকে।
তারপর বলে, স্ত্রী ব্যালাইগারে ছান কিছ।

লোকে হাসে, খুশি হয়। যার সামর্থ্য থাকে, সে দেয় কিছ।

কিন্তু আজকে মনোযোগ দিতে পারল না স্ত্রী।

ওদের দুজনের চিংকার শুনে, মেয়ে-গলাটা স্তিমিত হয়ে এসেছে একটু ।
বুঝতে পারল, বিনা-ভাগের নিরঙ্কুশ রাজ্যে সে প্রবেশ করে নি ।

গাড়িটা চলে যায় । স্থলা আর বটা দাঁড়ায় পাশাপাশি । টের পায়,
ভাগিদার পিছনেই দাঁড়িয়ে আছে ।

তাই দাঁড়িয়ে ছিল । নাম ওর—কানী কুরচি । এসেছে কলকাতার
শহরতলী থেকে । চোখ বলে ওর কিছু নেই, দুটি অস্পষ্ট অন্ধকার গর্ত,
চোপসানো দুটি চোখের পাতা পিটপিট করে তার ওপর । বয়সের দাগ
পড়েছে সারা গায়ে । সেটা বয়সেরই কিংবা শুধু এই জীবনের দাগ, অসুমান
করা যায় না । সে জন্তে বয়সটা তার গোঁণ । তিরিশ হতে পারে, পঞ্চাশও
হতে পারে । যৌবনের কোনো চিহ্ন নেই, কিন্তু মেয়েমানুষের চিহ্নটুকু আছে
সর্বাদ্বে ।—শনহুড়ি চূলে, জন্মান্দের ছাপমারা মুখে, সেই প্রথম সন্ধিক্ষণের
বেড়ে-উঠে থমকে-যাওয়া শরীরে বয়সের বহুল রেখায় ।

কুরচিও থমকে আছে, টের পেয়েছে দুজনের দাঁড়িয়ে থাকা । মুখের ওপর
তার শন-পাঁশুটে চুল পড়েছে উড়ে । মুখে একটু তোষামোদের হাসি ।

বলে, ক'জনা হে ?

বটা-স্থলাকে জিজ্ঞেস করছে, মোট ক'জনা অন্ধ আছে ।

স্থলা উন্টোমুখে হাঁটা ধরে লাঠি ঠুকে ঠুকে । বটাও । কুরচি হাসিটুকু বিকৃত
করে, মুখ ফিরিয়ে থাকে ওদের লাঠি-ঠোকার শব্দের দিকে । আপন মনে
বলে, ঝগড়া করতে চায় । তারপর সেও অন্তদিকে যায় লাঠি ঠুকে ঠুকে ।

স্থলা আর বটা গিয়ে বসে একটি চালের আড়তের সামনে গাছতলায় ।
ভিক্ষে করে । ওইটি ওদের বসার জায়গা ।

বটা বলে, আর এ্যাটুটা কানা ছাওয়াল জুইটছিল একবার, মইরে
গেছে ।

স্থলা বলে, এইটাও মরবে ।

রাগ করিস না স্থলা ।

দরদ আইসে না ।

আপনে আপনিই পলাইবে ।

একটু চুপচাপ । স্থলা বলে, ভাগিদার ।

বটা বলে, মানুষে কিছু কয় না ?

মানুষে কিছু না বললে, ওদের বলার হক নেই ! এই বাজারের এক
মহাজনের খন্দের আর-এক মহাজন ভাঙিয়ে নিলে মারামারি হয়, পঞ্চায়েতের

বিচার হয়। কিন্তু কানী কুরচির ব্যাপারে সকলে নির্বিকার। পৃথিবীর কোথাও কিছু যায়-আসে না।

সুলা বলে, মেইয়েমাহুয।

দেখি নাই কোনো দিন।

অর্থাৎ স্পর্শ করে নি।

ব্যালাইগানি।

মানুষে ছাথে।

এয়াদের ছাওয়াল হয়।

দুধ হয়।'

চূপ করে ওরা। আবার গাড়ি আসে। ভিক্ষে করে ওরা। বরং কানী কুরচিই আসর জমাতে পারে না! সময় লাগবে।

প্রত্যেকবার গাড়ি আসে, গাড়ি যায়। কানী কুরচি প্রত্যেকবারই খোসামোদ করে হাসে। ব্যালাইগারা চূপচাপ গাছতলায় চলে যায়।

কানী কুরচি বলে আপন মনে, ভাগাতে চায় আমারে। কানারে দয়া করতে চায় না। দু'দিন কার্টল এমনি। বাজারের কেউ কেউ একটু-আধটু বলাবলি করল ওদের দুজনের সামনে, আর একটা কানী এসে জুটেছে।

দুই কানা এক কানী হল।

মেঘ কাটেনি দু'দিন। তিন দিনের দিন রাত পোহাতেই প্রবল বৃষ্টি এল। সুলা আর বটা বেয়োয়নি। বসেছিল গুদাম-ঘরটার অঙ্ককার কোণে।

টিনের চালে বৃষ্টির শব্দ বেশি হয়। চূপচাপ বসে সেই শব্দ শুনছে দুজনে। মাঝে মাঝে মেঘের গর্জন শোনা যায়। মনে হয়, ঢালের টিনের ওপর কেউ বাঁশ পিটছে থেকে থেকে।

পাখিটা বেরুতে পারে নি। বোধহয় দুটি পাখি থাকে। কখনো কখনো সেই রকম মনে হয় বটা-সুলা। যেন দু'জনে কথাবার্তা বলে। এখন একলা আছে পাখিটা নিশ্চয়। মেঘের গর্জন শুনলে ডেকে ওঠে একবার, পিক।

বটা-সুলা দুজনেই গুদামের দরজার দিকে মুখ তুলল। শব্দ হল যেন কিসের ?

পাখিটা মহাকালের হয়ে যেন ভয়-চাপা গলায় ডেকে উঠল, পিক পিক পিকবুব্ব পিকবুব্ব। ব্যালাইগারা, ছাথ কে এসেছে।

জলে ভিজ়ে প্রায় কাঁপতে কাঁপতে বলল কানী কুরচি, বাবারে বাবা, কী বিষ্টি! সমসারটা ধুয়ে নিয়ে যাবে গো।

কে ?

বটা জিঙ্গেস করল।

কুরচি একটু চমকে উঠল। শব্দ-আসা কোণটার দিকে মুখ করে বলল, কানী কুরচি গো বাবু! হেই বাবা, কারুর ঘরে ঢুকে পড়িনি তো!

কোনো জবাব নেই। পাখিটা ডানা ঝাপটে শাবার ডাকল, পিকরুরুর পিকরুরুর! সে এসেছে, সে এসেছে। পিকু পিকু পিক্ পিক্! ব্যালাইগুৱা মহাকাল তোদের নতুন পথের মোড়ে এনেছে।

কানী কুরচির চোখের অন্ধকারে সন্দেহ ও কৌতূহলের ঝিকিমিকি। কোণ লক্ষ্য করে এক-পা ছুঁপা করে এগুতে এগুতে বলল, সেই ছুঁজনা নাকি হে ভাই!

স্বলা আর বটা দুজনে নিঃশব্দে নিঃশ্বাসে নিঃশ্বাসে যেন কথা বলে :

ব্যালাইগুৱা ?

হুঁ। কি চায় ?

স্বলা জিঙ্গেস করে মুখ ফুটে, কি চাই ?

কুরচি এগুতে লাগল।—এ্যাট্টা ডেরা—ডাঙা খুঁজছি। সবাই এদিকটা দেখিয়ে দিলে, বললে, মেলাই খালি গুদাম-ঘর নাকি পড়ে আছে। তা দরজাই খুঁজে পাই না। তা পরে এখেনটায় এসে মনে হল, গুদাম-ঘরের দরজা নেইকো।

মেঘ ডাকল। একটা দমকা বাতাস এক রাশ জল নিয়ে গুদামঘরের অনেকখানি ভিজিয়ে দিয়ে গেল।

কুরচি কেঁপে উঠে বলে, আ মা গো, জাড় লেগে গেল। গায়ের চামড়া থিক্‌থিক্‌ কাদার মতো নাগছে। তারপর হঠাৎ বলে ওঠে, তোমরা বাপু আমার পরে খুব গোসা করে আছ, না!

কানী কুরচির গলায় যেন সোহাগ-মাথা অভিমান।

দুই ব্যালাইগুৱা যেন নিঃশ্বাস আটকে যায় বুকে। কি হল? কি যেন ঘটে গেল গুদাম-ঘরটার মধ্যে? মাহুষ কি একেই মায়া বলে? যেন কিসের মায়া ছড়িয়ে পড়ল ঘরটার মধ্যে।

মহাকাল দেখছিল, গুদামঘরে নয়, একটি মাহুষিক মায়া এতদিনে ব্যালাইগুৱাদের অল্পভূতিতে প্রবেশ করেছে। মেয়ে-গলায় সোহাগী অভিমানের স্বরে, কেমন যেন করে ওঠে বুকের মধ্যে। চমকে চমকে ওঠে। বিজলির মতন কি না কে জানে।

স্বলার নিঃশ্বাস পড়ে বটার গায়ে, বটার নিঃশ্বাস স্বলার গায়ে। নিঃশ্বাসে
নিঃশ্বাসে নিঃশব্দে কথা বলে দু'জনে :

মেইয়েমাহুষ।

দেখি নাই কোনোদিন।

ব্যালাইগুনি।

মানুষে আছে।

বটা বলে মুখ ফুটে, না গোসার কি আর আছে।

স্বলা বলে, ই্যা, তুমোও যা আমুও তা। হক আছে তোমার ভিক্কে
কইরবার।

কানী কুরচির মুখে হাসি ফোটে। পুরুষের স্তুতি শোনা-মেয়েমাহুষের
হাসি। যেন ঠোঁট ফুলিয়ে বলে, পেখম পেখম গোসা করেছিলে, জবাব
করনি কো। মনে বড় দুঃখ নেগেছিল।

বড় দুঃখ পেয়েছিল কানী কুরচি।

এখন শুনে বড় দুঃখ পায় ব্যালাইগুনি। কানী কুরচির ঠোঁট-ফোলানো
সোহাগের স্বরে জন্মান্ত বুক বড় টনটনিয়ে ওঠে। মনে মনে কথা বলে
দু'জনে :

মেইয়েমাহুষ।

দেখি নাই কোনোদিন।

কাছে আইসতে চায়।

বুকটা বড় টাটায়।

স্বলা আর বটা হাসতে চেপ্টা করে। অভিমানাহত মেয়েমাহুষের কাছে
আত্মসমর্পিত পুরুষের বিব্রত হাসি।

স্বলা বলে মুখ ফুটে, দুঃখ পেয়ো না। আমরা কানা।

বটা বলে, ই্যা, জন্মা-কানা। ব্যালাইগু।

কানী কুরচি তখন দুজনের একেবারে সামনে। তার হাতের লাঠি স্পর্শ
করেছে দুজনের পায়ে।

অবাক হয়ে বলল, কী বললে ?

ব্যালাইগু।

ব্যালাইগু ?

ই্যা, কানারে ইঞ্জিরিতে তাই বলে।

বলে স্বলা হেসে ওঠে, হিঃ হিঃ হিঃ...।

বটা হাসে, হেঃ হেঃ হেঃ... ।

কানী কুরচি ওদের গা ঘেষে বসে । মোটা গলার হাসির স্বরে একটি মেয়ে গলার খুশির হাসি চড়া স্বরে বেজে ওঠে বাজনার মতো ।

পাখিটা ডেকে উঠল, পিক্! কি হল? পরমুহূর্তেই ডেকে উঠল গলা ফাটিয়ে, ক্যা—ক্যা—ক্যা, পিচ্কা পিচ্কা । কী মজা! কী মজা! মহাকাল একটা স্থখী সংসার করে দিল গুদামঘরের মধ্যে ।

অঝোরে বৃষ্টি ঝরছে । টিনের ওপর বৃষ্টি পড়ছে, বাজছে একটানা, ঝম্ ঝম্ ঝম্ ঝম্ । সেই শব্দে তাল রেখে তিনজনে কথা বলে । পরস্পরের পরিচয় পাড়া হয় । কে কোথা থেকে এসেছে কোথায় কার ঘর ছিল ।

তিনজনে বলে তাদের জীবনবৃত্তান্ত, একটানা গোঙানির মতো । যেন কোনো এক বিস্মৃতকালের অতীত থেকে তারা এতদূর এসে পৌঁছেছে ।

কানী কুরচির অনেক অভিজ্ঞতা । অনেক দেশবিদেশ সে ঘুরে এসেছে রেলগাড়িতে করে, মাহুষের কত রকম কথা সে শুনেছে । সে সব ‘ইঞ্জিরি’র চেয়েও অদ্ভুত কথা । কুরচি বলে । বটা-স্বলা সায় দেয়, মানুষে কইত ।

অর্থাৎ, এতদিন লোকে বলত, এবার একটা ব্যালাইগুনি বলছে ।

কুরচি বলে, কলকাতার কথা । আ! কী রাস্তা গো । পায়ের তলায় যেন পাকা ঘরের মেঝে । মনে হত হাত দিয়ে ধুলো ঝেড়ে দিই রাস্তার ।

ই্যা, মানুষে কইত ।

বটা-স্বলা কথা শোনে আর নাকের পাটা ওদের ফুলে ফুলে ওঠে । গন্ধ নেয়, নতুন গন্ধ, ব্যালাইগুনির গায়ের গন্ধ লাগে তাদের নাকে । এর আগে ওরা অনেক ভালো গন্ধ পেয়েছে । বাজারের কলা, কুল, তরি-তরকারি আর ফুলের গন্ধ । সে গন্ধ তাদের ভালো লেগেছে । কিন্তু ব্যালাইগুনির গায়ের গন্ধ তাদের কেমন যেন নেশা ধরিয়ে দেয় । এদিক-ওদিক করতে গিয়ে ছোঁয়াছুয়ি হয় ।

পাখিটা দুই-মির স্বরে যেন ডাকে, পিক? কি হল?

কি হচ্ছে, ব্যালাইগুনা তা বুঝতে পারে না । শুধু বুঝতে পারে, ওদের অন্ধ রক্তে কিসের মোচড় লাগছে । ওরা যেন কি দেখতে পায় । তবু ওরা হতভম্ব । গোষ্ঠিবদ্ধ ছুটি গুহাবাসীকে যেন কে ধরে এনে দাঁড় করিয়ে দিয়েছে আকাশের তলায়, বাতাস আর গন্ধের মাঝখানে । এবার কোনদিকে যেতে হবে? রাস্তার কোনদিকে? ওদের যাত্রা শুরু হয়েছে, ব্যালাইগুনারী পথ চায় । মনে মনে কথা বলে ওরা :

দেড়ো ব্যালাইগা, আমার মন বড় আঁকপাকু করে।

সুলা ব্যালাইগা, আমার মন ঝ্যানে কান্দে।

এইটে স্থখ না দুঃখ?

মানুষে জানে।

কুরচি একরাশ ভেজা চিঁড়েমুড়ি, ভেলি গুড় আর মৌমাছির দলা-
পাকানো মিষ্টি বের করে কৌচর থেকে। বলে, আজ আর ভিখ মাগা হবে
না। এইস খাই।

তিন জনে হাত বাড়িয়ে খায়।

বিহাং চমকায়, মেঘ ডাকে, বৃষ্টি পড়ে অঝোরে। ভেজা বাতাসে শিউরে
শিউরে ওঠে গায়ের লোমকূপ। ব্যালাইগাদের পেটের খিদেয় জোর নেই,
মন তাদের আনন্দ করে। এই বর্ষায়, মাতাল পুরুষ ব্যাঙ-এর মতো ডাকতে
ইচ্ছে করে, ক্যা-কোঁ, ক্যা-কো। যেমন করে মেয়ে-বাঁঙাটাকে সে ডাকে।

কুরচির হাত উঠে যায় বটার গায়ে। বৃষ্টির মত ঝিমঝিম-স্বরে বলে,
দেখি এটু তোমাদের। অ, দাড়ি আছে তোমার?

বটা বলে, মানুষে ছাখে।

সুলায় ঘষা মনি দুটি স্থির। বেঁটে খাটো কালো শক্ত শরীরটা যেন
পাথরের মূর্তির মতো। তার স্তন্য পেশী ও রক্তকোষে কে যেন শব্দহীন
চিংকার করে।

কুরচির একটা হাত উঠে আসে সুলায় গায়ে। প্রতি রক্তবিন্দুতে সে-
স্পর্শ অনুভব করে সুলা। কুরচি বলে, তোমার দাড়ি নেই গোঁফ আছে।

সুলা বলে, মানুষে ছাখে।

মাছের পটকার মতো বটার চোখের ড্যালা কাঁপে তিরতিরিয়ে। তার
বুকের মধ্যে যেন একটি চোখ-ধাঁধানো অন্ধ চিংকার করে, আমার গায়ে—
আমার গায়ে একটুখানি হাত দাও ব্যালাইগানি।

লাঠি-ধরা কড়া-পড়া শক্ত শক্ত দু'হাতে দু'জনেরই গায়ে হাত রাখে
কানী কুরচি। বুলায়।

সকাল গেছে, দুপুর গেছে, এবার বুঝি বিকেলও গড়ায়। বৃষ্টি কখনো
ধরব-ধরব করছে, ফিস্‌ফিস্‌ করে ঝরেছে, আবার এসেছে মুষলধারে।
খামে নি।

কানী কুরচি দু'জনের মাঝখানে জায়গা করে নেয়।

তারপরে মহাকালের ইন্ধিতে বটা-সুলায় হাত উঠে আসে কুরচির গায়ে।

ওদের বুকের ভিতর থেকে কিসের একটি প্রচণ্ড শ্রোত নামতে লাগল কল্কল করে। যেন অন্ধকার গুহা থেকে একটি তীব্র শ্রোতধারা, ভয়ঙ্কর প্লাবনের মতো ভাসিয়ে নিয়ে চলল অনেক দেশ, নদনদী, অরণ্য।

কুরচি হাসে খিল্খিল করে। ব্যালাইগাদের হাত তার শরীরে ঘুরে বেড়ায়। কানী কুরচি হাসে বৃষ্টির মতো ঝিরঝির করে।

তারপর কুরচির গা বেয়ে, স্নলা আর বটার হাতে হাত ঠেকে যায়। এক মুহূর্তের জন্তে-থেমে যায় হাত দুটি। মনে মনে কথা বলে দুজনে :

স্নলা ব্যালাইগা, বড় স্নথ লাগে।

বড় স্নথ লাগে।

মনটা পাগল-পাগল করে।

আমারো করে।

কেন করে?

মানুষে জানে।

কানী কুরচি মাতালের মতো হাসে।

পাখিটা ডাকে গলা ফুলিয়ে, পিক্ পিক্চা! মন্দা পাখির মতো কথা বলে ব্যালাইগারা।

কুরচির গা বেয়ে বেয়ে আবার হাতে হাত ঠেকে যায় বটা-স্নলার। এক মুহূর্ত। আবার সরিয়ে নেয়। আবার ঠেকে; আবার সরায়।

রুদ্ধশ্বাস, অপলক চোখ শুধু মহাকালের।

আবার ঠেকে যায়, আবার সরায়।

তারপর আবার ঠেকল। আর সেই মুহূর্তে একটা হাত আর-একটা হাতকে মুচড়ে, ঝটকা মেরে সরিয়ে দিল।

পলকের স্তব্ধতা। আর একটি হাত কুরচিকে ডিঙিয়ে ঠাস করে মারল আর-একজনকে।

শালা কানা।

কানার বাচ্চা কানা।

কুরচি লাফ দিয়ে উঠে বসে দুজনের মাঝখানে: ঝাথ ঝাথ কী কাণ্ড। এই ধুকপুকুনি আমার মনে ছিল গো, এই ধুকপুকুনি আমার মনে ছিল।

পাখিটা ডেকে উঠল, পিক্চ পিক্চ, পিক্‌বব্বব্ব। হেই গো মহাকাল! এই ভয় আমার মনে ছিল, কানা দুটো ছকের মধ্যে ঘুরবে আর লড়বে।

কুরচি বলে দুজনের গায়ে দুটি হাত রেখে, এই আমি দেখলাম জীবনভর।
কী চোখগুলা আর কী অঙ্ক, সবাই এক। সবাই আমার কাছে এসেছে,
সবাই লড়েছে।

দুই ব্যালাইগু। কুরচির দু'পাশে, মাথা নিচু করে বসে থাকে। দেখে
মনে হয় তারা লড়েনি, আর কেউ লড়েছে। তাদের ভাবলেশহীন মুখ
দেখে মনে হয়, দুটি অনড় নিশ্চল পাথরের চাঁই।

কেবল মনে মনে বলে, আমরা ব্যালাইগু। আমরা কানা। আমরা
মাহুঘের মতন কইরতেছি।

কুরচি সোহাগী স্বরে অভিমান করে বলে, এই আমি জীবনভর
দেখলাম। ভাগাভাগি চাস তোরা। তবে আমার হাত কেটে নে, পা
কেটে নে, আমার শরীর কেটে নে।

ব্যালাইগুারা নীরব। ঘষা চোখের মণি আর মাছের পটকা ড্যালা
নড়াচড়া করে। কুরচি দুজনের গায়ে হাত বুলোয়, ঠোঁট ফুলিয়ে বলে,
আমাকে কেন ভাগ করিস্। আমি তো দুজনার কাছেই এসেছি, তাদের
দুজনারে পাব বলে।—মাটি নয়, জল নয়, আকাশ নয় কুরচি। মেয়েমাহুঘ।
কিন্তু কথা বলে অগ্ররকম। যেন এই পৃথিবীর মাহুঘের মতো কথা নয়।
যেন আর এক পৃথিবী থেকে এসেছে সে।

ব্যালাইগুারা মাথা নিচু করে বসে থাকে। কুরচি দুজনােকে কাছে
টেনে বলে, আমরা ব্যালাইগু, আয় শুয়ে পড়ি, রাত হয়ে আসছে।

পাখিটা ডেকে বলে, ফিক্ ফিক্ ফিকুর। ঠিক বলেছিল ব্যালাইগুনি।

সন্ধ্যার প্রাক্কালে বুঝি কখন বৃষ্টি ধরেছিল একবার। আবার ঝরতে
আরম্ভ করেছে। তবে মুষলধারে নয়, টিপ্ টিপ্ করে। বাতাসে ঝড়ের
সংকেত। জোড়-খোলা টিনটা বড় বেশী গুম্গুম্ করছে।

বাজারের কোলাহল এখান থেকে সামান্যই শোনা যায়। আজ
সারাদিনই প্রায় স্তব্ধতা গেছে। সারাদিন ডেকেছে শুধু কুকুরেরা। ইছামতীর
জল ঘোলা হয়েছে। সেই ঘোলা জলে হিংস্র কামট ঘুরছে খাবারের
সন্ধানে।

রক্তখাস মহাকাল এসে দাঁড়িয়েছে গুদামঘরের মধ্যে। সূলা আর
বটীর হাত ধরে তুলে এনেছে সে কুরচির গায়ে।

কুরচি হাসে নিস্তব্ধ মধ্যরাতের টিপ্ টিপ্ বর্ষার মতো। একবার এর
দিকে ফেরে, আর একবার ওর দিকে।

আকাশ বৃষ্টি ঢালে কোটি কোটি বছর ধরে, তবু আগ্নেয়গিরি কোনো-
দিন নেভে না। গুদামের কোণে রক্তে রক্তে আগুন জ্বলছে দাঁউ দাঁউ করে।

আবার হাতে হাত ঠেকে যায়। দ্বিতীয়বারের অপেক্ষা থাকে না
আর। আগের চেয়েও প্রচণ্ড বেগে, দুজনে আঘাত ও প্রত্যাঘাত করে
কুরচিকে ভিঙিয়ে।

কুরচি চিৎকার করে উঠে বসে, থাম্। ওরে মরণেরা, আমার মরণেরা,
তোরা থাম্, থাম্।

পাখিটা ডেকে ওঠে, পিকবুব্ব পিকবুব্ব। মহাকাল! আমার ভয় করছে।
ব্যালাইগুারা থামে। থেমে হাঁপায় দুজনে। কিন্তু মনে মনে আর কথা
বলে না। ভিতরে ভিতরে ওদের সমস্ত সন্ধি ভেঙে গেছে।

কুরচির আমন্ত্রণের অপেক্ষাও রাখতে চায় না দু'জনে আর। আবার
হাত বাড়ায় দুজনে। আবার ধূপধাপ শব্দ হয় মারামারির।

কুরচি লাঠি নিয়ে উঠে দাঁড়ায়। দাঁতে দাঁত চেপে কঁদে কঁদে বলে,
এমনি করে মরিস তোরা চেরদিন। তবে মর, তোরা মর, আমি চলে
যাই। কুরচি লাঠি ঠুকে ঠুকে বৃষ্টির মধ্যে বেরিয়ে যায় বক্বক্ব করতে
করতে। লাঠি ঠুকে ঠুকে গিয়ে ওঠে রাস্তার ওপারের একটা গুদামে।

ব্যালাইগুা দুটো দাঁড়িয়ে থাকে স্তব্ধ হয়ে। কয়েক মুহূর্ত দাঁড়িয়ে থাকে।
তারপর ব্যর্থ আক্রোশে স্থলা বটাকে নিশানা করে হঠাৎ লাঠির খোঁচা মারে।

উঃ!

চাপা আতঁনাদের সঙ্গে সঙ্গে বটা সামনের দিকে লাঠি দিয়ে আঘাত
করে। অব্যর্থ সন্ধান অন্ধের। আঘাত থেয়ে স্থলা চীৎকার করে সরে
যায়। বটাও সরে যায়।

তারপর দুজনেই নিঃশ্বাস চাপবার চেষ্টা করে হাঁপাতে থাকে।

পাখিটা চীৎকার ওঠে, পিক্চু পিক্চু, পিক্ পিক্, পিক্না। মহাকাল,
ওরা কানা, ওদের থামাও গো, থামাও।

মহাকাল মেঘস্বরে বলে তা হয় না। কাল নিরবধি, সে থামে না।

রাত পোহায়। বৃষ্টি থামে। ব্যালাইগুারা বেরোয় ভিক্ষে করতে
ওদের অন্ধ চোখে মুখে কোথাও নতুন কোনো ছাপ চোখে পড়ে না
সেই একই অসহায়, করুণ, অন্ধ দুটি মানুষ।

কলকাতার গাড়ি আসে। দু'জনে দু'পাশ থেকে চিংকার করতে যায়।
তার আগেই কানী কুরচির সরু গলা করুণ সুরে বেজে ওঠে।

কিছুক্ষণ থেমে যায় দু'জনেই। তারপর দু'জনেই দু'দিক থেকে মাগুতে
শুরু করে। চিংকার ক'রে মাগে বটা :

ভগবান !

অন্ধজনে কর ত্রাণ।

সুলা বলে, এই বিভালটারে ছান, কুত্তাটারে ছান, শিয়ালটারে ছান,
ব্যালাইগুরে ছান, হেই বাবা !

সারাদিন মাগে, দু'জনে গাছতলায় যায়। কিন্তু কথা বলে না। ওদের
কথা না-বলাটা লোকের চোখে পড়ে না একটুও। কারুর কোনো কৌতূহল
নেই। কানী কুরচি শুধু ওদের কাছে পেলে অভিমান করে বলে ওঠে,
তোদের কাছে যেতে গেলাম, তোরা আমারে তাড়িয়ে দিলি। তোরা কানা,
তবু তোরা পাষণ !

সারাদিন পরে বাজার ঝিমিয়ে আসে। ছ'টার সময় বাস বন্ধ হয়ে
যায়। বাতি জলে এদিকে-ওদিকে।

তিনটে লাঠিরই ঠুক ঠুক শব্দ গুদাম-ঘরগুলির দিকে এগিয়ে যায় বাজার
থেকে। ঠুক ঠুক—ঠুক ঠুক—ঠুক ঠুক। অনেকখানি দূরে দূরে ছাড়া-ছাড়া
শব্দ। পাশাপাশি কেউ নয়।

সারাদিন বৃষ্টি হয় নি। দুপুরের দিকে রোদও উঠেছিল। এখন আকাশে
ছড়ানো ছড়ানো মেঘ।

ইছামতীর জলে ভাঁটার ঢলের কল্কল শব্দ।

কুরচি থামে। সুলা-বটার ঠুকঠুকনিও থামে।

কুরচি চাপা মিষ্টি ব্যাকুলস্বরে বলে, কেন তোরা লড়িস্ ! তোরা
ব্যালাইগু, আমি তোদের দু'জনকার, আমার কাছে আয়। তোদের মন
যা চায়, আমার কাছে আছে। মন টাণ্ডা করে আয় আমার ঘরটায়।
তোদের ঘরটায় আমি যাব না।

কুরচির কথায় যেন স্বপ্ন নামে। মোহাচ্ছন্ন করে রাত্রিটাকে। কানী
একলা থাকতে চায় না।

কুরচি লাঠি ঠুকে ঠুকে যেতে যেতেও ডাকে, আয়, মরণ দুটো আয়।

ব্যালাইগুরা যুগপৎ লাঠি ঠুকে ঠুকে আর-একটা গুদামঘরে আসে।

কুরচি ডাকে, আয়, এই যে এদিকে, কাঠ পাতা আছে।

দু'জনে যায়, আস্তে আস্তে, অনেকখানি দূরত্ব রেখে ।

আসছিঁস্ ? আয়, আয় ।

কুরচি যেন খুশিতে হাসে চাপা গলায় । নাক-চোখ-মুখহীন দুটি বিচিত্র জীবের মতো ব্যালাইগুারা গন্ধ শুঁকতে শুঁকতে কাছে এগোয় কুরচির । কুরচির গন্ধ শোঁকে না, ব্যালাইগুারা পরস্পরের গন্ধ শোঁকে । দূরত্ব আঁচ করে । শক্ত শরীরে টিপে টিপে যেন আক্রমণের ভয়ে এগোয় অন্ধ দুটো । অদৃশ্যেও যেন ব্যর্থ না হয় লক্ষ্য ।

কুরচি হাত বাড়ায় । বাড়িয়ে, দুজনেকেই ধরে ।—আয়, আয়, বোস্ ।

ওপাশের ঘর থেকে পাখিটা ডেকে মরছিল, পিক্‌চি পিক্‌চি, পিক্‌বুব্‌ব্‌ পিক্‌বুব্‌ব্‌ ! মহাকাল, সর্বনাশের জ্ঞাত তুমি আমার চোখের সামনে থেকে ওদের নিয়ে গেলে ।

মহাকালের শোনবারও সময় নেই আর । এখন তার সেই গতি, যে গতিকে মাহুষ চেনবার আগে, বুদ্ধি দিয়ে বোঝবার আগে, চলে যায় ঝড়ের বেগে ।

স্বলা দু'হাতে সাপটে ধরল কুরচিকে । বটা কুরচিকে ধরতে গিয়ে, স্বলার বাঁধন খুলে দিতে চাইল ।

স্বলা চিংকার করে উঠল, না !

বটা মুহূর্তে 'না' শব্দটার মুখের ওপর সমস্ত শক্তি দিয়ে ঘুষি মারল ।

স্বলা চিংকার করে উঠল, আ !

চিংকার করতে করতেই স্বলা কুরচিকে ছেড়ে কঠিন হাতে জড়িয়ে ধরল বটাকে । দুজনেই জাপটাজাপটি করে আছড়ে পড়ল মাটিতে । কতগুলি চাপা লঙ্কার, আর মাঝে মাঝে দুটি মত্ত হস্তীর মাটিতে আছড়ে পড়ার ধূপ্‌ধাপ শব্দ । তার সঙ্গে কানী কুরচির আর্তনাদ, মরছে, হে ভগমান, কানা দুটো মরছে । আমি পালাই গো, আমি পালাই ।

দুজনেই গিয়ে বেড়ার টিনে পড়ল হড়মুড় করে । দুটো কুকুর ঘেউ ঘেউ করে ছুটে এল গুদামঘরের দিকে । এসে, অন্ধকারে কানাদের লড়াই দেখে আরো জোরে ভাকতে লাগল, ঘেউ ঘেউ ঘেউ ।

হঠাৎ দুজনে ছিটকে পড়ল দুদিকে পরস্পরের ধাক্কায় । তারপর স্তব্ধ । শুধু ঘন ঘন নিঃশ্বাসের শব্দ ।

মহাকাল নির্বিকার, নিয়মের দণ্ড সে নামায় না ।

কানী কুরচি কাঁদছে গুড়িয়ে গুড়িয়ে : ওরা বেশি কাছে কাছে থেকঁকেছে, তাই এক দণ্ডও সহিতে পারছে না । হে ভগমান !

ওপাশের ঘর থেকে পাখিটা ডাকছে, ভয়ে ভয়ে, প্রিক্ প্রিক্, মরবে, মরবে!

মরবে, তাই মারতেই চায়। অন্ধকারের মধ্যে কি একটা শক্ত জিনিস ছুঁ করে পড়ল টিনের বেড়ায়। একটু পরে, আর এক দিকে আর একটা। অন্ধ দুটো পরস্পরকে দূর থেকে গুদামে পড়ে-থাকা ভারি কাঠের টুকরো ছুঁড়ে মারছে।

কুরচি চাপাকান্নায় ফিস্ ফিস্ করছে, লড়ছে এখনো লড়ছে, এবার মরবে। পালাই, আমি পালাই।

লাঠি ঠুঁকে ঠুঁকে বেরিয়ে যায় কুরচি। তার লাঠিঠোকান শব্দটা শোনার জন্তে এক মুহূর্ত স্তব্ধ হয়ে দাঁড়ায় ব্যালাইগুারা। তারপরে আবার গুঁত পাতে।

ইতিমধ্যে বাতাসটা একটু কমে এসেছে। মেঘ দল পাকাচ্ছে আবার।

রাত পোহায়। কলকাতার গাড়ি আসে। রাস্তার উপরে দেখা যায় দুই ব্যালাইগুাকে। দেখে ওদের কিছু বোঝা যায় না। সেই চিরকালের অসহায় দুটি অন্ধ, দুটি কান্না ভিখারি। লোকে চেয়ে দেখল না, কোথায় ওদের ঠোঁটের কষে কেটে গেছে, মাথা গেছে ফুলে।

ওরা মাগল, কান্না কুরচী মাগল।

ব্যালাইগুারা গাছতলায় গিয়ে বসল। কথা বলল না। কথা ওরা আর কোনোদিন বলবে না। কিন্তু কান্না কুরচি ওদের সঙ্গে একটি কথাও বলল না আজ। একবারো অভিমান করল না।

সন্ধ্যা ঘনাল আবার। অন্ধকার নেমে এল গুঁড়ি মেরে মেরে, হিংস্র কামট-সংকুল ইচ্ছামতীর কুল বেয়ে বন ও বুপসি-ঝাড়ের কোল বেঁষে বেঁষে।

কিন্তু কান্না কুরচি আর স্ত্রী-বঁটা আজ সরে গেছে পরস্পরের কাছ থেকে। ঘোর সন্ধ্যার অনেক আগেই কান্না কুরচি সরে পড়েছে।

প্রথম চমক ভেঙেছিল স্ত্রীর। তা ছাড়া ওর ঝুলঝাল্লা ছেঁড়া জামার ভিতরে, বুকের কাছে জ্বালা করছে বড়। বঁটা কামড়েছে, বোধহয় মাংস তুলে নিয়ে গেছে। বঁটার কাছ থেকে এক সময়ে সরে গেল সে। আশ্বে আশ্বে লাঠি ঠুঁকে ঠুঁকে চলে গেল গুদামের কাছে। এসে চাটাইয়ের ওপর হাতড়াল। কুরচি নেই। ওপাশের ঘরটায় গেল। কাঠের পাটাতন হাতড়াল, কুরচি উধাও।

বাতাস নেই, শুধু মেঘ। অন্ধকারে জোনাকিরা ব্যাকুল হয়ে উড়ছে।

শুধু ইছামতীর ছলছলানি আর পাখিটার ডাক শোনা যাচ্ছে, পিক্‌পিক্‌ পিক্‌চা পিক্‌চা! মহাকাল, ভয় করছে গো, আমার ভয় করছে!

এই অন্ধকারের মতো অপলক-চক্ষু মহাকাল পল গুনছে। সময় নেই, সময় নেই, এই অন্ধলীলা ত্বরান্বিত করতে হবে।

আবার বেরিয়ে এল স্নলা। কুরচি নেই। বটাকেও ফেলে এসেছে। কিন্তু বুকটা জ্বালা করে। স্নলা এগিয়ে গেল আরো পূবে। আরো অনেকগুলি গুদামঘর বে-ওয়ারিশ পড়ে আছে। তারই একটার মধ্যে ঢুকে, স্নলা উপুড় হয়ে শুয়ে পড়ে।

তারপর আসে বটা। স্নলা পলাতক। কুরচির কোন পাতা নেই। তলপেটের কাছে একটা ভীষণ ব্যথা তার। স্নলা অনেকগুলি ঘুষি মেরেছে। একটু ঝুঁকে চলতে হচ্ছে বটাকে। কিন্তু আক্রোশে ও সন্দেহে জ্বলছে বটা। দু'জনে পালিয়েছে?

প্রথমে নিজেদের ঘরটায় ঢুকল বটা। নেই সেখানে কেউ।

পাখিটা আতঙ্কে ডেকে উঠল, পিক্‌ পিক্‌, পিক্‌চা। ব্যালাইগা যাসনে। ওপাশের ঘরটায় গিয়ে উঠল বটা। কাঠের পাটাতন দেখল, কেউ নেই। বেরিয়ে এল বটা। ফিরে গিয়ে দাঁড়াল পুরনো ঘরটার কাছে। ঢুকতে গিয়ে থম্‌কে গেল। ঠুক ঠুক শব্দ শোনা যায়। শব্দটা এগিয়ে আসছে। ছুটো ঘরের মাঝামাঝি এসে থামল শব্দটা।

বটার বিশ্বাস হল, কানী কুরচি। আক্রমণের ভয়ে যথেষ্ট শক্ত হয়ে সে বলল, কুরচি ব্যালাইগানি নাকি গো?

কানী কুরচিই। কিন্তু ঘৃণায় সে কোনো জবাব দিল না। লাঠি ঠুক ঠুক করে সে নিজের ঘরটায় গিয়ে ঢুকল।

দাঁতে দাঁত চাপল বটা। কথা যখন নেই, তখন স্নলা-কানা নিশ্চয়। সেও আর কোনো কথা না বলে, চাটাইয়ের ওপর গিয়ে বসল। কিন্তু বসতে পারল না, আবার উঠল। মহাকাল ওকে টেনে তুলল। সে-ই ব্যালাইগাদের বার করে এনেছে তাদের গোষ্ঠি-নির্ভর ভীষণ অন্ধকার গুহা থেকে।

বটা আসে বাইরে। এসে দাঁড়ায় মেঘ-অন্ধকার আকাশের নিচে। শেয়াল একটা প্রায় শুঁকেই যায় ওকে। ক্রুদ্ধ মাহুঘের গায়ের গন্ধ পায় পশুরা। শেয়ালটা পালায়। জোনাকিরা গায়ে বসে তার।

মহাকাল নিম্পলক চোখে তাকিয়ে আছে বটার দিকে।

পাখিটার স্বর যেন ভেঙে গেছে। মাঝে মাঝে ডাকছে, পিক্‌...পিক্‌...।

হঠাৎ বটা মাথা ঝাড়া দিয়ে সোজা হবার চেষ্টা করল। লাঠি টিপে টিপে ফেলে ওপাশের ঘরটায় গিয়ে উঠল সে। হামা দিয়ে এগোল কাঠের পাটাতনের দিকে।

বটার রক্তে আগুনের দগ্ধপানি। সমস্ত অল্পভূতি হারিয়েছে তার। শুধু কানে শুনতে পাচ্ছে নিঃশ্বাসের শব্দ। স্থলার নিঃশ্বাস। আরো কাছে এল, আরো। তারপর অন্ধটা অব্যর্থ নিশানায় হু'হাতে টিপে ধরে নিঃশ্বাসটা বন্ধ করল—কুরচির। প্রচণ্ড শক্তিতে, শব্দের আগে, একবার নড়ে ওঠবারও আগে। যখন বুঝল, সব শেষ হয়েছে, তখন আস্তে আস্তে হাতটা শিথিল করল বটা। শিথিল হাতটা সরতে গিয়ে কুরচির বুকে হাত পড়ল বটার। আর একটা হাত তার শনহুড়ি চুলে।

আর নিজের গলায় ছুটা হাত চেপে বটা চিৎকার করে উঠল, কথাহীন, স্বরহীন, তীরবিদ্ধ একটা বুনো শূয়োরের মতো। লাঠিটা কুড়িয়ে প্রায় হামা দিতে দিতে বেরিয়ে গেল বাইরে। ঘরের পিছনে, নদীর ধারে।

ঠিক একইভাবে, স্থলা ফিরে এসেছে পুর্বের গুদামঘর থেকে। টিপে টিপে গেছে পুরনো ঘরের চাটাইয়ের কাছে। কোনো সাড়া পায় নি। শব্দ পায় নি কোনো নিঃশ্বাসের।

ফিরে গেছে ওপাশের ঘরটায়। কোনো শব্দ নেই। প্রায় হামা দিয়ে দিয়ে গেল কাঠের পাটাতনের কাছে। হাতে ঠেকল ছটি পা। হাতটা পিল্পিল্প করে উঠল গা বেয়ে। যা সন্দেহ করেছিল। কুরচি! কানী কুরচি! ব্যালাইগুনি! আরো ওপরে হাত তুলল। কুরচি। পুরোপুরি কুরচি।

এক মুহূর্ত সময় না দিয়ে হু'হাতে সাপটে ধরে স্থলা ঝাঁপিয়ে পড়ল কুরচির উপর। অন্ধকার ঝোড়ো-উন্মাদ কয়েকটা মুহূর্ত! পেয়েছি, পেয়েছি! স্থলার রক্ত থেকে সেই উত্তেজিত রুদ্ধশ্বাস উল্লসিত দুর্জয় মুহূর্তটি কাটবামাত্র, সে থমকে গেল। নাড়া দিল কুরচিকে। ফিসফিসিয়ে ডাকল, কুরচি, ব্যালাইগুনি।

মরা ব্যালাইগুনি অনড় নিঃশব্দ। স্থলা কুরচির বুকে কান পাতল। ধুকধুকি বন্ধ। নাকের কাছে হাত নিয়ে গেল। উষ্ণ নিঃশ্বাস নেই। মুখে হাত দিল, কুরচির মুখ হাঁ করে আছে।

স্থলা চাপা গলায় চিৎকার করে উঠল, মরা, মরা।

সেও ছুটে গেল ঘরের পিছনে নদীর ধারে।

হুজনেই শুনতে পেল হুজনের চাপা চিৎকার। চিৎকার নয়, কান্না।

ভাষাহীন, স্মরহীন কান্না ! মহাকাল হাসল । পাখিটা চিৎকার করতে লাগল,
পিক্ পিক্, পিকবু পিকবু ।

মহাকাল, এ কি করলে গো, এ কান্না যে থামবে না ।

থামল না সে কান্না কোনোদিন । তারপরও ওরা ভিক্ষে করে । কুরচির
মৃতদেহ উদ্ধার হয়েছে । খুনীকে খুঁজে পাওয়া যায় নি । জন্নাতদের কেউ
সন্দেহ করতেও পারে নি ।

ওরা ভিক্ষে করে । তারপর রাত্রে ফিরে এসে কাঁদে ভাষাহীন, স্মরহীন
গলায় । পাখিটা কাঁদে, পিক্ পিক্ পিক্ পিকু । এ কান্না কোনদিন থামবে
না । কোনোদিন না ।

হেঁড়া তমসুক

তখন রাত্রি প্রায় আটটা। সেই সময় খবরটা এল। একজন এসে ঠোঁটটা বেকিয়ে কেমন একরকমের বিদ্রূপময় অথচ নির্বিকারভাবে হেসে খুব সাধারণ গলাতেই বলল, “ওই যে, ওই সেই মেয়েটা, মারা গেছে।”

পৌষ মাস। অন্ধকার ঘনিয়েছে প্রায় ঘণ্টা তিনেক আগেই। মফঃস্বল শহরের সদর-অন্দর, সব রাস্তাই এতক্ষণে ফাঁকা হয়ে আসার কথা। হয়ও অগ্নাত দিন। কিন্তু আজ শনিবার। তাই এখনও কিছু দোকানের আনাগোনা রয়েছে।

রেলওয়ে স্টেশনের কাছে ভিড়টা একটু বেশী। কারণ দোকানপাট বেশী, আলোও বেশী আর মাহুষের যাতায়াত ত আছেই। তারপর রাস্তাটা উত্তর-দক্ষিণে ক্রমেই ফাঁকা হয়ে গিয়েছে, দোকানপাট কমে এসেছে।

আকাশে কুয়াশা, তারাগুলি মরা চোখের মত নিস্প্রভ। ধুলো আর ধোঁয়ায় গোটা শহরটা উলঙ্গবাহার শাড়ির মত একটা অঞ্জলিতার আবরণ জড়িয়েছে যেন। উত্তুরে বাতাসে শীতের কাঁটা। ‘সিটি ফাদার’ ঝাঁড়টা স্টেশনের বারান্দায় উঠে পড়েছে। রাস্তার কুকুর আর মাহুষেরা গরম আশ্রয়ের সন্ধান করছে।

সেই সময় খবরটা এল।

দক্ষিণের ফাঁকায়, রাস্তার উপরে, সেকলে নিচু-ছাদ, পোকা-খাওয়া কড়ি-বরগা আর চুন-বালি-থসা ‘গণেশ কান্ধে’র ঘরে সংবাদটা এল। গণেশ কান্ধেতে তখন জম-জমাট আড্ডা। চায়ের কাপ-গেলাস-ভাঁড়, সবরকম পাত্রই জড় হয়েছে টেবিলের উপর। প্রায় একটা গণতান্ত্রিক ঐক্যের মত।

সস্তা সিগারেট আর বিড়ির ধোঁয়ায় ঘরটিকে গ্রাস করেছে।

মালিক লুঙ্গি পরে চাদর জড়িয়ে বসে আছে কাউন্টারে। নতুন লোক আসার সম্ভাবনা কম। এখন যারা আছে, তারা প্রতিদিনের, প্রায় সব সময়ের। অধিকাংশই স্থানীয় বেকার যুবক। কলেজ থেকে ফেলকরা, ভোগে-পড়া কিংবা পড়তে-না-পাওয়াদের ভিড়ই বেশী। ময়লা পাজামা, ধুতি, প্যান্ট, হেঁড়া জামা, উসকো-খুসকো চুল আর পুরোপুরি খেতে না-পাওয়া মুখের একটা লেপটা-লেপটি দঙ্গল। অবশ্য এদের মধ্যে এদেরই

দু-একজন ফিটফাট চকচকে, ভরপেট-খাওয়া সুস্থ বন্ধুবান্ধব যে না দেখা যায় তা নয়। তবে সেটা অনিয়মিত। খাপছাড়া, করুণা-করুণা ভাব। কংগ্রেস, কমিউনিস্ট, পি এস পি, আর এস পি, স্কুল-কলেজ, মিউনিসিপ্যালিটি, খুন-জখম-মারামারি, প্রেম-ফুলানো-হরণ, গান-বাজনা-থিয়েটার এই শহরের আদি ও অন্ত এখানকার আলোচনার বিষয়। মায় সাহিত্য পর্যন্ত। চৈতামেটি উত্তেজনা ত আছেই। হাসাহাসি গালাগালি আছে। হাতাহাতিও যে নেই, তা নয়। মাঝেমাঝে ছুরিও বেরিয়ে পড়েছে ক্রুদ্ধ হৃদয়ের মধ্যে। হয়নি যদিও, তবু খুনোখুনিরও আশঙ্কা দেখা দিয়েছে অনেকবার। আর এরই মধ্যে আবার কান্নাও আছে। রাত্রি আটটার সময়, আড্ডা তখন বেজায় জমজমাট। কেরোসিন কাঠের পার্টিশান দেওয়া দুটি ছোট ছোট ‘ফর লেডিজ’এর খুপরিতেও আড্ডা জমেছে। যদিও লেডি নেই একজনও।

‘গণেশ কাফে’র মালিক গণেশও আড্ডার শরিক হয়ে গিয়েছে। বাতাসহীন চাপা ঘরটায়, সস্তা সিগারেট আর বিড়ির ধোঁয়ায় একটি নরক-গুলজার-করা প্রেতছায়ার মত দেখাচ্ছিল সবাইকে। নানান রকমের কথা, হাসি ও বাদ-প্রতিবাদে সবাই যখন মশগুল, সেই সময়ে একটা নিত্যনৈমিত্তিক পুরনো খবর বলার মত, হেসে নিবিকারভাবে একজন এসে বলল, “সেই, কলোনি-পাড়ার কাছে, ভটচার্জি পাড়ার রাধু বাঁড়ুজোর মেয়ে, আমাদের ফেয়াস বিজু, বিজলী হে বিজলী, মারা গেছে।”

নরকটা হঠাৎ স্তব্ধ হয়ে গেল। ছায়াগুলি মন্ত্রপড়া জল ছিটনোর মত অনড় নিশ্চল হয়ে তাকিয়ে রইল খবরদাতার দিকে।

একটু পরে একটা মোটা গলা শোনা গেল, “কী ভাবে?”

জবাব শোনবার আগেই আর একজন বলল, “আজ বিকেলেও ত দেখেছি।”

আর একজন, “হ্যাঁ, এখানেই ত দেখেছি সন্ধ্যার সময়।”

বলে সে একজনের দিকে তাকাল। যার দিকে তাকাল, সে দাঁড়িয়ে পড়েছে ততক্ষণে। তার সঙ্গে সঙ্গে আরও দুজন। চব্বিশ-পঁচিশের বেশী কারও বয়স নয়। তিনজনেই প্রায় একসঙ্গে খাসকুদ্ধ অবস্থায় বলে উঠল, “হ্যাঁ, আজ, আজই সন্ধ্যায় সে ছিল। কিন্তু কি ভাবে মারা গেল? কোথায় আছে?”

যে খবরটা এনেছিল, সে বলল, “নিশি স্মারকার আমবাগানের ধারে নর্থ কেবিনের কাছে, রেল লাইনের ওপরে।”

“রেল লাইনে ?”

“হ্যাঁ। মালগাড়ির তলায় কাটা পড়েছে। আমি দেখে এসেছি। ঠিক গলার কাছ থেকে—”

“স্বইসাইড নিশ্চয় ? নইলে সেখানে রাত্রিবেলা কে যায় ?”

ততক্ষণে সেই তিনজন বেরিয়ে গিয়েছে।

তারপরেও ‘গণেশ কাকের’ নিচু-ছাদ ঘরটা খানিকক্ষণ যেন দম চেপে রইল। একটু পরে একজনের গলা শোনা গেল, “আশ্চর্য! কিছু বোঝা যায় না আজকাল।”

গণেশ ঘড়ঘড়ে গলায় বলল, “সত্যি! আর এই রেল লাইনটা যেন কী মাইরি।”

কেউ কেউ উঠল। বলল, “যাই, দেখে আসি।”

সেই তিনজন তখন ছুটতে ছুটতে অন্ধকার রেল লাইন দিয়ে নর্থ কেবিনের কাছে এসে পৌঁছেছে। জায়গাটায় রাস্তার আলো আসে না। কেবিনের আলো এসে পড়বার স্বযোগ পায়নি একটি গাছের জন্ত। গুটি তিনেক টিমটিমে রেল-লর্থন নিয়ে এসেছে কেবিনের কুলি। জি আর পি’ পুলিশও এসে পড়েছে। মাঝে মাঝে চমকে উঠছে তাদের টর্চলাইটের আলো। কিছু লোকের ভিড় ঘিরে রয়েছে ফোর্থ লাইনের একটা অংশ।

ওরা তিনজনে ভিড় ঠেলে এগিয়ে গেল। লাইনের দিকে একবার তাকিয়ে একই সঙ্গে চোখাচোখি করলে তিনজনে। একটা অসহায় জিজ্ঞাসা ও বিস্ময়ে উদ্দীপ্ত তিন জোড়া চোখ। তিনজনেই যেন পরস্পরকে জিজ্ঞাসা করছে, এটা বিজুই ত ?

হ্যাঁ। বিজুই। চোখ নামিয়ে আবার দেখল তারা বিজলীকে। ঠিক ঘাড়ের কাছ থেকে মাথাটা কেটে গিয়েছে। জড়ান রুক্ষ দীর্ঘ বেগীটা পুরো-পুরি এলিয়ে পড়ে আছে লাইনের মধ্যে, কিন্তু মাথা স্বচ্ছ লাল ফিতে স্ত্রীপারের উপর। মাথাটা লাইনের মধ্যে, শাড়ি-জড়ানো দেহটি লাইনের বাইরে পাথর আর ঘাসের উপর যেন প্রায় কাত হয়ে এলিয়ে পড়ে আছে।

রেল-লাইনের টিমটিমে আলো, বিন্দুর মত চিকচিক করছে বিজলীর চেয়ে থাকা স্বচ্ছ চোখে। হাঁ-মুখটা খোলা, ঝকঝকে সাদা দাঁতে আলো পড়েছে। কপালের রক্তটিপটা জলজল করছে এখনও। আর এদিকে ঘাড়ের কাছ থেকে খয়েরীডোরা কালোপাড় শাড়ির আঁচলটা ঠিক বুকের উপর দিয়ে টানা আছে।

কোথাও যেন এতটুকুও অবিলম্ব হয়নি। কেবল ঝাঁপায়ের দিকে শাড়িটা একটু বেশী উঠে গিয়েছে, যে-রকম উঠে যায় ঘুমন্ত মানুষের। হাতের লাল কাচের চুড়িগুলির কয়েকটা ভেঙে পড়ে আছে হাতের কাছেই। বাকিগুলি সবই আস্ত আছে। কোথাও রক্ত লেগে নেই। কেবল ঘাড়ের কাছে থয়েরী ডোরা কাটা শাড়িটা পেরিয়ে লাল ব্লাউজের বুকের উপর গড়িয়ে এসেছে একদলা রক্ত। শীতের উত্তরে হাওয়ার টানে তা এর মধ্যেই শুকিয়ে যেন বাসী হয়ে গিয়েছে।

তা ছাড়া আর সব ঠিক আছে। যেন, ঘাড়ের সঙ্গে মাথাটা জুড়ে দিলে, এখুনি বিজু ওর বিজলী চমক হাসি হাসতে হাসতে উঠে বসে চমকে দেবে সবাইকে। যে-হাসিতে এই মফঃস্বল শহরের সবাই কোনও না কোনও দিন একবার চমকেছে।

বিজু, ই্যা বিজুই। কলঙ্ক যার অঙ্গের ভূষণ ছিল। যে-কলঙ্কিনীর কথা বলতে রসিয়ে উঠত শহরের ইতর ভদ্র। যাকে সহজলভ্য মনে করে সেই চিরকালের টোপ-ফেলাফেলি খেলা অনেক হয়েছে কিন্তু প্রচণ্ড আক্রোশে গর্জাতে হয়েছে নীরবে ও সরবে। অথচ যাকে কলেজের কয়েকটা পড়ো কিংবা পড়তে পড়তে সরে-পড়া রথো ছুঁবিনীত ছেলের সঙ্গে প্রায়ই এখানে সেখানে ঘুরে বেড়াতে দেখা গিয়েছে নির্লজ্জের মত। সন্দেহজনকভাবেই রাস্তার উপর গায়ে গায়ে, জোরে হেসে হেসে, শহরের গায়ে জালা ধরাতে দেখা গিয়েছে। এমন কি আজও দেখা গিয়েছে। এ সেই বিজলী, এই রেল-কাটা মেয়েটা।

‘গণেশ কাফের’ এই তিনজন আবার চোখাচোখি করল। ওরা তিনজন সেই কয়েকটা রথো ছেলে, যাদের সঙ্গে বিজুকে দেখা যেত সব সময়। তাদের তিনজনেরই চোখের দৃষ্টি যেন গলায় দড়ি দেওয়া লাসের মত আরও উদ্দীপ্ত। একটা মহা-শূন্তের মত অশেষ বিস্ময় ও প্রশ্ন নিয়ে যেন এখুনি চোখগুলি রক্ত কিংবা জলের ফোয়ারা ছুটিয়ে ফেটে পড়বে।

বিজু, বিজুই ত। যে আজ বিকেলেও তাদের তিনজনের সঙ্গে ‘গণেশ কাফের’তে ছিল। যার কথায় হাসিতে, এমন কি রাগ ও অভিমানের মধ্যে, একবারও এই কাটা পড়ার ছায়া দেখা যায়নি।

তবে ?

ভিড়ের মধ্যে কার একটি রসাল দীর্ঘ ছঁ-উ-উ শোনা গেল। তারপর চাপা গলায়, “বড্ড বাড়িয়েছিল। বোঝ এবার।”

তিনজোড়া চোখ সঙ্গে সঙ্গে ভিড়ের দিকে ছুটে গেল যেন খাপা নেকড়ের মত। কাউকেই চেনা যায় না। রেল-লঠনগুলি বিজলীর কাছে নামান। বিজলীকে ঘিরে রয়েছে। ভিড়ের লোকগুলি অস্পষ্ট।

অচেনা আর চেনা লোকের গুঞ্জন একইভাবে চলছে। কে? কার মেয়ে? ও! সেই, সেই মেয়ে? কী হয়েছিল?

বুঝে নাও! হয়েছিল একটা কিছু নিশ্চয়।

হবে, জানাই ছিল।

বিজলীর বাবা রাধুবাবুকেও দেখা গেল ‘জি আর পি’র দারোগার পাশে। বিজুর দিকে গুঁর চোখ নেই। অগ্নিদিকে তাকিয়ে আছেন কোল-বসা চোখে। খুবই অসহায়, তবু যেন একটা অপরাধীর ভাব। বিজলীর লাস কিংবা লাস দেখতে-আসা ভিড়ের কারও দিকেই তাকাতে পারছেন না।

দারোগা জিজ্ঞেস করল, “কত বয়স হয়েছিল আপনার মেয়ের?”

“তেইশ।”

“বিয়ে দেননি কেন?”

দারোগার মতই প্রশ্ন। রাধুবাবু বললেন, “সঙ্গতি ছিল না।”

“হঁ। কী হল হে, লাস বাঁধ।”

একটি সেপাই জবাব দিল, “বাঁশ নিয়ে জমাদার আসছে স্ত্রার।”

“হঁ।” দারোগা আবার বলল, “থার্ড ইয়ার থেকে পড়া ছেড়ে দিয়েছিল কেন আপনার মেয়ে?”

“ছ মাসের বেতন বাকী পড়েছিল, তাই।”

“উ, তা হলে বলছেন, কোন চিঠিপত্রই রেখে যায়নি?”

“না।”

“আ-হা! দেখবেন মশাই, চেপে টেপে যাবেন না, পরে মুশকিলে পড়ে যাবেন।”

রাধুবাবু যেন ধরা-পড়া চোরের মত অগ্নিদিকে তাকিয়ে রইলেন।

দারোগার টর্চলাইট একবার ঝলকে উঠল কাটা বিজলীর উপর।

লাস বেঁধে নিয়ে যাওয়ার লোকেরা এল।

ওরা তিনজন এগিয়ে গেল রাধুবাবুর কাছে। ওদের তিনজোড়া উদ্দীপ্ত চোখে একটা হিংস্র প্রশ্ন বাগিয়ে ধরা ছুরির মত চকচকিয়ে উঠল নিঃশব্দে। রাধুবাবুর কাছে তারা জানতে চায় কী হয়েছিল। কেন মরেছে বিজলী।

রাধুবাবু তেমনি অসহায়ভাবে তাকালেন। বললেন প্রায় চুপি চুপি,
“এই যে শঙ্কর আর নরেশ এসেছে। ও প্রভাতও এসেছে?”

ই্যা, ওরা এসেছে, কিন্তু সেটা বড় কথা নয়। রাধুবাবু কী জানেন, সেইটি বলুন। তারা জানতে চায় তাদের, ই্যা তাদের যে বিজু হাসতে হাসতে এসেছিল ‘গণেশ ক্যাফে’ থেকে, সে কেন গলা বাড়িয়ে দিয়েছে রেলের তলে।

রাধুবাবুও ওদেরই চোখের দিকে তাকিয়ে ছিলেন। এতক্ষণে দেখা গেল, ওর কোল বসা চোখ দুটি সর্দিজরের মত ভেজা ভেজা লাল হয়ে উঠছে। দাঁতহীন ঠোঁট দুটি চাপছেন বারে বারে। বললেন, “কিছু জানিনে। বিজুর তোমরা বন্ধু। তোমরা, তোমরা কিছুই জান না?”

শঙ্কর নরেশ আর প্রভাত আবার চোখাচোখি করল। বুঝল ওরা, রাধুবাবু সত্যি কিছু জানেন না। তবে? তবে কে বলবে? কে জানে?

তিনজনেরই দৃষ্টি গিয়ে পড়ল বিজুলীর উপরে। ওরা চমকে পরস্পরের হাত চেপে ধরল। যেন ছিটকে বেরিয়ে যাবে কোথাও। দেখল, বিজুলীর শ্রামলী মুখখানি ওর বৃকের উপর বসিয়েছে জমাদারেরা। আর বিজুলী এখন চেয়ে আছে ঠিক তাদের তিনজনের দিকে।

ওরা তিনজনেই যেন নিঃশব্দে গলা ফাটিয়ে চিৎকার করে উঠল, বি—জু! বি—জু!

জমাদারেরা লাস কাপড়ে বেঁধে বাঁশে ঝুলিয়ে নিল। দারোগা ডাকল,
“আমুন রাধুবাবু।”

ভিড় ছত্রভঙ্গ হল। একদল লেগে-থাকা মাছির মত চলল ‘জি আর পি’ পুলিশ অফিসের দিকে, লাসের পিছু পিছু।

ওরা তিনজন কয়েক মুহূর্ত দাঁড়িয়ে রইল সেখানে। তারপর আরও খানিকটা উত্তরদিকে গিয়ে, আশশাওড়ার জঙ্গল পেরিয়ে নির্জন আর অন্ধকার রেলপুলটার উপরে গিয়ে উঠল। রেলিংএর উপর ভর দিয়ে, ঝুঁকে দাঁড়াল। জংশন স্টেশনের সর্পিলাইন একেবেঁকে চলে গিয়েছে অনেক দূর।

উপর থেকে দেখা যাচ্ছে, গোটা শহরটাকে ধোঁয়া গ্রাস করে ফেলছে।

ওদের তিনজনকেও একটা ভয়ংকর কিছু গ্রাস করে ফেলছিল। শত চেষ্টাতেও কারও গলা দিয়ে যেন একটি শব্দও বেরুল না।

কেবল নরেশ দম নিয়ে বলল, “বিজু-বিজুটা—”

আর কিছু বলতে পারল না। কেবল মনে পড়ল, রোজকার মত আজকেও বিজু কেমন খিলখিল করে হেসেছিল বিকেলে।

তিনজনই চূপ করে রইল। ঝাঁঝের চিংকার শোনা যাচ্ছে।

বিজুর খিলখিল হাসি ওদের তিনজনের বুকেই যেন বাজতে লাগল। তিনজনেই তাকাল ফোর্থ লাইনের সেই জায়গাটায়। কিছুই দেখা যায় না। ওখানে লাইনের উপর হয়ত এখনও রক্তের দাগ লেগে আছে। হয়ত এতক্ষণে শেয়াল এসে চাটতে আরম্ভ করেছে। আর ওরা তিনজন যখন চলে যাবে পুল থেকে নেমে, গভীর রাত্রে সেই খিলখিল হাসিটা হয়ত রেল লাইনের লোহার বেজে উঠবে। কেননা, বিজুর গলাটা ওই লাইনের উপরেই কাটা গিয়েছে।

ওদের তিনজনকে এখন যে-কোনও লোক পুলের উপর এই অবস্থায় দাঁড়িয়ে থাকতে দেখলে খারাপ কিছু সন্দেহ করত। যেন তিনটে ষড়যন্ত্রী কোন সর্বনাশের মতলব আঁটছে। ওদের ময়লা ছেঁড়া জামা কাপড় উসকো-খুসকো চুল, সর্বোপরি ওদের রক্তাভ চোখে কুটিল প্রশ্ন ও কঠিন প্রতিহিংসার একটা বাসনা দপদপ করছে।

মণি-হারা অজগরটার মত দারুণ যন্ত্রণায় ও আক্রোশে যেন ওরা মনের অন্ধকারে হাতড়ে ফিরছে বিজুর মৃত্যুর কারণটা। মনে পড়ছে। আজ বিকেলে, যখন বিজু এল ওরা বললে, “বিজু তুমি লেট।” বিজু বললে, “এখন থেকে লেট হতে হতে আর আসাই হবে না। ওরা বললে, “কেন?”

বিজু হেসে বললে, “বা রে, আমার বৃষ্টি বে-থা হবে না। তোমাদের তিনজনের সঙ্গে ঘুরলেই আমার চিরকাল চলবে?” বলে জোরে হাসল।

কিন্তু কী এসে যায় তাতে? ওকথা বিজু প্রায়ই বলত। নতুন কিছু নয়। হ্যাঁ। লেট বিজুর প্রায়ই হত। মনে কোনও রাগ থাকলে, কিংবা এমনি রহস্য করেও কতদিন বলেছে, “আর আসা হবে না। আজকেই ইতি।” এরকম অনেক ইতি হয়েছে, কিন্তু তারপরে পুনশ্চর কোন অভাব হয়নি। স্মরণ্য বিজুর আজকের কথায় কিংবা ভাবে নতুন কিছুই ছিল না, যা দিয়ে শেষ দেখাকে চিহ্নিত করা যায়।

তবে? তবে কী হল? ওরা তিনজনে একই সঙ্গে ফিরে তাকাল আবার লাইনের দিকে। তিনজনেরই যেন লাইনটার উপরে গিয়ে কপাল-কুটতে ইচ্ছে করছে। কপাল কেটে কুটে জিজ্ঞাসা করতে ইচ্ছে করছে, “কেন, কেন বিজু?”

কিন্তু ওরা তিনজনেই মুখ চেপে রইলো রেলিং-এ। কেননা, কপাল কুটে রক্ত-গঙ্গা করলেও লোহার লাইনটা কিছু বলবে না।

শুধু বিজুকে ঘিরে ওদের পুরনো দিনগুলি আবর্তিত হতে লাগল। সেই দিনগুলি, যখন বিজুলী ব্যানার্জী ছিল ওদের সহপাঠিনী।

যখন ওরা ছিল ছাত্র। যখন ওদের জীবনে ছিল ঝড়ের বেগ, ফেনিলোচ্ছল প্রাণ আর চোখে স্বপ্নের কাজল। যখন বিজু ক্লাসে আসত রাজেন্দ্রাণীর মত, আর ওরা ছিল যেন বিদ্রোহী প্রজা। রাণীর স্বতি করত ওরা বিজুপ দিয়েই, বেয়াদপির হাসি থাকত ওদের ঠোঁটে ও চোখে। কিন্তু বিজু ছুটে যায়নি প্রিন্সিপালের ঘরে। খাটি রাজেন্দ্রাণীর মত শুধু হেসেই শাস্ত করেছে সেই বিদ্রোহীদের। যে-হাসিটা তখন থেকেই বিজুর কলঙ্কের সন্দেহ ঘনিষে এনেছিল সকলের মনে। আর সকলের মত ওরা তিনজনও সন্দেহ করত। কলঙ্কিনী ভেবেই ওদের বিদ্রোহ মাত্রা ছাড়িয়ে উঠতে চেয়েছে মাঝে মাঝে।

কিন্তু ছাত্র-জীবনের যেখানটায় থাকা উচিত ছিল নিশ্চিত আশ্রয়, আহার আর একটু ভালবাসা, ওদের সেই আসল নৌকাটাই ছিল তলাফুটো। জীবনে যে-ঝড়ের বেগটা ছিল, সেটা শুধু নোঙর ছিড়ে টেনে নিয়ে গিয়েছে সর্বনাশের মধ্যে। কলেজের প্রাক্ষণ ছেড়ে কবে ওরা জীবনের আগুন-লাগা অঙ্গনে ঝাঁপিয়ে পড়েছে, নিজেদেরই মনে নেই। মনে নেই, বাইরের প্রাক্ষণে এসে কলেজের দলাদলি ভুলে, কবে ওরা তিনজন বন্ধু হয়ে গিয়েছিল! বেকারি আর অনাহারের জ্বালায় কবে ওরা শহরের সেরা দুর্বিনীত ও বেয়াদপ বলে কু-খ্যাত হয়ে গিয়েছে, সে-কথাও ওরা জানে না।

আর কে এক বিজুলী ব্যানার্জিকে নিয়ে কোন একদিন ওরা একটু মস্তানি করতে চেয়েছিল, সে-কথাও ওদের মনে থাকত না, যদি না তিনবছর আগেই এক সন্ধ্যায়, শহরের দক্ষিণে, নিরান্না রেল-কালভার্টের উপর দেখা হয়ে যেত। রাজেন্দ্রাণীর চোখের কোলে সেদিন গভীর পরিখা। চোখ দুটি বড় বেশী ভাসা ভাসা, করুণ। মুখখানি শুকনো। হাত ভরতি বাদাম ভাজা। মুখেও দু-একটি দানা ছিল।

ওদের তিনজনকে দেখে এক মুহূর্ত বৃষ্টি লজ্জা পেয়েছিল বিজু। পর-মুহূর্তেই সেই রাজেন্দ্রাণীর হাসি বিদ্যুতের মত ঝিলিক দিয়ে উঠেছিল তার করুণ মুখে। বলেছিল, “আপনারা এখানে?”

বিজুলীকে দেখা মাত্র ওদের তিনজনেরই জিত চুলকে উঠেছিল বিজুপ করার জন্তে। মনে মনে তৈরী হয়ে উঠেছিল পিছনে লাগার ফিকিরে।

কিন্তু বিজুলীর কালো চোখ দুটিতে কী ষাট ছিল, ওদের ইচ্ছে পূরণ

হয়নি। বরং সেই কুখ্যাত হুবিনীতেরা বিজুর গায়ে-পড়া আলাপে যেন একটু থিতিয়েই গিয়েছিল। বলেছিল, “এমনি।”

কিন্তু একটু রহস্যের আভাস যেন চিকচিক করে উঠেছিল বিজুর কালো চোখে। বলেছিল, “আরও কদিন দেখেছি এখানে আপনাদের।”

বলে হাতের মুঠি খুলে বাড়িয়ে দিয়েছিল তিনজনের দিকে। বলেছিল, “নিম, বাদাম খান।”

ওরা তিনজন মুখ চাওয়া-চায়ি করে বাদাম নিয়েছিল। দেখলেই বোঝা যাচ্ছিল, তিনজনের মুখে উপোসের ছাপ। ছেঁড়া জামা কাপড় আর উসকো-খুসকো চুলে তিনজনকে যতটা হতভাগা মনে হচ্ছিল, তার চেয়ে বেশী মতলববাজের ছাপ ছিল ওদের চোখে মুখে।

ওদের তিনজনকেই একটা অস্বস্তি ঘিরে ধরেছিল। কী বলতে চায় মেয়েটা? ওরা কেন আসে এই কালভার্টের কাছে, জানে নাকি সে? জানে নাকি ওই অদূরের সাইডিং-এর পাশে থাকদেওয়া রেল-স্লীপারগুলি সরাতে এসেছে ওরা? কেন না, স্লীপারগুলি একটি কাঠের গোলায় পৌছে দিলে তবে ওরা কিছু টাকা পাবে। টাকা ওদের চাই, নইলে বাঁচা যায় না। আর বাঁচবার অল্প কোন রাস্তা ওরা আবিষ্কার করতে পারেনি।

কিন্তু বিজলী ওদের কিছুই বলেনি। শুধু সেই হাসিটুকুই লেগে ছিল ঠোঁটের কোণে। বলেছিল, “চলুন, শহরের দিকে যাওয়া যাক।”

অসম্ভব। কাজ হাসিল না করে কেমন করে যাবে ওরা? পা ঘসছিল তিনজনেই।

বিজলী আবার বলেছিল, “চলুন।”

আশ্চর্য! সে-ডাক ওরা কেরাতে পারেনি। যেন কোন্‌ স্বদূর আবছায়া থেকে এক বিচিত্র রহস্যময়ী তাদের ডাক দিয়ে নিয়ে গিয়েছিল হাতছানি দিয়ে। নিয়ে গিয়েছিল ওদেরই ‘গণেশ কাকের’ আস্তানায়। আর নিজের থিদের নাম করে এক রাশ খাবার নিয়েছিল। বলেছিল, “টি এক্স আর এর ক্লাস টেনের মেয়েটাকে পড়াই। আজ মাইনে পেয়েছি, খাওয়া যাক।”

তখন ওদেরও চকিতে মনে পড়ে গিয়েছিল কালভার্টের কাছেই টি এক্স আর এর কোয়ার্টার। তাই বিজু তাদের দেখতে পেয়েছিল কয়েকদিন।

ওরা লোভীর মত খেয়েছিল। জানত, রাধু বাড়ুজ্যের এক পাল পুষ্টি-থিকথিক ঘরে কানাকড়িটি না থাকলেও বিজলীর অভাব নেই। তাঁর মেলাই মক্কেল।

খেতে খেতেই তিনজনের মধ্যে কে যেন জিজ্ঞেস করেছিল, “কলেজের খবর কী?”

বিজু ছোট মেয়েটির মত এক মুখ খাবার নিয়ে বলেছিল, “ছেড়ে দিয়েছি।”

“কেন?”

“টাকা নেই।”

অবিশ্বাস মনে হয়েছিল ওদের। টাকা নেই, সবাই জানত। কিন্তু এ-কথাও সবাই জনত, ব্রজেন পালের মত কাপ্তেন থাকতে, বিজুলীর কোনও অভাব নেই। উৎকৃষ্ট ব্যবসায়ী নকুড় পালের নিকৃষ্ট ছেলে ব্রজেন পাল। কিন্তু নকুড়ের মতে, সে ত ভগবানের হাত। ওই হাতটি থাকলে গাধা পিটিয়ে নাকি ঘোড়া করা যায়। আর পালবংশে কলেজের মুখ দেখা সে-ই ত প্রথম। অতএব, বি-এ পাশ করতে দশ বছর লাগলেও ক্ষতি কী? নিকুড়ের পিছনে উৎকৃষ্ট টাকা থাকলেই ত গাধা একদিন ঘোড়ার মত হ্রেষাধ্বনি করতে পারবে।

সেই হ্রেষাধ্বনিরই বাসনায়, খুরেমারা নাল থেকে মাথার শিরস্বাণ পর্যন্ত পোশাকে আশাকে ব্রজেন একটি পাকা অশ্ব হয়ে গিয়েছে তখন। আমেরিকান কার্ট কোর্ট প্যান্টের পকেটে তার উৎকৃষ্ট টাকা বাজত ঝনঝন করে। বিশেষ করে বাজিয়ে ফিরত সে বিজুলীর পিছনে। কলেজ থেকে রাধু বাড়ুজ্যের বাড়ি পর্যন্ত ধাওয়া করতে দেখা গিয়েছে ব্রজেনকে। ব্রজেনের কথা শুনে মনে হত, বিজুলীর শাড়ি ব্লাউজ, বই-ফাউন্টেনপেনটি পর্যন্ত ওর টাকাতাই কেনা।

সবাই তাই বিশ্বাস করত। ব্রজেনের সঙ্গে তখন বিজুলীকে এদিকে ওদিকে দেখাও যেত। তাই, টাকা নেই শুনে, ওদেরই গলায় খাবার আটকে যাবার দাখিল হয়েছিল।

বিজুর চোখে সেই রহস্যের ঝিকিমিকি আরও কয়েকটা ঘুলঘুলি দিয়েছিল খুলে। হেসে বলেছিল, “কী হল?”

একজন জিজ্ঞেস করেছিল, “ব্রজেনের সঙ্গে ঝগড়া হয়ে গেছে নাকি?”

পলকের জুতা বুঝি বিজুলীর চিকুর চিকচিক চোখ মেঘে ঢেকে গিয়েছিল। ঠোঁটের কোণে হাসিটুকু গিয়েছিল মরে।

পরমুহূর্তেই আবার হেসে বলেছিল, “ঝগড়া হবে কেন। যতটুকু ভাব দেখছেন, এখনও তাই আছে। ব্রজেন ত কখনও পেছন ছুড়ে না। আপনারা বোধহয় দেখেননি, ব্রজেন ছায়ার মত আমাদের পেছন-পেছন এসেছে। উকি দিয়ে দেখুন রাস্তায় দাঁড়িয়ে আছে, এই দিকে চেয়েই।”

ওরা উকি দিয়ে অবাক হয়ে দেখেছিল, সত্যি ব্রজেন বাইরে দাঁড়িয়ে। চোখে তার অপেক্ষমান কুকুরটার রূপা প্রার্থনার দৃষ্টি। ঠোটে সিগারেট, দু'হাত প্যাণ্টের পকেটে।

ফিরে দেখেছিল ওরা, বিজলীর ঠোটে যেন ক্লান্ত বিষণ্ণ হাসি। আর সেই ওদের তিনজনেরই, বিজলীকে বড় অসহায় মনে হয়েছিল। ওদের দু'বিনীত বুকও মাহুষের হৃৎপিণ্ডের অবশিষ্টাংশে টনটন করে উঠেছিল যেন একটু।

বিজু কেমন একটু হেসে আবার বলেছিল, “মেয়ে হয়ে ব্রজেনের টাকা কেমন করে নেওয়া যায়, বলুন।”

সেই মুহূর্তেই বিজলীর দিকে তাকিয়ে থাকা চোখের চাউনি একেবারে বদলে গিয়েছিল ওদের। সেই মুহূর্তেই একটি মেয়ে-জীবনের সত্যের তত্ত্বকে আবিষ্কার করে, বিজলীর নতুন পরিচয়ে অপরাধী হয়ে উঠেছিল নিজের।

বিজলী তখন উঠে পড়েছিল। ওদের মধ্যেই কে যেন বলেছিল, “চলুন আপনাকে পৌঁছে দিয়ে আসি।”

বিজলীর চোখে আবার সেই রাজেন্দ্রাণীর হাসি উঠেছিল চমকে।

বলেছিল, “ব্রজেনের জন্তে? তার দরকার হবে না। পেছনে ঘুরেই যখন ওর শাস্তি, ও যুরুক। কিন্তু—”

বিজলীর চোখে রহস্য ঘনীভূত হয়ে উঠেছিল হঠাৎ। একটু থেমে বলেছিল, “কালভাটের ওই বিচ্ছিন্ন জায়গাটার আপনারা আর যাবেন না। রেলের গুড্‌স-শেডের ওখানটা থেকে পুলিশে বিনা দোষেও লোক ধরে নিয়ে যায়।”

বলে সে চলে গিয়েছিল।

ওরা তিনজন যেন বিজলী-তারের শব্দ খেয়ে থমকে তটস্থ হয়ে গিয়েছিল।

সেই ওদের ত্রয়ীকে ঘিরে বিজলীর শুরু। সেইদিনই ‘গণেশ কান্ধে’ থেকে গোটা শহরে মাছিরা ভ্যানভ্যান করে উঠেছিল, তিন কুখ্যাতের সঙ্গে বিজলীর মিলনের কথা। বলেছিল, যার যেথা ঠাই।

তারপর সে-কাহিনীও পুরনো হয়ে গিয়েছে। এই তিন বছরে, ওই তিনজনের সঙ্গে বিজু প্রতিদিন ঘুরেছে। কবে ওরা ‘আপনি’ ছেড়ে ‘তুমি’ হয়ে গিয়েছে। কবে ওরা চারজনের এক সর্বক্ষণের অঞ্চল জুটি হ’য়ে গিয়েছে, নিজেদেরও বোধহয় মনে নেই। দেখে, শহরের টোপ-ফেলা খেলোয়াড়েরা অনায়াস ভেবে অনেকবার উৎসাহিত হয়েছে আর আক্রোশে দাঁত পিষেছে।

ব্রজেন পিছন ছাড়ে নি, ক্ষিপ্ত হয়েছে আরও। গোটা শহরের গায়ে অনেক জ্বালা ধরেছে, আজও ধরেছে।

আজও ধরেছে; এবং ধরিয়ে বিজু নিশি স্মারকর আমবাগানের ধারে এসেছিল কেন?

রেলপুলের উপর থেকে তিনটে অভিশপ্ত প্রেতের মত ওরা আবার ফিরে তাকাল ফোর্থ লাইনের সেই জায়গাটায়।

আর ওদের তিনজনেরই মনে হল, প্রথম দিন বিজুকে যে রহস্য ঘিরে ছিল, আজ সেই রহস্যই ওই ফোর্থ লাইনের উপরে শেষবারের জন্ম গলা পেতে দিয়েছে। উদ্ঘাটনের কোন চিহ্নই সে রেখে যায়নি। শুধু তিনটি প্রেতাত্মা চিরকাল ধরে সেই রহস্যের সন্ধানে ফিরবে।

ফিরবে, আর জানতে চাইবে, কেন বিজু নিশি স্মারকর আমবাগানের ধারে এসেছিল? বিজু তাদের কালভাটের সেই বিচ্ছিন্ন জায়গাটায় যেতে বারণ করেছিল, তারা আর যেতে পারেনি। তারপরে বিজু তাদের অনেক জায়গায় যেতে বারণ করেছে, তারা যায়নি।

কিন্তু বিজু কেন নর্থ কেবিনের কাল-আধারে, লাইনের উপরে এসে মরেছে? কেন বিজু?

জবাব পাওয়া যাবে না। কালকের শিশিরে-ভেজা লাইনটায় কোন চিহ্নও থাকবে না। কেবল অদূরে ক্রশ লাইনের কাছে, দু ফুট উঁচু সিগন্যালের এই লাল আলোটা জ্বলবে। থিতুয়ে আসার অন্ধকারে এখন ওই আলোর রক্তাভা বেশ গুঁড়ি মেরে মেরে গিয়ে ঠেকেছে ফোর্থ লাইনের বুকে। ওই রক্তাভা রেশটা চিররাত্রি ধরে দগদগ করবে একটি রক্তাক্ত ক্ষতের মত।

কিন্তু তার পরদিন রহস্যের একটি গ্রন্থিমোচন হল। সকলের জিহ্বা আর একবার লকলক করে উঠল। বিকেলের দিকে মর্গ থেকে সংবাদ এল, বিজলী গর্ভবতী ছিল।

আর ওরা তিনজন নরেশ-প্রভাত-শঙ্কর গণেশ কাফেরই 'ফর লেডিজ' খুপরিতে বসেছে মুখোমুখি। চোখে ওদের প্রজ্বলিত ঘৃণা দপদপ করেছে। হিংস্র কুটিল সন্দেহে ওরা নিজেদেরই পরস্পরকে হানছে। ওদের গোটা জীবনের সব সর্বনাশ আজ নিজেদের মধ্যেই খুনোখুনি করবার উদ্ভাদনায় বসেছে কবুল করতে। কে? কে অকলঙ্ক বিজুকে এই কলঙ্কের বোঝা চাপিয়ে মেরেছে?

কবুল খেতে হবে, কেননা তারা তিনজন ছাড়া, বিজলীর এই সর্বনাশের শরিক আর কেউ হতে পারে না। শহরের সব বিষধরদের নির্বিষ করেই এই দুর্বিনীত ছন্নছাড়া ত্রিভুজকে সে নিজেই আশ্রয় করেছিল। একটি মেয়ে যতটুকু পারে, তার সবটুকু নিয়ে সে আত্মসমর্পণ করেছিল এই তিনের কাছে; তার সব সর্বনাশ, তার সব কলঙ্ক সে বদ্ধক রেখেছিল এই তিনজনেরই কাছে, বন্ধুত্বের মূল্যে। সাহস প্রীতি আর স্নেহের মূল্যে। তাদের তিনজনকে সর্বনাশের সব পথ থেকে মোংরা বীজাণুদের সমস্ত আশ্রয় থেকে ফিরিয়ে নিয়ে আসার মূল্যে, বিজু তার ভিতর-দুয়ারের কপাটও দিয়েছিল হাট করে খুলে। রাখেনি কোন সদর অন্দর। তাদের তিনজনের পাশ-আন্তীর্ণ ত্রিভুজ-আঙিনাটায় নিশ্চিন্ত হয়ে ফুটেছিল সে ফুলের মত। তারই স্বযোগ নিয়ে কে তাকে খুন করেছে প্রকাশ করতে হবে। বন্ধুত্বের হাতে নিজেকে অবশ্য করে ছেড়ে দেবার তমস্ক ছিল তাদেরই হাতে। তারাই কেউ ছিঁড়েছে সেই তমস্ক। কবুল করতেই হবে।

সেই কবুল করবার জন্তেই, তিনজনে তারা কাঠের খুপরিটার মধ্যে রুদ্ধ-শ্বাস হিংস্র হয়ে বসে আছে। কারও দিক থেকে কারও চোখ নামছে না। যেন প্রত্যেকেই শিকারী ও শিকার।

বাইরে ‘গণেশ কাফে’র গুলতানি চলেছে রোজকার মতই। সেখানে তাকিয়ে বোঝাবার উপায় নেই, এই একই ছাদের তলার, একটি খুপরিতে, একটা ভয়ংকর রক্তারক্তির উত্তেজনা ক্রমেই বাড়ছে।

কুটিল সন্দেহে, চাপা ক্রুদ্ধ গলায় হিসিয়ে উঠল শঙ্কর, “আমি নয়, প্রভাত নয়, নরেশ নয়, তবে কে? কে, আমি জানতে চাই। আর কে ছিল তার; আমরা ছাড়া?”

যেন ছোঁবল মারার আগে, কেউটের মত কাঁধ বাঁকিয়ে নরেশ গর্জে উঠল, “আমিও তাই জানতে চাই। সে যেই হক্, আমি তাকে দু-হাতে টিপে পিঁপড়ের মত মারতে চাই।”

মায়াষ যখন ভয়ংকর হয়ে ওঠে, তখন তার সবটাই নাটকীয় দেখায়। প্রভাত পকেট থেকে গুল সেই বিখ্যাত বোতাম-টেপা ভ্যাগারটা বার করে খুলে রাখল টেবিলের উপর। শাণিত ছুরিটার তীক্ষ্ণ ধার আজ রক্তলোলুপতায় যেন বড় বেশী চকচক করছে। সে ছুরিটা বিজলীর সামনে যতবার খুলেছে প্রভাত, ততবারই বিজলীর দু চোখে ঘনিয়ে এসেছে অভিমান। বলেছে, “কতদিন বলেছি তোমাকে প্রভাত, ওটা আমি দু চক্ষে দেখতে পারিনি। রেখে দাও।”

বলে নিজের হাতে বন্ধ করে রেখে দিয়েছে। আজ বন্ধ করবার কেউ নেই।
সে বললে দাঁতে দাঁত পিষে, “তাকে যখন আমি পাব, সে যতবড় বন্ধুই
হক, তার বুকটা আমি উপড়ে ফেলব।”

কিন্তু এ শুধু কথা। তারপর ?

ছুরিটার তীক্ষ্ণ ধার ওদের তিনজনের মুখেই যেন হিংস্র হয়ে জ্বলতে
লাগল। যেন হত্যা-উৎসবের আগে, মস্তপূত অস্ত্রটাকে ঘিরে বসেছে ওরা
ট্রাইব্দের মত।

আগে ওরা রাগে ও ঘৃণায় যখন কোন কারণে রুদ্ধ হয়ে উঠত, তখন
বিজলী ওদের শাস্ত করত। শাস্ত না হলে বিজু রেগেছে। বিজু কঁদেছেও।

আজ বিজু নেই। আজ ওরা সেই মূর্তি ধরেছে।

প্রভাত ছুরি বের করেছে। নরেশ ওর সেই কালো বিশাল শরীরটার
পেশীতে পেশীতে ঘষছে। শরীরের রক্তাভ বড় বড় চোখ দুটিতে নেশা
ধরেছে। যে-চোখ দেখলে বিজু হাসতে হাসতে আঁচলের ঝাপটা মেরেছে।
বলেছে “এই রাক্ষস! চোখ করেছে দেখ।” নরেশের পেশীশক্ত শরীর
বিজলীর ছোট হাতখানির চাপে কোনদিন নির্দয় ছুঁদাস্ত হয়ে উঠতে পারেনি।

ওরা প্রতিটি দিনের পাতা উল্টে উল্টে দেখছে, খুঁজছে, পরস্পরের
প্রতিটি দিনের ব্যবহার। প্রতিটি দিন, কে কবে কেমন করে হেসেছিল,
কতখানি বেশী ঘনিষ্ঠ হতে পেরেছিল বিজুর। কোনদিন কে কতক্ষণ একলা
ছিল বিজুর সঙ্গে। বিজু কাকে কবে একটু বেশী স্নেহ করেছিল।

ওদের মনে এই অবিশ্বাস ও সন্দেহের জড় লুকিয়ে ছিল হয়ত। কিন্তু
তখন বিজু ছিল। রামধনুর মত কোন কালকূট মেঘকে ঘন হতে
দেয়নি। বুক চেপে হাঁটা স্থাপদ-অন্ধকার পারেনি ফিরে আসতে। আজ
ওদের সেই মন হতাশায়, অবিশ্বাস ও সন্দেহে হিংস্র। সেই স্থাপদ-অন্ধকারটাই
গ্রাস করেছে আজ তিনজনকে। তাই প্রতিদিনের উনিশ-বিশ ঘণ্টে ঘণ্টে
খুঁজছে ওরা। কে ? কে হতে পারে ? বিজুর নিশি স্নাকরার আমবাগানের
ধারে যাবার আগে, কাল বিকেলেও কে কেমন করে কথা বলেছিল তিন-
জনে, সেটাও ভাবছে ওরা। ভাবছে, তিনজনের মধ্যে, কাকে বাঁচাবার
জন্তে ঘৃণা করেও কিছু বলে নি বিজু ?

একসময়ে নিজেদেরই নিশাসে চমকে উঠে ওরা পরস্পরের দিকে তাকায়।
তারপর টেবিলের উপর ছুরিটার দিকে। যেখানে অনেকদিন বসেছে বিজু
আর বিজুকে ঘিরে ওরা বসেছে চেয়ারে।

সন্দেহ আর অবিশ্বাস ওদের ছাড়ে না। শেষপর্যন্ত নিজেদের মধ্যে ওরা একটা রক্তারক্তি কাণ্ড করবে। তবু বিজুর প্রতিদিনের স্মৃতি ওদের মাঝে মাঝে আনমনা করে তুলছে।

শংকর হঠাৎ ডাকে, “প্রভাত।”

প্রভাত সন্দেহ করে আগে থেকেই কক্ষ হয়ে জবাব দেয় “কী?”

নরেশ হুজনের দিকেই তাকায় তীক্ষ্ণ চোখে।

শঙ্কর বলে “বেচু পাঠক তার বুড়ি দিদিকে খুন করতে চেয়েছিল, মনে আছে?”

প্রভাত ক্রকুঁচকে বলে “তাতে কী?”

“বেচু পাঠক তোকে দিয়ে খুন করাতে চেয়েছিল সম্পত্তির লোভে। তোকে নগদ দু’ হাজার টাকা দিতে চেয়েছিল। বেচু পাঠক দরজা খুলে রাখবে রাত্রে, তুই গিয়ে শুধু বুড়ির গলাটা টিপে রেখে আসবি অন্ধকারে। ব্যস্ আর-কিছুই নয়। এমন কি বেচু পাঠক পরে ধরিয়ে দিতে চাইলেও তোকে ধরবার কোন উপায় থাকত না।”

প্রভাত প্রায় চীৎকার করে ওঠে “কিন্তু তাতে কী হল?”

শঙ্কর যেন প্রায় চুপি চুপি বলল, “তুই তা করিসনি। বিজু তোকে বারণ করেছিল বলে।”

শঙ্করের গলার স্বরে প্রভাত আর নরেশ যুগপৎ চমকে ওঠে। হুজনেরই চোখে ঘৃণা আর উত্তেজনা ছাপিয়ে একটা নিশি-পাওয়া ব্যাকুলতা ওঠে ফুটে। ওদের তিনজনেরই চোখের উপর ভেসে ওঠে বিজুর মূর্তি।

ই্যা, বিজু প্রভাতকে যেতে দেয়নি বেচু পাঠকের দিদিকে খুন করতে। খুন করার ভয়াবহ নারকীয়তার রূপ ওদের অনুভূতি থেকে বহুদিন বিদায় নিয়েছিল। ওদের সেই অনুভূতিটাকে ফিরিয়ে দিয়েছে বিজু।

যখন ওরা চাকরির জগৎ দরখাস্তের পর দরখাস্ত করেছে, ভেঁড়ার পালের মত সর্বত্র লাইন দিয়েছে, চটকলের স্পিনার হওয়ার আশাতেও গিয়েছে ছুটে আর ফিরে এসে হতাশায় অবসাদে পড়েছে ভেঙে, তখন একটিই সং ও সত্যিকারের রাস্তা খোলা ছিল, মরা। খবরের কাগজের একটি শিরোনামাকেই ওরা বাড়াতে পারতো, ‘অনাহারের জালায় যুবকের আত্মহত্যা।’

কিন্তু তা করেনি ওরা। তারই একটা রকমফের জীবনের যত ভয়াবহ অন্ধকার স্বড়ঙ্গপথগুলি বেছে নিয়েছিল। কেননা, ওরা দেখেছিল, এ-দেশে ওইটিই প্রশস্ত পথ।

সেই সময়েই বিজুর আবির্ভাব হয়েছিল ওদের জীবনে। সে আগলে দাঁড়িয়েছিল ওই অন্ধকার সুড়ঙ্গগুলি।

সেই সময় দেখেছিল, ওদের রাজেন্দ্রাণীর মুখে ঠিক ওদেরই মত উপোসের ছাপ। তখন থেকে ওরা দু'পয়সার বাদাম, চার পয়সার মুড়ি, দু'গেলাস চা, বিজুর সঙ্গে ভাগ করে খেয়েছে। অনাহারের মধ্যেও সমস্ত লোভ জয় করেছে ওরা।

প্রভাত গোড়ার মত ঘড়ঘড়ে গলায় বলল, “ই্যা, বিজু বারণ করেছিল। বলেছিল, বারণ না শুনলে সে মরবে। বিজু মরবে, তাই আমারও যত ঘেন্না হয়েছিল টাকার লোভে। বিজু বারণ করেছিল। বিজু তোকেও বারণ করেছিল শব্দর। দাশু গাঙ্গুলি তোকে পাঁচ শ টাকা দিতে চেয়েছিল, শুধু ওর অপজিট্ পাটি'র লিডার কেদার ঘটকের নামে একটা মেয়েমানুষকে জড়িয়ে মিথ্যে বক্তৃতা দেবার জন্ত। মানহানির মামলা করলে টাকা দেবার চুক্তি ছিল দাশু গাঙ্গুলির। কিন্তু তুই যাসনি, বিজু বারণ করেছিল।” যেন মাতালের মত স্বরহীন গলায় বলতে থাকে প্রভাত, “বিজু তোকেও বারণ করেছিল নরেশ। ডাক্তার তালুকদার তোকে মাসে তিন শ' টাকা মাইনের চাকরি দিতে চেয়েছিল, শুধু তার স্বাগলিং-এর কর্নারগুলির উপর নজর রাখবার জন্তে, দলের বিশ্বাসঘাতকদের ওপর স্পাইং-এর জন্তে। সেই চাকরি তুই নিসনি। বিজু তোকে বারণ করেছিল।”

বিজু তাদের বারণ করেছিল, এই কথাটা কাঠের খুপারির মধ্যে আবর্তিত হতে থাকে। বিজু তাদের ঘেন্না করতে শিখিয়েছিল। তাই তারা অন্ধ-সুড়ঙ্গগুলির মুখে পা দিয়ে ফিরে এসেছিল। তাই তারা এ-সংসারের সকল অনাহারীর সাধারণ দলেই এসে ভিড়েছিল। বাঁচতে চেয়েছিল আর সকলেরই মত রোষে ও রাগে, কষ্টে ও কান্নায়।

আর তবু উপোসী বিজু তাদের তিনজনের তিলে তিলে মরা মূর্তিগুলির দিকে তাকিয়ে কখনও চোখের জল চাপতে পারেনি। মুখ নিচু করে, যেন অপরাধিনীর মত বলেছে, হয়ত আমার জন্তে, আমারই জন্তে তোমরা মরছ। হয়ত আমার ভুল হচ্ছে। তোমরা একটু ভাব।

কিন্তু তখন আর ভাববার কিছু নেই। একদিন যে-পথ থেকে ফিরে এসে ওরা বিজুকে ঘিরে ছিল, যেই পথটাকে ওরা ঘৃণা করতে শিখেছিল, বিজু ফিরিয়ে দিতে চাইলেও ওরা ফিরে যেতে পারত না। পারবেও না। কারণ, ঘৃণা শুধু নয়, ওরা একটি ভালবাসাকে পেয়েছিল। একটি বিজুকে পেয়েছিল, যার সঙ্গে ওরা সংসারের লাক্ষিতদের হাটের মিছিলে চেয়েছিল শরিক হতে।

তাই রাজস্রাণীর শোক-বিমূঢ় চোখের জল তারা মুছিয়ে দিয়েছে।
ওই কালো চোখে দপদপ করে আগুন জ্বালারই তাপ চেয়েছে তারা।
মৃত্যুহীন নির্ভয়ের খিলখিল হাসির ঝনঝনায় এ বিশ্ব-সংসার কেঁপে উঠুক,
তারা তাই চেয়েছে।

সেই হাসি তাই শেষদিন পর্যন্তও হেসেছিল বিজু। অনেক দ্বিধা-দ্বন্দ্ব-
ভয়-দুর্দশাগ্রস্ত জীবনে সেই হাসিটাই তাদের অনেক নির্ভয়ের নিশান হয়ে ছিল।
সেই হাসিটা ছিনিয়েছে কে!

আর কারা ছিল বিজুর জীবনের সব অন্ধিসন্ধির খবর জানতে? অসহায়
আর অপমানিত ভদ্রলোক রাধু বাঁড়ুজ্যেকে সপরিবারে তিলে তিলে মরতে
দেখেছিল তারা। শুধু তাদেরই তিনজনের জন্তে রাধু বাঁড়ুজ্যে তার আই-
বুড়ো মেয়ের কলঙ্কে মাথা নত করেছিলেন। সেই সবচেয়ে বড় কলঙ্কের
গুপ্ত তথ্য কী, তা ত শুধু তারা তিনজন আর বিজুই জানত। তারা
চারজনেই শুধু জানত, সেই কলঙ্ক ছিল শুধু তাদের চারজনের হাত ধরাধরি
করে বাঁচা। তাদের বন্ধুত্ব।

বন্ধুত্বের সেই সুর্যোগ নিয়ে, কে মেরেছে বিজুকে?

তিন জোড়া চোখের কুটিল সন্দেহ, ঘৃণার দৃষ্টি কেউ কারও উপর
থেকে নামাতে পারছে না ওরা।

কিন্তু শত অবিশ্বাস সন্দেহেও, ওদের ক্রোধের আগুনে আর তেমন
করে ছুরিটার তীক্ষ্ণধারে চক্‌চক্‌ করছে না। অবসাদগ্রস্ত মনে শুধু একটা
হাহাকার ওদের যেন গ্রাস করে ফেলেছে। শুধু মনে পড়ছে, বিজু ওদের
কোথায় যেতে বারণ করেছিল, আগলে রেখেছিল কেমন করে! সর্বনাশীর
মত কেমন করে সে তিনটি পুরুষের ছটি খাবার উপরে নিজেই নিশ্চিন্তে
মুক্ত করে দিয়েছিল।

‘গণেশকাফে’র ঘরে ভিড় কমে এসেছে। ক্রমেই চূপচাপ হয়ে যাচ্ছে
সামনের ঘরটা। রাস্তায় গাড়ি-ঘোড়ার শব্দও কমছে।

নরেশ হঠাৎ যেন ছটফট করে উঠল। ছুরিটা হাতে নিয়ে সে দ্রুত চাপা
গলায় বলল, “আমি বলব, একটা কথা বলব।”

শব্দর আর প্রভাত দুজনেই ফিরে তাকাল তার দিকে।

নরেশ যেন স্বপ্নাচ্ছন্নের মত শূন্য দৃষ্টিতে চেয়ে বলল, “একদিন, সেদিন
তোরা দুজনে ছিলিনে, কোথায় গেছিলি। এই ঘরে, আমি আর বিজু।
বিজু হাসছিল, অনেক কথা বলছিল। কিন্তু আমার কী হল, আমি জানিনে।

বিজুর শরীরের দিকে সেই যেন আমি প্রথম তাকালাম। সেই যেন প্রথম জানলাম, বিজুর রূপ আছে, যৌবন আছে, আশ্চর্য সুন্দর তার গঠন। আমি পাগলের মত দুহাতে জড়িয়ে ধরলাম বিজুকে। বিজু যেন একবার কঁপে উঠে স্থির হয়ে গেল।”

বলতে বলতে নরেশ প্রকাণ্ড শরীরটা নিয়ে যেন হাঁপিয়ে উঠল। কিন্তু কেউ ওকে কিছু বলল না। দুজনেই স্থির তীক্ষ্ণ চোখে তাকিয়ে আছে নরেশের দিকে।

নরেশ আবার বলল; “জড়িয়ে ধরে আমি বার বার ডাকতে লাগলাম, বিজু—বিজু। বিজুর মুখ আমি দেখতে পাচ্ছিলাম না। তাকাতে আমার সাহসও হচ্ছিল না। কিন্তু একটু পরে, বিজু দুহাত দিয়ে আমার মাথাটা জড়িয়ে ধরল। বলল, ‘কী বলছ নরেশ? আমার চোখে বুঝি তখন রক্ত। ফিরে তাকালাম তার দিকে। দেখলাম, মুখে তার হাসি, কিন্তু চোখে জল। সে যে আমার মাথায় হাত দিল, তখুনি আমার কেমন হয়ে গেল! আমি তাড়াতাড়ি হাত সরিয়ে নিলাম। বিজু বলল, ‘নরেশ, বাবা কোন-দিন বিয়ে দিতে পারবে না। আমি নিজে যদি করি, কাকে করব, বল? তুমি যা চাইছ, তুমি নিতে পার। শঙ্কর আর প্রভাতকে আমি কী বলব? তুমি কী বলবে?’ আমার তখন পালিয়ে যাওয়া কুকুরের মত অবস্থা। আমি দু হাতে মুখ ঢেকে রইলাম। বললাম, ‘ক্ষমা কর বিজু, ক্ষমা কর।’ বিজু আমার দু হাত ওর কোলের ওপর টেনে নিয়ে গেল। আরও কাছে এল আমার। বলল, ‘তুমিও আমাকে ক্ষমা কর নরেশ! তুমি, আমি, প্রভাত, শঙ্কর কেউই আমরা ভিন্ন হয়ে যেতে পারব না আর। তাই কোন দিনই আর আমরা এসব পারব না।’

নরেশ নিশ্বাস নেবার জগ্ন একবার থামল। আবার বলল, “এই, এই আমার একমাত্র অপরাধ বিজুর কাছে। এই—এই—।”

বলতে বলতে তলিয়ে গেল নরেশের গলার স্বর।

কিন্তু প্রভাত আর শংকরও তখন নিশি-পাওয়া জড়ের মত মুখ ঢেকে বসেছে। ওই একই অপরাধ, ভিন্ন জায়গায় একইভাবে ওরাও করেছে বিজুর কাছে।

একই ভাবে প্রভাত অন্ধকার রাত্রে বিজুকে একা বাড়ি পৌঁছে দিতে গিয়ে সেই গাছতলায় দু’হাতে টেনে এনেছিল কাছে। এইভাবেই, বিজুর দুটি ঠোঁটের পিপাসায় ছাতি ফেটে গিয়েছিল তার। কিন্তু তার মনে

হয়েছিল, বিজুর ঠোঁট যেন শবের ঠোঁট। ঠাণ্ডা, রক্তহীন, অনড়, শক্ত। পরমুহূর্তেই প্রভাতের বৃকের মধ্যে একটা ভয়ংকর সর্বনাশের মত মনে হয়েছিল, বিজুকে চিরদিনের জ্ঞা হারাবে সে। কিন্তু বিজুই তার ঠোঁটের স্পর্শ দিয়ে নির্ভয় করেছিল তাকে। শুধু সেই ঠোঁটে কোন অকূল থেকে ভেসে আসা নোনা স্বাদ ছিল। সেই ঠোঁট নেড়ে সে বলেছিল, ‘তা হলে আর দুজনের কাছে আমাদের মরতে হয় প্রভাত।’

একইভাবে এক বর্ষার রাতে, রেলের অন্ধকার ওভারব্রিজের নীচে শঙ্কর বিজুর দুটি হাত চেপে ধরেছিল, সে হাত চেপে ধরার মধ্যে পুরুষ তার কিছুই গোপন রাখতে পারে না। তার বড় বড় চোখ দুটিতে দপ-দপ করে পতঙ্গ পুড়ছিল। বিজু শুধু অপলক চোখে তাকিয়ে ছিল রেল লাইনের দিকে। একইভাবেই সে শঙ্করকে শাস্ত করেছিল। একই কথা বলেছিল, সে স্বৈরিণী হলে একই প্রাপ্য তিনজনকে দিতে পারত। তা যখন নয়, তখন বন্ধুত্বকে রক্ষা করার প্রয়াসই বিজুর জীবনে অক্ষয় হয়ে থাক।

বিজু বন্ধুত্বকে রক্ষা করেছিল। ওদের আত্মনাশের আর বন্ধুত্বের দুর্গের অটল প্রহরী বিজু। তবে? ওদের তিনজনের সর্বক্ষণের ছায়া আর কেউ ভেদ করেছিল নাকি? ভেদ করে কোথায় যাবে? বিজুরই কাছে ত? যে-বিজু তাদেরই সঙ্গে মরছিল আর বাঁচছিল। তাদের ফিরিয়ে এনেছিল, বারণ করেছিল, ভালবেসেছিল।

রাত হয়েছে। ঠাস্ ঠাস্ করে ‘গণেশ কাফে’র দরজা বন্ধের শব্দ ওদের চলে যাবার নির্দেশ দিচ্ছে। ওরা উঠে পড়ল।

কিন্তু পরস্পরকে কেউ ওরা ছেড়ে দিতে পারবে না।

বাইরের রাস্তা ধোঁয়ায় আর কুয়াশায় আবছা। শীতাত পথটা নরকের মত জনহীন আর নিশুন্ধ।

কালকে ওরা কিছুই না জেনে, ফিরে যেতে পেরেছিল। আজকে ওরা ফিরে যেতেও পারছেন না। বিজুর যে কলঙ্ক শহর দিকার দিয়ে হেসেছে, সেই একই দিকার দিতে গিয়ে, আর সকলের মত বিজুর বাবার চোখের সামনেও এই ত্রিমূর্তিই হয়ত ভেসে উঠবে। চিরকাল কলঙ্কটা তাদেরই জ্ঞা থেকে যাবে।

উত্তরদিকেই চলল ওরা। নিশি স্ত্রাকরার আমবাগানের ধারটাই টানছে যেন ওদের। একজন হনহন করে তাদের পার হয়ে গেল হেঁটে। যেতে গিয়ে লোকটা যেন চমকে গেল তাদের দিকে তাকিয়ে। হঠাৎ যেন থমকে গেল

এক মুহূর্ত। কুয়াশায় অস্পষ্ট দেখা গেল লোকটার উস্কো-খুস্কো চুল। বড় বড় উন্মাদ চোখ দুটিতে চকিতে যেন একটা ভয়ের ঝিলিকও চমকাতে দেখা গেল। এক মুহূর্তমাত্র। তারপরেই, আরও দ্রুত এগিয়ে যেতে লাগল।

কে? চেনা-চেনা লাগল যেন মুখটা? ব্রজেন না?

মনে হতেই ওদের তিনজোড়া চোখ, চোখাচোখি করল আর ওদের মনের মধ্যে সহসা কেমন চমকে উঠল! যেন কী একটা ঘটে গেল ওদের মধ্যে, আর সেই মুহূর্তেই তিনজনে ছুটে গেল ব্রজেনের দিকে। ছুটে গিয়ে ঝাপিয়ে পড়ল তিনজনেই। মুহূর্তমাত্র সময় না দিয়ে টুটি ধরে নিয়ে গেল সামনের সরু গলির মধ্যে।

কেন ঘিরে ধরল তিনজনে ব্রজেনকে, নিজেরাই জানে না। শুধু ব্রজেনের মুখে যেন ওরা কী দেখতে পেয়েছে। দেখতে পেয়ে চমকে উঠেছে। যদি কিছু জানে ব্রজেন, বলুক। ঘোচাক সন্দেহ।

ব্রজেন হাঁপাচ্ছে। এই শীতে ওর একটিমাত্র পাতলা জামার বোতাম খোলা। প্যাণ্টটা জুতো ছাড়িয়ে নেমে গিয়েছে, ধুলোয় লুটোচ্ছে, যেন খুলে পড়বে এখনি। সেটাকে ও ধরে আছে এক হাতে। সারা গায়ে ধুলো মাখা, যেন কোথায় গড়িয়ে এসেছে। ভয় নয়, চোখে ওর অস্থির উন্মাদ অস্বাভাবিক এক চাহনি।

বেস্থরো ভাঙা গলায় দ্রুত বলল, “কী, কী চাও তোমরা? বিজু, বিজুর খবর?” বিজু। বিজু। ওই নামটা ওরা কারও মুখ থেকে শুনতে চায় না। দাঁতে দাঁত চেপে ওরা তাকিয়ে রইল ব্রজেনের দিকে। যদিও চোখে ওদের বিশ্বাস চাপা থাকছে না। কেবল প্রভাতের হাতে ছুরিটা চকচক করছে। যেন সময় হলেই ঝাপিয়ে পড়বে সে।

আবার, একই গলায় আরও তীব্রভাবে বলল ব্রজেন, “বিজুর খবর চাও তোমরা? বিজুর?” বলতে বলতে ওর উন্মাদ চোখ দুটোতে হঠাৎ জল দেখা গেল। আর দু’হাত বাড়িয়ে ধরল প্রভাতের হাত। প্রায় ক্রুদ্ধ গর্জনের স্বরে বলল, “তবে মার, মার, আমাকে মার।”

ওরা তিনজনেই যেন দারুণ বিশ্বাসে একটা ভয়ংকর কিছুর কাছ থেকে সরে দাঁড়াল।

ব্রজেনের গলা ক্রমেই অতলে ডুবতে লাগল। তবু অস্থির গলায় বলল, ইঁ। আমি সে-ই। আমাকে তাড়াতাড়ি মার, মেরে ফেল। আমি, আমি সে-ই। আমি তাকে তিন মাস আগে সাত শ টাকা দিয়েছিলাম। সে আমার কাছে

এসে চেয়েছিল। নইলে তার বাপকে, তার মা-ভাইবোনকে বাড়িওয়ালা এক রাত্রে বাইরে বার করে দিত। দু'বছরের বাড়িভাড়া, আমি তাকে দিয়েছিলাম একটা সর্তে। যে-সর্তে আমি তার পেছনে ছায়ার মত ঘুরেছি। ছায়ার মত।”

ওরা তিনজনেই যেন গুঁত পেতে দাঁড়াল ব্রজেনকে টুকরো টুকরো করবার জগ। ব্রজেনের গলা সহসা আরও চড়ল। বলল, “মার প্রভাত, শঙ্কর, নরেশ মার আমাকে। আমি সেই, বিজু যাকে সবচেয়ে বেশী ঘেন্না করত, যার কাছে শুয়ে তাকে মরার যন্ত্রণা পেতে হয়েছিল। যার ঠোঁটে, মুখে সে থুথু দিয়েছিল, অভিশাপ দিয়েছিল। তবু তার নিজেই বিলিয়ে দিতে হয়েছিল; আমি সেই, যে তাকে তবু লোভের মত ছিঁড়ে খেয়েছে, অনেকদিনের লালসায়। আমি সেই, যে তাকে শেষবারের মত মেরেছে। মার, মার আমাকে।”

কিন্তু খুনের নেশা কোথায় গিয়েছে তিনজনের। একটা অবিশ্বাস্য ভয়ংকর কাহিনী শুনে তিনজনেই যেন চলচ্ছক্তিবিহীন, বিহ্বল হয়ে গিয়েছে। শুধু একটা উদ্গাদ জঙ্ক, তাদের কাছে হাঁটু গেড়ে বসে মৃত্যু ভিক্ষা করছে।

মৃত্যু ভিক্ষার আর্তনাদ ওরা শুনছে, কিন্তু এখনও যেন সেই বিজুই ওদের হাত ধরে রেখেছে, যে তাদের সব পঙ্কিলতা আর পাঁশ থেকে ফিরিয়ে এনেছে। মনে হল, ব্রজেনকে খুন করার নিষ্ঠুরতাকে বিজুই যেন দুহাত দিয়ে আগলে ধরে রেখেছে। ওরা দেখল, সেই পাঁশ-আস্তীর্ণ ত্রিভুজের ভিটেটায় এখনও ফুলটা ফুটে আছে, অম্লান।

সহসা ব্রজেনের গলার স্বর মোটা আর স্পষ্ট শোনাল। বলল, “মারতে পারলে না তোমরা। আমি কাল রাত্রি আটটা থেকে চব্বিশ ঘণ্টা বাঁচবার আশ্রয় চেষ্টা করেছি। ঘুরেছি, সে বেঁচে থাকলে আজীবন তার পিছে পিছেই ঘুরতাম।”

আবার ওর চোখে সেই উদ্গাদ ভাব, পুরোপুরি ফিরে এল। প্যান্ট হেঁচড়ে হেঁচড়ে টপতে টলতে চলে গেল। গেল সামনের রুপসি জঙ্গলের দিকে।

ওরা তিনজন তখনও তেমনি দাঁড়িয়ে। তখনও ওদের নড়বার ক্ষমতা ছিল না। হয়ত ব্রজেন রেল-লাইনে মরতেই গেল। যাক। ওরা ফেরাতে যাবে না। কারণ, ওদের বুকের মধ্যে তখনও ফেটে পড়ার একটা ভয়ংকর যন্ত্রণা টনটন করছে। তিনটি বুক বিজুই তখন ফিস্‌ফিস্‌ করে যেন বলছে, কেন, কেন বিজু মরেছে ?

শোভাবাজারের শাইলক

শোভাবাজারের শাইলক, এই নামেই তাকে সবাই চিনত। চিনত নয়, এখনো তাই চেনে। আর যতদিন বেঁচে থাকবে ততদিনই চিনবে।

কারণ, এই নামটাই তার আসল পরিচয়। তার চরিত্রের ভিতর এবং বাইরের, সবটুকু মিলিয়েই, এই সার্থক নামটা লোকে তাকে দিয়েছে। লোকেরা তাদের অভিজ্ঞতা থেকেই দিয়েছে।

কারণ তারা দেখেছে, সেকস্পিয়রের নাটকের চরিত্র ইহুদী শাইলক, যেমন তার খাতকের দেহের মাংস দাবী করেছিল পাওনা টাকার জন্ত, আমাদের শোভাবাজারের শাইলকের চরিত্রে সেই নিষ্ঠুরতাই বর্তমান। যদিও পাওনা টাকার জন্তে সে খাতকের মাংস আর দাবী করতে পারে না, কেন না, যুগটা বদলে গিয়েছে। তবু এটা ঠিক যে, পাওনা টাকার বদলে টাকা না পেলে মাংসতেও খসে নারাজ নয়।

শোভাবাজারে অবশ্য একে আপনারা বড় একটা দেখতে পাবেন না। সেখানে কোন একটি কানাগলির হুড়ংগের মধ্যে মাস্কাতা আমলের মস্তবড় রান্সুসে বাড়িতে সে রাত্রিবাস করে শুধু। যে বাড়িটার ঘরগুলি এখন অজস্র অঙ্ক-গহ্বর বলে মনে হয়, আর সব তছনছ করা উচ্ছৃঙ্খলতার মত যার গায়ে বট অশ্বখেরা মাথা তুলেছে, একই পায়রা বা বংশ পরম্পরা যার খিলানেকোটরে জন্ম-মৃত্যুর লীলা-খেলা করে।

কিন্তু যে-হেতু সে শোভাবাজারের বাসিন্দা, সেই হেতু তাকে শোভা বাজারের শাইলক বলা হয়। যদিও সে শোভাবাজারের আদি বাসিন্দা নয় এবং তার আদি যে কোথায়, সেটা ১৭৩ সঠিক কোন সংবাদ কেউ জানে না। তবু শোভাবাজারের সবাই তাকে চেনে। আর চেনেও অনেকদিন থেকেই; যখন সে বাঁক কাঁধে করে গঙ্গার জল সরবরাহ করত বাড়িতে বাড়িতে।

তখন এ অঞ্চলের প্রায় সব বিধবা এবং বুড়ী সধবা গিন্নীরাই তাকে চিনতেন। বিশেষ, যারা ঠাকুরঘরের বাইরের জগতকে চিনতেন না। আর যে টুকু চিনতেন সেটুকু গঙ্গাজলের ছিটে দেওয়া চৌহদ্দিটাকেই চিনতেন।

তখন তাঁদের মুখে একটি কথা শোনা যেত প্রায়ই, এই মুখপোড়া ঘটে ছি-চরণের পাকগুলো ধুয়ে বাড়ি ঢুকতে তোর কি হয় রে, অ্যা ?

এই ঘটে থেকে তার একটা পুরো নাম আবিষ্কার করা যদিও খুবই মুশকিল, তবু আমার মনে হয়, তার নাম ঘটোংকচ হওয়াই স্বাভাবিক। কারণ, এখন যেখানে সে চাকরি করে সেখানে, অবিশ্বাস্য হলেও তার নাম লেখা আছে, রাবণ হালদার। এই নাম এবং পদবী, দু'টি জিনিসই অবশ্য খুব গোলমালে। এই জন্তেই গোলমালে যে, সে নিজেকে পোদ্ জাতের লোক ব'লে পরিচয় দেয়, যাদের আর যাই হোক, বারেন্দ্র ব্রাহ্মণদের হালদার পদবীটা হওয়া অস্বাভাবিক। আর নাম ? সে বিষয়ে সবাইকে এই ভেবেই নীরব থাকতে হয় যে, পৃথিবীতে কত বিচিত্র নাম-ই না আছে !

কিন্তু বেছে বেছে, আমাদের শোভাবাজারের শাইলকেরই কি এই নামটা রাখা হয়েছিল ? কী বিচিত্র !

চাকরির কথাটা বলে নেওয়া দরকার। কেন না, প্রশ্ন উঠতে পারে, সন্দেহের আবার চাকরি কিসের ? চাকরি একটা সে করে, সেটা তাকে তার আসল ব্যবসায়ে অনেক এগিয়ে দিয়েছে।

কাছাকাছি একটি হাই-স্কুলের সে বেয়ারা। গঙ্গাজলের পুণ্য-ব্যবসা করতে করতেই এই চাকরিটা সে কোম এক কালে পেয়েছিল। সেটা এখন কোম এক কালেই পৌছেছে এই জন্ত যে, পঁচিশ বছরের ওপর সে এই স্কুলে আছে। ইতিমধ্যে তিনবার প্রধান শিক্ষক বদল হয়েছে। অনেক নতুন শিক্ষক এসেছেন, পুরনো শিক্ষক গেছেন। মারাও কিছু কম যায়নি।

তার আগে সে গঙ্গাজল দিত বাড়ি বাড়ি। আর সেই গঙ্গাজলের পুণ্য-ব্যবসার সময়েই সে প্রথম একজনকে ধার দেয়।

সেটাও খুব অদ্ভুত ব্যাপার, অন্তত শাইলক-জীবনের প্রথম অস্বুন্দোদ্যমের কাহিনীটা জানা যায়।

সে যে বাড়িটায় তখনো ছিল, এখনো আছে, সেখানে অনেকেই তার মত। নানান ফিকিরেই তাদের পেট চলত।

শাইলকের, হ্যাঁ শাইলক বলাই ভাল ; শাইলকের হাতে সেদিন একটি মাত্র টাকা আছে, সেটা ভাঙিয়ে তাকে খেতে হবে।

ওই বাড়ীর পরিচিত একজন তার কাছে একটা টাকা ধার চেয়েছিল। কিন্তু টাকা মাত্র একটি। দেওয়া যায় না। তা' ছাড়া টাকা দেবার কোন ইচ্ছাই তার ছিল না।

লোকটা তবুও বিরক্ত করছিল, কারণ, তার একটু নেশা ভাং-এর ব্যাপার ছিল। লোকটা প্রায় পায়ে পড়ে বলেছিল, চার পয়সাটা বেশী হয়, কিন্তু রাত পোহালেই টাকার সঙ্গে পুরো দু'টি পয়সা হুদ দেবে।

কথাটা তার মনে ধরেছিল এবং মনে মনে ভয় থাকলেও টাকাটা দিয়েছিল সে তাকে। যদিও রাতে সে তার জুতা উপোস করেছিল, তবু দেখতে চেয়েছিল, পুরো টাকাটার সঙ্গে তার আরো দুটি পয়সা আসে কি না।

এসেছিল। পুরো এক ইঞ্চি ডায়মেন্টারের রাজা-মার্কী তারার নতুন দু'টি পয়সাই পেয়েছিল সে। সেই দিনটা এবং পয়সা দুটি যে কত বড় ঐতিহাসিক ব্যাপার, সেদিন সেটা বোঝা যায়নি। কেউ জানেও না।

শাইলকের বাড়ি কোথায়, আছে কে কে, বিয়ে-খা হয়েছিল কি না, ছেলেমেয়ে আছে কি না, এসব প্রশ্ন শাইলকের জীবনে মৌন সমুদ্রের মতই নীরব। সেখানে কোনদিন বুড়বুড়ি কাটার মতো একটি দুর্বোধ্য শব্দও শোনা যায়নি।

তার এখনকার পরিচিতদের ধারণা, লোকটা আবহমান কাল ধরেই এক রকম দেখতে। রোগা নয়, পেটা-পেটা গড়নের একটি শক্ত কালো মানুষ, বয়সের যার গাছপাথর নেই। বয়স পঞ্চাশ হতে পারে, পঁয়ষাট হওয়াও কিছুমাত্র বিচিত্র নয়! টাক নেই, ধূসর বর্ণের ছোটছোট খোঁচা খোঁচা চুল, যার কখনোই যেন বাড় নেই, পরিবর্তন নেই। মোটা ক্ষীত নাক, ছোট চোখের ওপরে মোটা লোমশ জ্র-জোড়া ছমড়ি খেয়ে পড়েছে যেন। সেই একই মার্কিন কাপড়ের হাফস্ট আর আট হাত মিলের ধুতি কোঁচা দিয়ে পরা। পায়ে সে কোনদিনই জুতো দেয়নি। নেশার মধ্যে শুধু চা।

স্কুলের অধিকাংশ মাস্টারমশাই তাকে খাতির করেন। মনে মনে রাগ এবং ঘৃণা থাকলেও ভয়ও করেন। কারণ, তাঁদের মাসের শেষ থেকে নয়, গোড়া থেকেই ধার দেবার লোক এই শাইলক। তাঁদেরই বেয়ারা।

কবে থেকে তার শাইলক নাম হয়েছে, সেটাও এখন অতীত কালের ঘটনা। সবাই তাকে ওই নামেই ডাকে। সে কিছু মনে করে না।

কেবল হেড-মাস্টারমশাই তাকে রাবণ বলে ডাকেন। শাইলকের নিজেরও ওই নামটা মনে থাকে না, তাই জবাব দিতে ভুল হয়ে যায় মাঝে মাঝে। হেড-মাস্টার রাবণ বলেন 'এই জন্তে যে, অন্তত শাইলক তাহলে তাকে খাতির করবে। আর বোধহয় সেই জন্তেই শত প্রয়োজনেও তিনি কখনো শাইলকের কাছে ধার করেন না।

শাইলক মাস্টারমশাইদের সব সময়েই প্রায় ধমকে কথা বলে। সে অধিকার তার আছে এবং তার ধমকটা সবাই মেনেও নিয়েছেন।

যেমন, বাংলার মাস্টার হরেনবাবু, হয় তো ক্লাসে না গিয়ে তখনো বিড়িতে স্থ টান দিচ্ছেন, ঘণ্টা বেজে গিয়েছে পাঁচ মিনিটের ওপর।

শাইলক ব'লে উঠল কই হরেনবাবু, বিড়ি তো অনেকক্ষণ ধরে খাচ্ছেন, এদিকে এইটের বাদরগুলি যে লঙ্কাকাণ্ড করছে। তাড়াতাড়ি যান।

হরেনবাবুর রাগ হবার কথা। হেড-মাস্টার কিছু বলছেন না। আর বেয়ারা এসে হুকুম করবে? কিন্তু হরেনবাবু রাগ করবেন কেমন ক'রে? আসল দুয়ের কথা, এ মাসের স্ত্রুটী পর্যন্ত দেওয়া হয়নি এখনো।

কিংবা, ইংরেজীর মাস্টার অনিলবাবুকে ডেকে শাইলক হয় তো বলল, ও অনিলবাবু শুমন, কৌচাটা মাটিতে লুটোচ্ছে মশাই। ওই করেই ওই কাপড় ছেঁড়েন, আর মাসে মাসে ধার ক'রে তাই কাপড় কিনতে হয়।

অনিলবাবুর মনের অবস্থা বর্ণনা নিম্নয়োজন।

কিন্তু তিনি শাইলকের একজন খাতক।

এসব তো খুবই ভাল কথা। এর চেয়ে অনেক খারাপ খারাপ কথাও সে বলে। অঙ্কের মাস্টারমশাই রামকৃষ্ণবাবুকে তো বীতিমত অঙ্কই শিক্ষা দিয়ে দেয় সে অনেক সময়। বলে, দেনার হিসেবে এত ভুল করেন, রামকেষ্টবাবু, ছাত্রদের আপনি যা পড়াবেন তা আমার জানা আছে। যাক, ভুল করুন আর যা-ই করুন, আমার দু'টাকা তের আনা এক পয়সা স্ত্রুটী দিয়ে তারপরে যা খুশি তাই করুন গে।

প্রায় অধিকাংশ মাস্টারের ওপরেই তার খবরদারি চলে, হেড-মাস্টারকে ছাড়া। তিনি শাইলকের কাছে ঋণ করেন না।

তবু মাস্টারমশাইদের ওপর খবরদারি করে করে, সকলের সঙ্গে সমান সমান কথা ব'লে, এমন একটা পর্যায়ে এসে পড়েছে যে, মনে হয় স্থলে ওর ওপর কেউ নেই। আর যা খুশি তাই করতে আর বলতে পারেও!

এই তো গত মাসে স্থলের ইনস্পেক্টর এলেন। শাইলক তো অনেক মাস্টার মশাইকেই সেদিন ধমকালে। তারপর ইনস্পেক্টর যখন এলেন, শাইলক আগে বেড়ে পরিচয় করিয়ে দিল। এই যে, ইনিই আমাদের হেড-মাস্টারমশাই। ইনস্পেক্টর নমস্কার করলে, হেড-মাস্টারও। কিন্তু রাগে হেড-মাস্টার মশাই-এর গা জ্বলতে লাগল। তখন কিছু বলতেও পারলেন না।

শুধু তাই নয়, শাইলক সব মাস্টারের পরিচয় করিয়ে দিলে। ইনি অঙ্কের মাস্টারমশাই রামকৃষ্ণবাবু, ইনি বাংলা...ইত্যাদি।

সবশেষে, এই কুদর্শন, উঁচু করে কাপড় পরা, হাফমার্ট গায়ে, খোঁচা খোঁচা চুল শাইলককে ইনস্পেক্টর জিঞ্জেস করলেন, আপনার পরিচয়টা তো দিলেন না ?

শাইলক খুব গম্ভীর ভাবেই জবাব দিলে, আমি এ স্কুলের বেয়ারা।

ইনস্পেক্টর অবাক হ'য়ে তাকালেন হেড-মাস্টারের দিকে। হেড-মাস্টারের মুখ তখন লাল। খালি বললেন, রাবণ, তুমি বাইরে গিয়ে বসো।

শাইলক বাইরে গিয়ে বসল।

ইনস্পেক্টর চলে যাবার পর হেড-মাস্টার তো প্রায় মারতেই যান শাইলককে, গেট আউট, এখুনি বেরিয়ে যাও স্কুল থেকে।

অপরাধটা যে গুরুতর হয়েছে, সেটা বুঝতে পেরে, নরম করে জবাব দিলে শাইলক, আলাপ করিয়ে দিলে যে অপরাধ হয়, তা' জানতুম না। ঠিক আছে, আর এ রকম হবে না কোন দিন।

এমন কিছু হাতে পায়ে ধরে বলেনি শাইলক, কিন্তু ওইটুকু বলাই তার পক্ষে যথেষ্ট।

শুধু সেইদিনটিই কোন মাস্টারমশাইকে আর সারাদিন সে ধমকায়নি।

কিন্তু এ জায়গাটা শাইলকের আসল ব্যবসার স্থান নয়। সেটা অগ্রত্ন এবং সেখানেই তাকে সবচেয়ে ভাল ক'রে চেনে সবাই। আর সেখানে কেউ মাস্টারমশায়ও নয়। সকলেই নীচু শ্রেণীর লোক।

তাই, স্কুলের শেষঘণ্টা বাজিয়ে, দারোয়ানের ওপর সব ভার দিয়ে সে গিয়ে বসে খালধারের সেই চায়ের দোকানটায়।

সেখানে তার একটি নির্দিষ্ট আসন আছে। চায়ের গেলাস নিয়ে সেখানে ব'সে, তার মোটা ভ্রুর তলায় প্রায় ঢাকা ছোট ছোট চোখে তাকিয়ে থাকে পশ্চিমাকাশের দিকে।

জায়গাটা সে ইচ্ছে করেই ওখানে বেছে নিয়েছে। কারণ পশ্চিমদিকটা অনেকখানি খোলা, আর গঙ্গাকে দেখা যায়। গঙ্গার ওপার পর্যন্ত। সেখানে বসে বসে সে সূর্যাস্ত দেখে।

না, কোন বিশ্বহস্তের অনির্বচনীয়তাকে প্রত্যক্ষ করার জন্ম এই সূর্যাস্ত দেখা নয়। তার খাতকের দলেরা দেনা মেটাতে আসবে এবং সূর্যাস্ত হলেই হুদ এক পয়সা করে বেড়ে যাবে।

তার এই আসল খাতকেরা সকলেই বাজারের ফড়ে। আশে পাশে অনেকগুলি বাজারের ফড়েই তার দেনাদার। যারা টাকা পিছু প্রতিদিন এক পয়সা ক'রে হুদ দেয়।

সন্ধ্যাবেলা টাকা নেবে, পরদিন সূর্যাস্তের আগেই হুদসহ টাকা শোধ না হ'লেই আবার হুদ। ঘড়ি ধ'রে এখানে কারবার চলে না। গদ্যার ওপারে, গাছের আড়ালে সূর্য হারিয়ে যাওয়া মানেই দিন শেষ। অতএব এক টাকার শোধ আর, এক টাকা এক পয়সা নয়—তু' পয়সা।

ফড়েরা অধিকাংশই রাত্রে পাড়াগাঁয়ের দিকে, দূর গ্রামের হাটে তরিতরকারি কিনতে যায় পাইকারি দরে। তখনই তাদের টাকার প্রয়োজন হয়। পরদিন বাজারের বিক্রি-বাটা শেষে লাভ লোকমানের বরাত দেখে তারা।

যারা শাইলকের কাছে ঋণী, তারাও বেলা চারটে থেকেই আকাশের দিকে তাকাতে থাকে। একবার সূর্য পাটে গেলেই হয়, দশ টাকার হুদ পাঁচ আনা দিতে হবে।

অবশ্য এর মধ্যে কতকগুলি ফাঁক আছে। যথা, খাতকের ভিড় হয়েছে, সকলের সঙ্গে হিসেব মিটমাট করতে করতেই সূর্যাস্ত হয়ে গেল। যারা তখনো বাকী, তাদের বাড়তি হুদ দিতে হবে না, কারণ তারা সূর্যাস্তের আগেই এসেছে। এসেছে কি না সেটা অবশ্য লক্ষ্য রাখে সে।

বেলা ছুঁটোর আগে ব্যাংকে চেক জমা দেবার মত। এটা শাইলক ওখান থেকে শিখেছে। এইসব খাতকদের মধ্যে মেয়ে-পুরুষ সবরকমই আছে। আর শাইলকের ব্যবহার সকলের সঙ্গেই সমান।

তাই সে বেলা চারটার সময় এসে, খালধারের চায়ের দোকানে বসে। কোলের ওপরে থাকে তার সেই ময়লা মোটা খাতা, আর স্নতো দিয়ে বাঁধা পেন্সিল। যে পেন্সিলের শিস্টা তার লেখার চেয়ে, জিভে ঠেকিয়ে ঠেকিয়েই বেশী ক্ষয়েছে।

খাতা খুলে প্রত্যেকের হিসেব দেখে খুঁটিয়ে খুঁটিয়ে। লেখাগুলি তার নিজেরই এবং সেগুলি সে নিজে ছাড়া কেউ পড়তে পারে না। হিসেবের পাশে নানারকম সাঙ্কেতিক চিহ্নগুলিও সে ছাড়া আর কেউ বুঝবে না।

প্রত্যেকটি পয়সা সে গুণে নেয়, থু থু দিয়ে খাতার পাতা উন্টে বকেয়া হুদের হিসেব দেখে নেয়। আর ঘন ঘন আকাশের দিকে তাকায়।

আকাশের দিকে চেয়ে চোখ ফিরিয়ে, খাতকের দিকে তীক্ষ্ণ অহুসধানী

দৃষ্টি মেলে ধরে। কে কে আসেনি এখনো? মনে থাকে ঠিক। অভ্যাসও হয়ে গেছে।

রেহাই ব'লে কোন কথা নেই। মাফ ব'লে শব্দটা নেই শাইলকের অভিধানে।

যদি কেউ বলে, দেখ শালিক খুড়ো—

সেটাও আবার একটা কথা। তাই এইসব খাতকেরা তাকে শালিক বলেই ডাকে। শাইলক কথাটার মানে তারা জানে না। কিন্তু শব্দটা শুনে শুনে, 'শাইলক' তাদের ধারণা ও উচ্চারণে 'শালিক' হয়ে গেছে।

তাতে শাইলক কিছু মনে করে না।

যদি কেউ বলে, শালিক খুড়ো আজকে যদি একটু মাফ ক'রে দাও, অবিশিষ্ট কালই দিয়ে দেব, তবে আজকের রাতটা ছেলেমেয়ে নিয়ে খেয়ে বাঁচি।

—তোমার খেয়ে বাঁচার জন্ত আমি টাকা দিইনে।

তা' বটে। সূর্যাস্তের পরমুহূর্তে এসে হাতে-পায়ে ধরেও ডবল স্নদ থেকে কেউ রেহাই পায় না। দৈবাৎ কারুর বাড়িতে যদি কেউ মারা যাবার জন্তও না আসতে পারে, তাকেও ছেড়ে দিতে দেখা যায়নি শাইলককে। মৃত খাতকের পয়সাও সে আদায় ক'রে ছাড়ে। অবশ্য মৃত্যুর পর প্রতিদিনের বাড়তি স্নদটা শাইলক আর ধরে না। একবার পাঁচী ফড়েনী দু'টি আস্ত ফুলকপি দিয়েছিল শাইলককে। পাঁচীর দেনাটা একটু বেশী ছিল। স্নদটাও বেশী। এবং আসতে রাত হয়েছিল। তাই বোধ হয় পাঁচীর ফুলকপির উপহার। ফুলকপি নিলেও স্নদের একটি আধলাও ছাড়েনি সে।

মৃত্যু শোক দুর্ঘটনা, কোন কিছুই এই শোভাবাজারের শাইলককে কোনদিন টলাতে পারেনি। সূর্যাস্ত দেখতে ভুল করেনি সে কোন কারণেই কোনদিন এবং সূর্যাস্তের পর হিসেবের কড়ি একটিও ছাড়েনি।

যারা তার খাতক, তাদের কোন উপায় নেই তার কাছে না এসে। কেন না প্রতিদিনের প্রয়োজন মেটাবার মত লোক পাওয়া বড় কঠিন। তা'ও আবার ভাল লোক। কিন্তু মনে-প্রাণে সবাই তাকে ঘৃণা করে। পয়সার প্রয়োজন থাকা সত্ত্বেও তার মৃত্যু কামনা করে সবাই। এবং সকলের দৃঢ় বিশ্বাস, লোকটা মরলে, শকুনে ছিঁড়ে খাবে তাকে। আর খুব সম্ভবত লোকটা গলায় রক্ত-উঠেই মরবে।

তার সেই মৃত-চেহারাটা ভাবতেও অনেকের ভাল লাগে বোধ হয়।

এ-হেন শোভাবাজারের শাইলক এক অদ্ভুত কাণ্ড ক'রে বসল।

হাতিবাগান বাজারের তবকারিউলী বিধবা স্বথদার বয়স বছর বিয়াল্লিশ হবে। দেখতে সে তেমন ভাল নয়, তবে এ বয়সেও তার দেহের বাঁধুনিটা ছিল ভালই। মুখখানি মোটামুটি যদিও, তবু একটা চটক ছিল। রাস্তা দিয়ে গেলে একবার তাকিয়ে দেখবে সবাই তাকে।

শাইলকের সে খাতক। যদি বা কোন দিন স্বথদা জ্র নাচিয়ে থাকে শাইলকের দিকে চেয়ে, একটু বেশী হেসে-টেসেও থাকে, তাতে কোন দিনই তার কিছু যায় আসেনি। এবং সে সব দেখেও একটি আধলাও মাফ করেনি।

স্বথদা একদিন তার ষোল বছরের মেয়েটিকে নিয়ে এসেছিল সঙ্গে। আর স্বথদা সেইদিন লক্ষ্য ক'রে দেখেছিল, 'শালিক' তার মেয়ে ময়নাকে বারে বারেই দেখছে।

ময়না বয়সে ষোলই বটে। কিন্তু একটু বড়সড়ো হয়ে পড়েছে। যে পাড়ায় তারা থাকে, সেটাও ভাল নয়। মেয়েটিকে নিয়ে নানান দুর্ভাবনা স্বথদার। শিস্ দেওয়া, গান গাওয়া তো অষ্টগ্রহর আছেই। মেয়েকে কাছে কাছে নিয়ে না ঘুরলে, এক মুহূর্ত সে স্থির থাকতে পারে না। এক মিনিট কারুর দিকে বেশী তাকিয়ে থাকলে, ময়নাকে চিমটি কেটে তার সম্বিত ফেরায় স্বথদা : ওদিকে কি দেখলিস্ ?

ময়না স্বথদার গলার কাঁটা। কিন্তু বিয়ে দেবার যোগ্যতা নেই স্বথদার।

কখাটা শাইলকেরও অজানা নেই।

কিন্তু, 'শালিকের' দৃষ্টি দেখে স্বথদার মনে বিচিত্র ইচ্ছা জেগেছে। শাইলককে জামাই করলে মন্দ হয় না। রূপকথার মতই যার টাকার আঙুল, তাকে বাঁধবার তবু একটা রাস্তা আছে তার। বয়স ? টাকার কাছে কিছু নয় ওটা। পুরুষের আবার বয়স !

একদিন সে বলেই বসল, মেয়েটাকে আর ঘরে রাখতে পাচ্ছি নে শালিক-দা।

শাইলক বললে, বে' দাও।

—টাকা ?

—কত টাকা ?

স্বথদার বুকের মধ্যে বুঝি কাঁপছিল। এ রকম জিজ্ঞেস করার মানে ? বিনা স্বদে তাকে ধার দেবে নাকি ?

স্বথদা বলল, তা, একটা বে' থা দিতে গেলে আজকালকার দিনে পাঁচশো তো লাগেই।

—হঁ।

কথার ফাঁকে একবার সূর্যাস্ত দেখে বলল শাইলক, মেয়ের বে' দিতে চাও? ওই ময়নার? ছেলে দেখেছ?

দেখা ছিল সত্যি। ভাল পাত্র, শিয়ালদহ বাজারে বেশ ভাল দরের দোকানদার। কিন্তু শাইলক যে তাকে ছলনা করছে না, তার প্রমাণ কি? সুখদা কি বোঝে না, ছেলে সে নিজেই হ'তে চায়। তবু একবার চাবুকে দেখতে আপত্তি কিসের?

বলল, দেখেছি।

—ভাল?

—খুব ভাল।

—হঁ। মেয়েটি তোমার ভাল সুখদা। দেখতেও ভাল। মেয়েটিকে আমার ভাল লেগেছে।

কেমন ভাল। সেইটাই জানতে চায় সুখদা। বলল, সে তোমার দেখবার চোখ শালিক-দা।

হঁ। মেয়েটি তোমার সুখী হোক, এটা আমি চাই সুখদা।

কাকুর সুখ চায় শাইলক?

শাইলক হঠাৎ বলল, টাকা তোমাকে দেব সুখদা।

—এত টাকা ধার, শুধু কেমন ক'রে শালিক-দা?

শাইলক পশ্চিমাকাশের দিকে তাকাল। জ্র'ছুটি তার উঠে গেছে, চোখ ছুটি শান্ত আর বড় দেখাচ্ছে। গম্ভীর গলায় বলল, ধার নয়। তোমার মেয়ের বে'র জন্তে দেব। পাঁচশো টাকাই দেব। ছেলেকে পাকা দেখে বে'র দিন ঠিক কর। এই জ্যৈষ্ঠতেই লাগাও।

সুখদা হাঁ ক'রে তাকিয়েছিল শাইলকের দিকে।

শাইলক বলল, তোমার আজকের টাকা আর সুদটা দাও।

সুখদা টাকা আর সুদ দিয়ে বলল, ময়নার বে'র কথাটা মিছিমিছি নয় তো শালিক-দা?

শাইলকের মুখটা ভীষণ দেখাল। ঝেঁজে উঠে বলল, মিছে কথা কোন দিন বলতে শুনেছ শালিককে?

সুখদা ব্যবস্থা করলে মেয়ের বিয়ের। দিন ঠিক হল।

পাঁচশো টাকা নিজের হাতে রেখে, শাইলক প্রতিদিন সুখদার দরকার অল্পস্বাধী টাকা দিতে লাগল।

কেউ সুখদাকে ভয় দেখাতে লাগল। কেউ কেউ খারাপ কথাও বলতে কসুর করল না। আর সেই কলঙ্কের হাত থেকে মা-মেয়ে, কেউই বাদ গেল না।

তবু, মেয়েমাহুষ পাওয়াটা এমন আর কি কঠিন ব্যাপার ছিল শাইলকের পক্ষে? কিন্তু পাঁচশো টাকা?

শাইলকের দিকে সবাই অবাক চোখে তাকাতে লাগল।

তারপরে এল সেই বিয়ের দিন। পাঁচশো'র সব টাকাই শাইলক দিয়ে দিলে সুখদাকে।

বিয়ে হল। নিমন্ত্রিতদের মধ্যে সুখদা তার চেনাশোনা অনেক ফড়েকেই নিমন্ত্রণ করেছে। আর তারা সকলেই শাইলকের খাতক।

বিশ্বাস্য ও সন্দেহের নানারকম জুজুটি চারদিকে। শাইলককে ঘিরেই। শুধু সুখদা আর ময়নার বিশ্বাসেরই সীমা ছিল না।

সকলের সঙ্গে বসে খেল শাইলক। তারপর একখানি শিল্পের শাড়ি বের ক'রে দিল ময়নাকে। বললে, নাও-মা।

সুখদা কেঁদেই ফেললে। ময়না নমস্কার করল।

যাবার আগে, সুখদাকে আড়ালে ডেকে শাইলক বলল, তিনদিন ধরে তোমার বকেয়া হুদ বাকী রয়েছে কিন্তু, সেই সাড়ে সাত টাকার, মনে আছে? অবাক হ'য়ে সুখদা বলল, ই্যা।

—দেবী করছ কেন? হুদ রোজ বাড়ছে। কাল দিয়ে দিও।

লোকটা কিছু ভোলে না; যে পাঁচশো টাকা দিয়ে সুখদার মেয়ের বিয়ে দিয়ে দেয়, সেইলোক সাড়ে সাতটাকার সাড়ে সাত আনা হুদের তাগাদা দিতে ভোলে না।

শাইলক বেরিয়ে যাবার পরেই, কয়েকজন ফড়েও বেরিয়ে গেল।

তারপর সুখদার বাড়ী থেকে বেশ খানিকটা দূরে, অন্ধকার খালের ধারে, একটি পুলের তলায়, হঠাৎ কারা যেন আক্রমণ করলো শাইলককে। প্রচণ্ড ভাবে মারল তারা লোকটাকে, আর শুধু এইটুকু শোনা গেল, শালা এতদিনে বুঝেছি, তুমি মাগীর পেছনে টাকা খাটাও, গরীবের টাকা মার।

পরদিন কথাটা রাষ্ট্র হ'য়ে গেল ঝড়ের বেগেই যে, শাইলককে নাকি কারা মেরেছে।

স্কুলের মাস্টারমশাইরা দেখলেন। শাইলকের ফোলা কাটা ক্ষত বিক্ষত মুখ। সে মরেনি। তাঁরা হাসলেন ঠোঁট টিপে।

সেদিন খালের ধারে চায়ের দোকানে তার খাতকের দলও বিশেষ নজরেই তাকিয়ে দেখল তার দিকে।

কিন্তু শাইলকের ব্যবহারে কোন তফাত দেখা গেল না। কেবল জনা পাঁচেক ফড়েকে সে বলল, ছাখ, সংসারে পাপ এখনো আছে। তোরা কখনও মুক্তি পাবিনে, আমরা মুক্তি নেই।

এছাড়া আর কিছু সে বলেনি।

তারপরে পাঁচ বছর কেটে গেল, সেই একই লোক রয়ে গেছে শাইলক। কোন পরিবর্তনই হয়নি তার।

শুধু স্বথদা এবং সকলের কাছেই, ময়নার বিয়ে দেওয়াটা শাইলকের জীবনের মৌনসমুদ্রে কয়েকটি ছর্বোধ্য বৃদবৃদের মতই রয়ে গেল। তবু এক বৃদবৃদ উঠেছিল।

অবাধ্য

রুহুর মা সেদিন রুহুকে ডেকে বললেন, দেখি, এদিকে এস তো রুহু।

রুহুর তখন স্কুলে যাওয়ার সময়। দুপাশের দুটি বিহুনি ঝাঁকিয়ে, ক্রকের বেন্টটা বাঁধতে বাঁধতে বলল, তাড়াতাড়ি বল মা, সময় হয়ে গেছে।

কিন্তু মা কিছুই বললেন না, শুধু একটু তাকিয়ে দেখে বললেন, আচ্ছা, ঘুরে এস স্কুল থেকে।

রুহুর মুখখানা লাল হয়ে উঠল। চোখের পাতা গেল নেমে। কোন রকমে যেন পালিয়ে গেল মায়ের কাছ থেকে। লজ্জা, বিস্ময় আর বিচিত্র একটু বিক্ষোভে মনে মনে বলল, মা যেন কী! এমন করে তাকান যেন কী একটা অগ্নায় বুঝি করে ফেলেছে রুহু! গায়ের মধ্যে এমন করে ওঠে।

কেন কী করেছে রুহু? মা আজকাল প্রায়ই এরকম করেন। এখানে যেয়ো না, ওখানে যেয়ো না, হেসো না অত জোরে। ও-রকম দাপাদাপি কোর না রুহু। কেন? না, মা কেবল বলবেন : কেন আবার। বড় হচ্ছে না এখন? কোথাও বেড়াতে গেলে বলবেন, রুহু, তুমি বেশী দূরে যেয়ো না। কাছাকাছি থেক। কেন? না, বড় হচ্ছে না তুমি?

বড় হচ্ছে, না, ছাই হচ্ছে রুহু। বড় বিরক্তি লাগে।

পর-মুহূর্তেই রুহুর মনটা আবার অন্তঃশ্রোতে বহে উজ্জানে। লজ্জা করে বলতে, ভীষণ লজ্জা করে, আর আশ্চর্য আনন্দ বোধ হয়, কোথায় যেন কেমন করে সে সত্যি বড় হয়ে যাচ্ছে। মা যেন ভগবান! ভগবানের মত সব দেখতে পান!

প্রায় পৌনে এক মাইল হাঁটতে হয় রুহুকে স্কুলে যাওয়ার জন্তে। মফঃস্বলের এ ছোট সহরে তাদের মোটর-বাস নেই স্কুলে যাবার। অনেক মেয়েই হেঁটে যায়। রুহুও যায়। স্কুলে পাঠিয়েও নাকি মায়ের বড় ভাবনা।

স্কুলের মাঠ পেরিয়ে, লাফাতে লাফাতে দৌতলার সিঁড়ি ভেঙে ক্লাস এইটের ঘরে ঢুকতে না ঢুকতে সব ভুলে গেল রুহু। তখনও ক্লাস বসে নি। মনিটর দীপালি কাজল-ধ্যাবড়ানো ছোট ছোট চোখে এক-একজনের দিকে তাকাচ্ছে আর নাম টুকছে। নামের পাশে পাশে লিখে রাখছে,

‘চৌচিয়ে হাসি’, ‘অলকার চুল ধরে টানা’, ‘দিদিমণির টেবিলের ওপর বসা’, ‘বাদামভাজার খোসা ছড়ানো’ ইত্যাদি।

রুহুর সে দিকে খেয়াল নেই। তিপুৰ সঙ্গে চোখাচোখি হতেই হুজ্জয় অভিমান ঝিলিক দিল তার চোখে। ঠোট ছুটিও ফুলে উঠল একটু।

তিপু অর্থাৎ তৃপ্তি ছুটে এসে রুহুর খুতনি তুলে ধরে বলল, রাগ করেছিস ভাই রুহু ?

না।

না আবার! রাগ না করলে বুঝি রুহু এমন করে!

তিপু বলল, আজ তোর জগ্গে দাঁড়া তুমি ঠিক। কিন্তু বাবার সঙ্গে এলুম রিকশায় চেপে, সত্যি। তা নইলে বুঝি দাঁড়াই নে?

রুহু চোখ তুলে তাকায়। মুখের অন্ধকার প্রায় কেটে আসে। সত্যি, বাবার সঙ্গে এলে তো কিছু বলার নেই।

তিপু আবার বলল, আর বাবাকে দাঁড়াতে বললে, বাবা যদি রাগ করত ?

তাও তো বটে। বাবারা যে সব সময় কাজ করেন। রুহুর ঠোটে হাসি ফুটে উঠল। বলল, একলা একলা আসতে এত খারাপ লাগে—

বলতে বলতেই রুহুর চোখে পড়ে যায় তিপুৰ বিহুনির ভাঁজে পুরানো ফিতের ফুঁপড়ি বেরিয়ে পড়েছে। বিহুনি ধরে টেনে বলল রুহু, এদিকে আয়, খারাপ দেখাচ্ছে।

বলে স্ক্রুশলে ফিতের ফুঁপড়ি ঢুকিয়ে দিল বিহুনির ভাঁজে। তার পর চোখাচোখি হতে হাসল দুজনে।

এ স্থলে নতুন এসেছে রুহু। এ বছরেই এসেছে। আগের স্থলটা নাকি বাজে, বাবা বলেছেন। আর এ স্থলে ভর্তি হয়ে অনেক মেয়ের সঙ্গে মিশতে মিশতে সবচেয়ে তার ভাব বেশী জমে গেছে তিপুৰ সঙ্গে।

প্রথম প্রথম তিপু দূর থেকে তাকিয়ে থাকত। তখনও ওদের আলাপ হয় নি। প্রথম যেদিন চোখে চোখ পড়ে গেল রুহুর, সেদিন ওর কী অস্বস্তি। আর লজ্জাও করছিল ভীষণ। প্রায় সব পিরিয়ডের দিদিমণিদের কাছেই ওকে বকুনি খেতে হয়েছে অন্তমনস্কতার জন্তে।

কিন্তু কী করবে রুহু! কেবলই মনে হচ্ছিল, তিপু ওর দিকে একদৃষ্টে তাকিয়ে আছে। কেন? কে মেয়েটা, বাবে বাবে অমন করে তাকানো! আর তো কেউ অমন করে তাকায় না। চোখে যেন পলক পড়ে না মেয়েটার। কী যেন রয়েছে তার চোখে, তার অপলক হৃদয় চোখ দেখে

রুহুর লজ্জা করছিল, অস্বস্তি হচ্ছিল, তার মধ্যে কোথায় একটু ভাল-লাগার ভাবটুকুও এসে গিয়েছিল। শুধু অচেনা হলে মানুষ ও-রকম করে তাকায় না। যেন কী হয়ে গেছে মেয়েটার রুহুকে দেখে। ঠোঁটের কোণে একটু হাসির আভাসও বুঝি উঠছিল চমকে চমকে।

সে-ই যে চোখ নামিয়েছিল রুহু, আর কিছুতেই তাকাতে পারে নি। কিন্তু তাকাবার জন্তে মনটা হাঁসফাঁস করছিল ভিতরে ভিতরে। আড়চোখে তাকাতে গিয়েও লক্ষ্য করেছে, ঠিক তাকিয়ে আছে সে।

পরদিনই আবার চোখাচোখি হয়ে গেল রাস্তায়। একই রাস্তা দিয়ে হেঁটে আসছিল দুটিতে। মা গো! ধক করে উঠেছিল রুহুর বুকের মধ্যে। পর-মুহূর্তেই লজ্জায় চোখের পাতা আনত হল রুহুর। লাল ছোপ ধরে গেল মুখে।

কত মেয়ের সঙ্গে কত সহজে আলাপ হয়ে যায়। পাঁচ-দশ মিনিটের মধ্যে আলাপ হয়ে কত কথাই না হয়ে যায়। আর এখানে কথা বলা দূরে থাকুক, সহজভাবে তাকাতেই পারে নি রুহু। মেয়েটাও কথা বলতে পারছিল না যেন কিছুতেই।

ক্লাসে গিয়েও সেই একই অবস্থা।

তিন দিন চলেছিল প্রায় একই রকম। কিন্তু রুহুর প্রাণ ভিতরে ভিতরে ব্যাকুল হয়ে উঠেছিল মেয়েটির জন্তে। তিপু নামটা শুনে নিয়েছিল ইতিমধ্যে। কিন্তু আড়চোখে কত আর তাকাবে রুহু তিপুর দিকে! কেন যে ভাব হয় না মেয়েটার সঙ্গে!

চার দিনের দিন, টিফিনে ক্লাসে কেউ ছিল না তখন। রুহু কোনদিনই বাড়ি যায় না টিফিনে। মাঠে মেয়েরা খেলা করছিল। রুহু মাঠে না গিয়ে, ক্লাসের জানালায় গিয়ে দাঁড়াল। তিপু খেলা করবে, রুহু দেখবে লুকিয়ে লুকিয়ে।

সবে দাঁড়িয়েছে জানালায়, পিঠে আঙুলের খোঁচা খেয়ে ফিরতেই, তিপু! কিন্তু লজ্জা পাবার সময় না দিয়েই বলে উঠল তোমার সঙ্গে ভাব করতে এলুম ভাই। উঃ কি মেয়ে ভাই তুমি। বড্ড গম্ভীর।

রুহুর লজ্জা-লজ্জা করছিল। তবু হেসে বলল, যাঃ।

তিপু বলল, ইস। নয়? তোমাকে দেখে আমার এত ভাল লাগছিল। যতবারই তোমার দিকে তাকাই, তুমি কেমন গম্ভীর হয়ে মুখ ফিরিয়ে নিতে। তোমার ভাই একটু অহঙ্কার আছে।

রুহু হেসে বলল, হ্যাঁ, তাই বুঝি! কিন্তু তুমি কিছু জান না, আমার কী ভীষণ লজ্জা করছিল, সত্যি।

‘চৈচিয়ে হাসি’, ‘অলকার চুল ধরে টানা’, ‘দিদিমণির টেবিলের ওপর বসা’, ‘বাদামভাজার খোসা ছড়ানো’ ইত্যাদি।

রুহুর সে দিকে খেয়াল নেই। তিপু সন্ধে চোখাচোখি হতেই হুজুয় অভিমান ঝিলিক দিল তার চোখে। ঠোট দুটিও ফুলে উঠল একটু।

তিপু অর্থাৎ তৃপ্তি ছুটে এসে রুহুর খুতনি তুলে ধরে বলল, রাগ করেছিস ভাই রুহু ?

না।

না আবার! রাগ না করলে বুঝি রুহু এমন করে!

তিপু বলল, আজ তোর জগ্গে দাঁড়া তুম ঠিক। কিন্তু বাবার সন্ধে এলুম রিকশায় চেপে, সত্যি। তা নইলে বুঝি দাঁড়াই নে?

রুহু চোখ তুলে তাকায়। মুখের অন্ধকার প্রায় কেটে আসে। সত্যি, বাবার সন্ধে এলে তো কিছু বলার নেই।

তিপু আবার বলল, আর বাবাকে দাঁড়াতে বললে, বাবা যদি রাগ করত?

তাও তো বটে। বাবারা যে সব সময় কাজ করেন। রুহুর ঠোটে হাসি ফুটে উঠল। বলল, একলা একলা আসতে এত খারাপ লাগে—

বলতে বলতেই রুহুর চোখে পড়ে যায় তিপুর বিহুনির ভাঁজে পুরানো ফিতের ফুঁপড়ি বেরিয়ে পড়েছে। বিহুনি ধরে টেনে বলল রুহু, এদিকে আয়, খারাপ দেখাচ্ছে।

বলে স্ক্রুশোলে ফিতের ফুঁপড়ি ঢুকিয়ে দিল বিহুনির ভাঁজে। তার পর চোখাচোখি হতে হাসল দুজনে।

এ স্কুলে নতুন এসেছে রুহু। এ বছরেই এসেছে। আগের স্কুলটো নাকি বাজে, বাবা বলেছেন। আর এ স্কুলে ভর্তি হয়ে অনেক মেয়ের সন্ধে মিশতে মিশতে সবচেয়ে তার ভাব বেশী জমে গেছে তিপু সন্ধে।

প্রথম প্রথম তিপু দূর থেকে তাকিয়ে থাকত। তখনও ওদের আলাপ হয় নি। প্রথম যেদিন চোখে চোখ পড়ে গেল রুহুর, সেদিন ওর কী অস্বস্তি। আর লজ্জাও করছিল ভীষণ। প্রায় সব পিরিয়ডের দিদিমণিদের কাছেই ওকে বহুনি খেতে হয়েছে অগ্রমনস্কতার জন্তে।

কিন্তু কী করবে রুহু! কেবলই মনে হচ্ছিল, তিপু ওর দিকে একদৃষ্টে তাকিয়ে আছে। কেন? কে মেয়েটা, বারে বারে অমন করে তাক্সাচ্ছে! আর তো কেউ অমন করে তাকায় না। চোখে যেন পলক পড়ে না মেয়েটার। কী যেন রয়েছে তার চোখে, তার অপলক হৃদয় চোখ দেখে

রুহুর লজ্জা করছিল, অস্বস্তি হচ্ছিল, তার মধ্যে কোথায় একটু ভাল-নাগার ভাবটুকুও এসে গিয়েছিল। শুধু অচেনা হলে মানুষ ও-রকম করে তাকায় না। যেন কী হয়ে গেছে মেয়েটার রুহুকে দেখে। ঠোঁটের কোণে একটু হাসির আভাসও বুঝি উঠছিল চমকে চমকে!

সে-ই যে চোখ নামিয়েছিল রুহু, আর কিছুতেই তাকাতে পারে নি। কিন্তু তাকাবার জন্তে মনটা হাঁসফাঁস করছিল ভিতরে ভিতরে। আড়চোখে তাকাতে গিয়েও লক্ষ্য করেছে, ঠিক তাকিয়ে আছে সে।

পরদিনই আবার চোখাচোখি হয়ে গেল রাস্তায়। একই রাস্তা দিয়ে হেঁটে আসছিল দুটিতে। মা গো! ধক করে উঠেছিল রুহুর বুকের মধ্যে। পর-মুহূর্তেই লজ্জায় চোখের পাতা আনত হল রুহুর। লাল ছোপ ধরে গেল মুখে।

কত মেয়ের সঙ্গে কত সহজে আলাপ হয়ে যায়। পাঁচ-দশ মিনিটের মধ্যে আলাপ হয়ে কত কথাই না হয়ে যায়। আর এখানে কথা বলা দূরে থাকুক, সহজভাবে তাকাতেই পারে নি রুহু। মেয়েটাও কথা বলতে পারছিল না যেন কিছুতেই।

ক্লাসে গিয়েও সেই একই অবস্থা।

তিন দিন চলেছিল প্রায় একই রকম। কিন্তু রুহুর প্রাণ ভিতরে ভিতরে ব্যাকুল হয়ে উঠেছিল মেয়েটির জন্তে। তিপু নামটা শুনে নিয়েছিল ইতিমধ্যে। কিন্তু আড়চোখে কত আর তাকাবে রুহু তিপুর দিকে! কেন যে ভাব হয় না মেয়েটার সঙ্গে!

চার দিনের দিন, টিফিনে ক্লাসে কেউ ছিল না তখন। রুহু কোনদিনই বাড়ি যায় না টিফিনে। মাঠে মেয়েরা খেলা করছিল। রুহু মাঠে না গিয়ে, ক্লাসের জানালায় গিয়ে দাঁড়াল। তিপু খেলা করবে, রুহু দেখবে লুকিয়ে লুকিয়ে।

সবে দাঁড়িয়েছে জানালায়, পিঠে আঙুলের খোঁচা খেয়ে ফিরতেই, তিপু! কিন্তু লজ্জা পাবার সময় না দিয়েই বলে উঠল তোমার সঙ্গে ভাব করতে এলুম ভাই। উঃ কি মেয়ে ভাই তুমি। বড্ড গম্ভীর।

রুহুর লজ্জা-লজ্জা করছিল। তবু হেসে বলল, যাঃ।

তিপু বলল, ইস। নয়? তোমাকে দেখে আমার এত ভাল লাগছিল। যতবারই তোমার দিকে তাকাই, তুমি কেমন গম্ভীর হয়ে মুখ ফিরিয়ে নিতে। তোমার ভাই একটু অহঙ্কার আছে।

রুহু হেসে বলল, ই্যা, তাই বুঝি! কিন্তু তুমি কিছু জান না, আমার কী ভীষণ লজ্জা করছিল, সত্যি।

সত্যি ?

হ্যাঁ।

আমারও। জান, এত লজ্জা করছিল, কিছুতেই ভাব করতে পারছিলুম না।

তবে আমি এসে ভাব না করলে তুমি কিছুতেই কথা বলতে না, না ?

রুহু বলল, মোটেই তা নয়। আমি ঠিক আজকে তোমার সঙ্গে ভাব করে ফেলতুম। আমার ভীষণ ইচ্ছে করছিল।

তার পরে সত্যি সত্যি ভাব হয়ে গেল। এত ভাব আর কারুর সঙ্গে হয় নি রুহুর।

মা যে আজকাল রুহুকে পায়ে পায়ে সাবধান করেন, বড় হচ্ছ বড় হচ্ছ বলেন, সেটুকুও তিপুকে না বললে তার চলে না।

এমন কি সেদিন যে এমন হঠাৎ ডেকে এক মুহূর্ত তাকিয়ে বলেছিলেন, আচ্ছা, স্থল থেকে ঘুরে এস। তারপর বিকেলে দরজি ডাকিয়ে নতুন জামার মাপ নিয়ে, তৈরি করিয়ে দিয়েছিলেন অল্প রকম বাঁপালো-ফাঁপালো লুঙ্গ ফ্রক, সেটুকুও বলে। সব বলে—সবটুকু, তার এই চোদ্দ বছর গহীনের সব কথা—সব অজানা সংশয়, তার রক্তের বিচিত্র বিষয়।

তিপুও বলে। কিন্তু তিপু ওর মায়ের কথা তেমন করে বলে না। বাবা নাকি ওর নেই। না-ই বা থাকলেন, তা বলে রুহুকে কী একদিন তিপু ওদের বাড়িতে যেতে বলতে পারে না! নিজেও যেতে বলবে না, আর রুহু এতবার তিপুকে তাদের বাড়ি নিয়ে যেতে চায়, তিপু যায় না। খালি বলে, আচ্ছা, আর একদিন যাব, সত্যি, মাইরি! কেন? এমন করে এড়িয়ে কেন যায় তিপু? কষ্ট হয় না বুঝি, রাগ হয় না, না?

একদিন শনিবারের ছুটির পরে দুজনে ওরা হেঁটে আসছিল। বড় রাস্তার কাছেই একটি রাস্তার বাঁকে রুহুদের বাড়ি। তিপুদের বাড়ি আরও ছাড়িয়ে—সেই বাজার পার হয়ে গঙ্গাধারের কাছাকাছি।

এই দিনে রুহু বলল রাস্তায় চলতে চলতে, তিপু, আজ আমাদের বাড়ি তোকে যেতেই হবে।

তিপু বলল প্রতিদিনের মত, আজ না ভাই রুহু, আর একদিন যাব।

আজ রুহুর মুখ ভার হয়ে উঠল। হাতে ধরে টানল তিপুর। হাসতে হাসতে হাত-টানটানি করল দুজনেই। তারপর রুহুর চোখে ঘেন মেঘ কুয়ে এল। হঠাৎ হাত ছেড়ে দিয়ে বলল, থাক তা হলে, আসিস নে।

রাগ করলি ভাই?

না।

তিপু হেসে রুম্মর হাত ধরে বলল, আহা, মেয়ে যেন একেবারে মনসা।
চল চল, যাচ্ছি। তোর মা রাগ করবেন না তো?

ভাগ। সবাই কত যায়। বীণা, কুম্ম—

তারপরেই ছুটি বড় বড় ছেলের দিকে চোখ পড়তেই রুম্ম বলে উঠল,
দেখছিস, লোক দুটো কী রকম করে তাকাচ্ছে!

তিপু বলল, তাকাকগে মুখপোড়াগুলো!

তিপুর এমন পাকা গালাগাল শুনে দুজনেই চাপা গলায় খিলখিল করে
হেসে উঠল। পর মুহূর্তেই বোধ হয় রুম্মর মনে পড়ে যায়, এ রকম হাসা
উচিত নয়। মা দেখলে খুব রাগ করতেন।

বাড়ি গিয়ে, তিপুকে নিয়ে একেবারে মার ঘরে চলে এল রুম্ম : দেখ মা,
কাকে নিয়ে এসেছি আজ।

মা তখন খাটে শুয়ে উপশ্রাস পড়ছিলেন। ভেজা চুল ছড়ানো, পান
খেয়েছেন ঠোঁট লাল করে। মায়ের এই রূপটি তিপুকে দেখাতে পেরেও রুম্ম
খুব খুশি মনে মনে। এ সময় মাকে তার এত স্বন্দর লাগে, ঠিক যেন একটি
মহারাজী। স্বন্দর লাগে, আবার ভয়-ভয়ও করে।

মা বই থেকে চোখ তুলে বললেন, কে?

রুম্ম বলল, তিপু গো, সেই যার কথা তোমাকে অনেকবার বলেছি।

কিন্তু মা তো কই হেসে, ভালবেসে ডেকে উঠলেন না এখনও তিপুকে!
বরং মায়ের জু ছুটি কেমন যেন মেঘভার আকাশের বিছাতির মত ঢেউ খেলে
গেল। রাগ করেন নি, তবু যেন কেমন একটু উদাসীন ভাব। বললেন, ও,
তোমার নাম তিপু?

তিপু সলজ্জ হেসে বলল, হ্যাঁ।

মা বললেন, বাস, তোমাদের বাড়ি কোথায়? গন্ধার ধারে? অধর
পণ্ডিত লেনের কাছে?

তিপু বসে বলল, হ্যাঁ। আপনি চেনেন?

মা বললেন চিনি বইকি।

তার পরে আরও দু-চারটি কথা বলে মা যেন কেমন সহজেই গা এলিয়ে
দিলেন। অশ্রুমনস্কভাবে ডুব দিলেন বইয়ের পাতায়।

মার বুঝি ঘুম পেয়েছে? না কি বইটা পেয়ে বসেছে মাকে, এক-একটা
বই নিয়ে মা অনেক সময় নাওয়া-খাওয়া ভুলে যান। কিন্তু সেদিন ময়নার

সঙ্গে মা কতক্ষণ কথা বললেন। এমন কী ময়নার মা কি কি রান্না করেছেন, সেটুকুও জেনেছেন। আর আজ তিপুকে দেখে মার কেমন ঘেন গা-এলানো ভাব। তিপু হয়তো মাকে একটা বিচ্ছিরি কুঁড়ে গেলো মেয়েছেলে ভেবে গেল। মনে মনে বড় রাগ হল রুহুর মায়ের উপর।

কিন্তু তিপু কিছুই বলল না। সহজভাবেই হেসে, ঘুরে সারা বাড়িটা প্রায় দেখল রুহুদের। ছাদে দাঁড়িয়ে বড় রাস্তাটা দেখা যায়। বেলা বুঝি তখন দুটো বেজেছে। ভাতের মেঘলা-ভাঙা রোদ প্রায় কঁাকা রাস্তাটার উপর জ্বলুনি আছে। বড় জলুনি এই রোদে। শুধু একটি লোক হেঁটে যাচ্ছে খোঁড়াতে খোঁড়াতে, ছেঁড়া নেংটি পরে, খালি গায়ে। নিশ্চয় ভিথিরী।

দুই বাঙালী খানিকক্ষণ তাকিয়ে রইল লোকটির দিকে। তারপর যখন দুজনের চোখাচোখি হল, তখন তাদের দুজনের মনই এক বিশ্বয়কর বেদনায় ভরে গিয়েছে। এই প্রথম শরতে অনেকখানি-ছড়িয়ে-পড়া আকাশের তলায় হঠাৎ কেমন উদাস হয়ে যায় দুজনেই। রুহু বলল ফিসফিস করে, ভারি কষ্ট হয় দেখলে, না?

তিপু বলল, হ্যাঁ! জানিস, আমি যখন রাত্রে শুয়ে চোখ বুজব, তখন ঠিক লোকটা অমনি করে হেঁটে যাবে আমার চোখের ওপর দিয়ে। কেন এ রকম হয় ভাই?

রুহুও বলল অসহায়ভাবে: কি জানি। আমি স্বপ্ন দেখে ঠিক জেগে উঠব অনেক রাত্রে।

কেন যে এই অজানা ব্যথায় ভরে ওঠে মন, এই দুই সগী তা বোঝে না। শুধু কারুর কষ্ট দেখলেই, তাদের বুক ছাপাছাপি হয়ে যায়। একটুখানি আনন্দের সন্ধান পেলে হেসে হেসে মরে যায় তারা।

তারপরে তিপু বলল, এবার যাই।

রুহু বলল, আর একটু থাক্ ভাই। আয়, চল দুজনেই ভাত খেয়ে নি, গ্যা?

তিপু বলল, ভাগ, না ভাই, আজ নয়, আর একদিন হবে।

তিপু চলে গেল। তার পরে মার উপরে অভিমানটা আবার ফিরে এল রুহুর মনে। মার কাছে আর গেল না। রান্নাঘরে গেল খেতে। সেখানে তার ভাত ঢাকা দেওয়া আছে।

কিন্তু তার আগেই রুহুর পায়ের শব্দ পেয়ে মা ডাকলেন।

রুহু মুখখানি ভার-ভার করে গেল মায়ের কাছে । কিন্তু মা ওসব চেয়েও দেখলেন না । তিনি ততক্ষণে উঠে বসেছেন । জিজ্ঞেস করলেন, চলে গেছে তোমার বন্ধু ?

হ্যাঁ ।

শোন ।

কেন ?—মার গলা যেন কেমন শাণিত হয়ে উঠছে । চাউনিটি যেন রাগ-রাগ ভাবে ।

রুহু অভিমানে ডুবে গেল । বলল, কী বলছ মা ?

মা বললেন, 'ও-ই যে তোমার তিপু, তা জানতুন না ।' ওকে আর কোনদিন বাড়িতে এনো না, ওর সঙ্গে মেশামিশিও কোর না একদম ।

রুহুর দুটি বড় বড় চোখ বিষ্ময়ে ও অজানা ভয়ে পলকহারা হয়ে গেল । জিজ্ঞেস করল, কেন মা ?

মার জু দুটি কুঁচকে উঠল । কী ভয় করছে এখন মাকে দেখে ! মা অল্পদিকে মুখ ফিরিয়ে বললেন, সব কথা তোমাকে বলতে পারব না, জেনে রাখ, ওরা ভাল নয় । ওদের সঙ্গে কোন ভদ্রলোকের ছেলেমেয়ের মেলামেশা একদম উচিত নয় ।

কী একটা বিশেষ ভয়াল ইঙ্গিত আছে যেন মার কথায় ! তাই মা অমন এলাকাড়ি দিয়েছিলেন তিপুকে দেখে । কিন্তু তিপু ! তিপুর তো কোনদিন কিছু খারাপ দেখে নি রুহু । ক্লাসের মায়া নাকি কাকে কী সব চিঠিপত্র লেখে ! শোভা কত রকমের বাজে কথা বলে । তিপু তো সে রকম কথা কোনদিন বলে নি !

রুহু বলল খুব ভয়ে ভয়ে, জান মা, তিপু কিন্তু ক্লাসের পড়া খুব ভাল দেয় । ইংরিজিতে—

শোন রুহু ।—মার গলা রুহুর বুকে যেন কেটে কেটে বসে । বললেন, তিপু লেখাপড়ায় কত ভালমন্দ, আমি ওসব শুনতে চাই নে । তিপুর কী দোষ আছে, গুণ আছে তাও আমি জানি নে । কিন্তু তিপুর সঙ্গে তোমার মেশা দূরের কথা, কথা বলাও উচিত নয় । কী করে ও-মেয়েকে স্কুলের দিদিমণির পড়তে দিচ্ছে বুঝি নে । খালি জেনে রাখ, ওর মা ভীষণ খারাপ, ভীষণ ! যায় চেয়ে আর কিছু হয় না, বুঝেছ ?—বলে রুহুর চোখের দিকে তাকালেন মা । কী একটা বিস্মী ইঙ্গিত ছিল মায়ের কথায়, রুহুর মুখ লাল হয়ে উঠল । আর তিপুর মার কথা ভাবতে গিয়ে শহরের এক

শ্রেণীর মেয়ের চেহারা ভেসে উঠল তার চোখের সামনে। মার কথা থেকে সেই সব মেয়ের মূর্তিই ভেসে ওঠে।

কিন্তু তিপু'র সঙ্গে তো কোন মিল খুঁজে পাওয়া যায় না। তিপুকে রুহু তার চেয়ে সব বিষয়ে অনেক সুন্দর দেখে।

বোধ হয় রুহু'র মুখে কিছু সংশয়ের ছায়া দেখে দৃঢ় গলায় মা বললেন, মোট কথা, তুমি এখন বড় হচ্ছে। তিপু'র সঙ্গে একেবারে মিশবে না, কথাও বলবে না। যাও খেয়ে নাও গে। এখুনি তোমার গানের মাষ্টার মশাই এসে পড়বেন আবার।

চলে গেল রুহু। কিন্তু তিপু'র কোন দোষের কথা তো মা বললেন না। তিপু'র তো কোন দোষ নেই। কথা বলবে না সে তিপু'র সঙ্গে। তবে কী বলবে সে তিপুকে! তিপু যখন হাসবে তার দিকে তাকিয়ে; ডাকবে—এই রুহু, শোন, তখন কী করবে রুহু, সে কথা কেন মা বলে দেবেন না! এমনি মিছিমিছি একজনের সঙ্গে কখনও আড়ি করা যায়! তিপু যদি সেই আগের মত একদৃষ্টে তাকিয়ে থাকে, তখন কী হবে রুহু'র?

খেতে বসে বুক'র মধ্যে টনটন করতে লাগল রুহু'র। মরে গেলেও তো সে তিপুকে তার মায়ের বিষয় জিজ্ঞাসা করতে পারবে না। গান করতে বসে 'জগরণে যায় বিভাবরী'-র স্বরলিপি তুলতে গিয়েও তার মনে হল, আচ্ছা, কেন এত প্যাচালো এই পৃথিবীটা! কার সঙ্গে এখন এ বিষয় নিয়ে রুহু আলোচনা করবে! তার আলোচনা করা দরকার, জানা দরকার, বোঝা দরকার।

রাত্রে সে যে বাইরের উঠানের অন্ধকারে বসে ছিল, মা বোধ হয় তা জানতেন না। শুনতে পেল, মা বাবাকে বলছেন, তবে আর তোমাকে বলছি কী। দেখি রুহু'র সঙ্গে একেবারে আমার ঘরে এসে হাজির। আমি তো একেবারে শিউরে উঠেছি দেখে। এ কী, মঙ্গলার মেয়ে এ বাড়িতে কেন? সে যে আবার স্থলে পড়ে, তা কে জানত!

বাবার গলা শোনা গেল, দিনকাল তো বদলে যাচ্ছে।

মা বললেন, তা বলে একটা প্রস্টিটিউটের মেয়েকে স্থলে রাখবে? অগ্নাগ্ন মেয়েরা খারাপ হয়ে যাবে না?

বাবা বললেন, শুনেছিলুম মঙ্গলা ওর মেয়েকে কোন এক আলাদা বাড়িতে রেখে দিয়েছে।

যতই রাখুক আলাদা, তবু সে যা তাই।

প্রস্টিটিউট শব্দটার আভিধানিক মানে জানে না রুহ। ভাবগত অর্থটা জানে। ঠিক যে সব মেয়েদের কথা ভেবেছিল সে, তবে তা-ই তিপু'র মা! তিপু'র মত মেয়ের মা এই রকম কেন হয়? তিপু তো তার চেয়ে মোটেই খারাপ নয়। ও, তাই বুঝি তিপু কোনদিন রুহকে তাদের বাড়ি যেতে বলত না!

কিন্তু তিপুকে কী বলবে রুহ! মা-বাবার কাছে যেটা সমস্তা, রুহ'র কাছে সেটা কোন সমস্তাই নয়। ওঁদের কাছে তিপু শুধু খারাপ মেয়ে-মালুষের মেয়ে। রুহ'র যে বন্ধু।

কিন্তু রুহ মনে মনে ঠিক জানে, তার আর কিছুতেই তিপু'র সঙ্গে কথা বলা চলবে না, মেলামেশা তো অনেক দূরের কথা।

পরদিন আগে আগে বেরিয়ে গেল রুহ স্কুলে। তিপু এসে রোজ দাঁড়িয়ে থাকে রাস্তার মোড়ে একসঙ্গে যাবার জুতা। তার আগেই বেরিয়ে যেতে হবে। কিন্তু কী দুর্ভাগ্য, তিপু যে এত আগে এসে রোজ দাঁড়িয়ে থাকে, কে জানত! তিপু হেসে বলে উঠল, উঃ আজ খুব সকাল সকাল এসেছিস তো! রুহ দেখল, আজও ঠিক তিপু বেগী ছুটি যা-তা করে বেঁধে এসেছে। ফ্রকের পিঠের বোতামগুলি লাগায় নি ঠিক করে।

রুহ গম্ভীর হয়ে গেল। রাগ করে নয়। বুকাটা কী রকম ধড়াস ধড়াস করছে! মার কথাগুলো মনে পড়ছে। কী বলবে সে তিপুকে! মার উপরে, সংসারের উপরে ভীষণ রাগ হচ্ছে আর কান্না পাচ্ছে রুহ'র। আর, আর তিপু'র উপরেও রাগ হচ্ছে। কেন মরতে ও-রকম মায়ের মেয়ে হয়েছে! হল যদি, তবে রুহকে কেন ভালবেসেছে!

তিপু কিন্তু খতিয়ে গেছে রুহ'র ভাব দেখে। কেন, এ রকম করছে কেন রুহ! রুহ'র মুখে তো সে ভাবের অভিমান লেগে নেই! তিপু'র উপর রাগলে তো তাকে এ রকম দেখায় না! তবে, তবে—? তিপু যেন সাপ। অ্যানিডের গন্ধ পেয়ে সতর্ক সজ্জস্ত হয়ে উঠল। মাথা নত হল তারও। মুখখানি ভরে গেল একটি বোবা ব্যথার অভিব্যক্তিতে। তোর মা রাগ করেছে, না?

রুহ পিছন ফিরে তাকাল। কে জানে, মা ছাদে দাঁড়িয়ে আছে কি না! নেই। রুহ কোন রকমে ঘাড় নেড়ে, হঠাৎ জোরে জোরে হাঁটতে লাগল তার স্নিপারে শব্দ তুলে। তিপু আন্তে আন্তে হাঁটতে লাগল তার শব্দ হিলে খট খট করে।

এর চেয়ে বেশী কিছু বলার দরকার ছিল না তিপুকে। এইটুকুর মধ্যেই আসল গুণগোলটা জানাজানি হয়ে গেল ওদের।

এতে ওরা কে কতখানি আঘাত পেয়েছে, কে কত কঁদেছে লুকিয়ে, সেটা জানাজানি হওয়ার কোন উপায় রইল না। মেশামেশি, কথা-বলাবলি বন্ধ হয়ে গেল ওদের আপনা থেকেই। ছাড়াছাড়ি হয়ে গেল দুজনে।

কিন্তু রুহুর তবু মনে হয়, তিপু ক্লাসে তাকিয়ে আছে তার দিকে। তাই মাঝে মাঝে ও আড় চোখে তাকায়।

আসলে ওরা দুজনেই সোজা চোখে তাকাতে গেছে ভুলে। কিন্তু তাকানোটা এ জীবনে যেন শেষ হবে না আর। আর, বুকের মধ্যে কোথায় যেন আছে একটি মস্ত তেপান্তর। সেখানে যেন পূব-সাগরের ঝড়ো বাতাস মাথা কোটে নিরন্তর।

কে এসে দুজনের মাঝখানে পড়ে রাস্তার ডাইনে বাঁয়ে সরিয়ে দিয়েছে ওদের। কিন্তু বিচ্ছেদের আড়ালে, কঁাদতে গিয়ে হাসবার মত একটি বিচিত্র খেলা পেয়ে বসেছে দুটিকে।

তিপু অপেক্ষা করে না আগে এসে, রুহু ছুটে আসে না কারুর আশায়, তবু ওদের দেখা হয়ে যায় রোজ। কিন্তু মিশতে মানা, কথা বলতে মানা। রাস্তার দু পাশ ধরে দুজনে যায় হেঁটে। যেন একজনকে ঠেলে দেওয়া হয়েছে পথের এক পাশে, আর একজনকে টেনে ধরে রাখা হয়েছে আর এক পাশে।

আড়চোখে দেখে কি না! কে জানে। না দেখাই উচিত, কেন না, ওদের মানা আছে। বেলা দশটার রোদে ওদের ছায়া দুটি শুধু জানে, কী করে ওরা, কী হয় ওদের।

খানিকটা এগিয়ে মিউনিসিপালিটি, তারপরে অনেকগুলো দোকান—মোষের গাটাল, কামারের দোকান, একটা কালভার্ট, সিনেমা-হল, ডাক্তারখানা, ফোটোর দোকান। তারপরে ডান দিকে একটি রাস্তা চলে গেছে পূব দিকের মাঠে। ওদিকটার কোন সীমা নেই। বড় বড় গাছের ফাঁকে ফাঁকে মাঠ, ধানক্ষেত, জঙ্গল, দূর গ্রাম। তার পরে আরও যেন কত কী! কত কী! শুধু তার ইশারা নিয়ে পড়ে থাকে আকাশটা।

কিন্তু ওরা যায় সোজা উত্তরে—কারখানা পেরিয়ে, পোস্ট-অফিস, ডিঙিয়ে, তার পরে স্থল।

ওদের মানা আছে, ওরা কথা বলে না, মেশে না। যেন দুটি আলাদা

জগৎ, নত মুখে, সামনে তাকিয়ে, নিস্পৃহভাবে চলে যায় রাস্তার দু' পাশ দিয়ে। রোজ রোজই এই খেলা।

তার পরে একদিন এই খেলার আয়ু শেষ হয়ে আসে। পৃথিবীতে সব খেলারই যেমন একদিন শেষ হয়।

পূজোর ছুটি কেটে গেছে। শরৎ গিয়ে হেমন্তের কাল এসে পড়েছে আকাশে। বাতাসে মাঝে মাঝে উত্তরের ঝাপটা টের পাওয়া যায়। আকাশ যেন বছর কাবারের আগে বড় বেশী নীল হয়ে গেছে। আরও বড়, অনেক বড় হয়ে সে হারিয়ে যেতে চাইছে। রোদে নতুন আমেজ। শীত আসার আগেই পাগিগুলি মারাদিন ডেকে নিচ্ছে প্রাণভরে।

আজও তেমনি না তাকিয়েও মোড়ের মাথায় এসে পরস্পরকে টের পেয়ে গেল ওরা। তার পর যেমন চলে, তেমনি চলতে লাগল।

মিউনিসিপাল অফিস গেল, পার হয়ে গেল দোকানগুলো, মোষের খাটাল, কামারের দোকান, কালভাট—

কেন, তিপু কি আজ আর যেতে চায় না? ওর ছায়াটা যেন পিছিয়ে পড়ছে মনে হয় রুহুর।

তার পরে সিনেমা হল, ডাক্তারখানা, ফোটোর দোকান—

এ কি, কোথায় যাচ্ছে তিপু? রুহু থমকে দাঁড়িয়ে পড়ল। দেখল, তিপু পূবদিকের পথটায় চলে যাচ্ছে হনহন করে। কেন রাগ হয়েছে?

রুহুর মনে হল, মা যেন বলছেন, তুমি ওদিকে কী দেখছ রুহু? যাও স্কুলে চলে যাও, ঘণ্টা বাজার সময় হল।

রুহুর বুকটা কি রকম করছে! ওকে স্কুলে যেতে হবে, কিন্তু তিপু আজ কেন এমন করে খেলা ভেঙে চলে যাচ্ছে! তিপু কি একটুও বোঝে না, একটুও কি কষ্ট হয় না তার রুহুর জন্তে!

রুহু যেন শুনতে পাচ্ছে মায়ের শাসানো চিৎকার—স্কুলে যাও বলছি...।

কিন্তু এ কী রুহু, অবাধ্য মেয়ে তুই, তুই কেন মাঠের পথে ঘাস? —নিজেকেই যেন বলে রুহু, আর নিজেই জবাব দেয়, তিপু কি একটুও বোঝে না, কত কষ্টে রুহু চেপে রাখে নিজেকে। না কি তিপু আজ আর সহ্য করতে পারে নি। আর বুঝি সে এমন খেলা খেলতে পারে না।

কিন্তু এ কী, তিপু এত জোরে যাচ্ছে কেন? রুহু পিছু পিছু আসছে বলে? রুহু ডেকে উঠল, তিপু, তি—পু!

অমনি রুহুর কানে বাজল মায়ের হুকুম : খবরদার, খবরদার বলছি রুহু—

কিন্তু তিপু এত জোরে ছুটছে কেন? মাথাটা এত লুয়ে পড়েছে কেন ওর? কাঁদছে, না? কাঁদছে তিপু, আর রুহুর কান্না তুই দেখবি নে চেয়ে, না? তোরই খালি কষ্ট হয়; রাগ হয়, আর আমার বুকটা কেমন করে, তুই জানিস নে? তিপু—তিপু—

গাছের আড়ালে পড়ল তিপু, আবার দেখা গেল। মাঠে পড়ল, আবার গাছের আড়ালে। বই বকে চেপে, বেগী উড়িয়ে রুহু ছুটছে। দমের অভাবে আর ডাকতেও পারে না। ফিসফিস করে ডাকে শুধু, তিপু, তিপু, তিপু,—

তার পরে একটা কুলঝোপের কাছে এসে, বই ফেলে রুহু দু হাতে জড়িয়ে ধরে সখীকে। তিপু মাটিতে মুখ গুঁজে ফুলে ফুলে কাঁদতে থাকে। রুহুও কাঁদতে থাকে তিপুর পিঠে মুখ চেপে।

হেমন্তের উদার আকাশ ভরে বাতাস লুটোপুটি খায়। মাঠে মাঠে পাকাধানের গোছা পড়ে লুয়ে। শব্দ হয় ঝিরিঝিরি, গন্ধ ছড়ায় নতুন ধানের। আর মনে হয়, আকাশ আর মাঠ যেন হাসে ঠোঁটের কোণে লুকিয়ে, তাদের দু চোখভরা স্নেহ ও বেদনা। এই যে মেয়ে দুটি আজ প্রথম স্কুল পালিয়ে এসেছে, সমাজ ও মায়ের বারণ মানে নি, তাতে তাদের একটুও রাগ হল না। বরং যেন খুশী হয়ে ঠাই দিল এ ঝোপের নির্জনে।

দুটিতে অনেকক্ষণ ধরে শুধু কাঁদল, তারপর কোঁপাতে লাগল। তার পরে এক সময়ে ফোলা-ফোলা চোখ নিয়ে, গায়ে গায়ে জড়িয়ে বসে রইল চুপ করে, দূর মাঠ ও আকাশের দিকে চেয়ে। তখনও কান্নার হেঁচকি উঠছে দুজনের। তারপর শুধু থেকে থেকে কেঁপে যেতে লাগল ওদের বকের গভীর থেকে উঠে আসা দীর্ঘশ্বাস।

দুঃখ দেখলে ওদের বুক ছাপাছাপি হয়ে যায়, আনন্দে হেসে বাঁচে না। ভালবাসার টান ধরলে যে সব অনুশাসনের বেড়া ভেঙে ফেলতে পারে, সেটা ওরা জানে না। না জেনে, বাঁধ ভেঙে ওরা জীবনের অচেনা আঙিনায় এসে বোবা হয়ে রইল অনেকক্ষণ।

তিপু দুজনের বইগুলি গোছাল। রুহু তিপুর বিহুনি দুটি বাঁধল ভাল করে, ফ্রকের বোতামগুলি ঠিক করে লাগিয়ে দিল। আর রুহুর বকের কাছে একটি পাকা ঘামাচি নখ দিয়ে মেরে দিল তিপু। আবার দুটিতে বসে রইল, গায়ে গায়ে, হাতে হাত দিয়ে! কোথায় যেন মেঠো মাছঘের

গলা শোনা গেল। গরু ডেকে উঠল দূর থেকে। কুলগাছে ডেকে গেল পাখি। কখন সূর্য চলে গেল মাথার উপর দিয়ে।

রুহু গুন গুন করে গান গেয়ে উঠল। এতদিন মাস্টারমশায়ের কাছে শিখেছে, বাড়িতে কেউ এলে মা গান করতে বলেছেন। আজ আপনা থেকে গাইছে রুহু—

এমনি করেই যায় যদি দিন যাক না।

মন উড়েছে, উড়ুক না রে মেলে দিয়ে গানের পাখনা।

রুহুর গান শেষ হল। তারপর তিপুও গুন গুন করে উঠল—

তোমার বাঁশী শুনলে ঘরে রইতে পারি না।

তোমার দেখা পেলে আগল বাঁধতে পারি না ॥

দুজনের গান ছরকম। স্বরের কোন মিল নেই, ভাবে ও ভাষার কোন মৈত্রী নেই। না-ই বা থাকুক। তারা যা জানে, তা-ই গাইতে লাগল। তাদের সব গান তারা গাইবে আজ পরস্পরের মুখের দিকে তাকিয়ে।

রুহু। মরি মরি, জাগরণে যায় বিভাবরী

আগী হতে ঘুম নিল হরি।

তিপু। সখী এ পথ দিয়ে অনেক গেছি,

তাকিয়েছি মিছামিছি

তোমার দেখা পাই নি গো।

রুহু। কবে তুমি আসবে বলে

আমি রইব না বসে,

আমি চলব বাহিরে।

তিপু। অমন কুঞ্জের ধারে আসব না

ভুজঙ্গ সেথা আছে গো,

তবু অঞ্জন মাখি নয়নে

মনোরঞ্জন পাশে আসি গো।

রুহু। আলোকের এই স্বরণা ধারায় ধুইয়ে দাও

আপনাকে এই লুকিয়ে রাখা,

ধলায় ঢাকা, ধুইয়ে দাও।

তিপু। শিকল দিয়ে বাঁধো নাই তো

কী দিয়ে যে বেঁধেছ—

বাঁধনে যে এত স্থখ

ছাড়া যেন না পাই গো ।

এই যেন জীবনে দুজনের প্রথম গান গাওয়া । হাসল তারা দুজনে, গম্ভীর বিষণ্ণ সে-হাসি । এই বয়সের এত কথা, এত কাকলি—সব ছাপিয়ে, যেন ভরা গাঙের টাবুটুবুতে এসে পড়েছে তারা । অবাধ্য হয়ে তারা বাধ্য হল পরস্পরের । জীবনের কোথায় একটা দরজা খুলে গেল নিঃসাড়ে, দেখে শুধু হাসল ওই আকাশ আর পাকাধানের মাঠ ।

রুহু বলল, জ্বলে ছুটির ঘণ্টা বোধহয় পড়ল ।

তিপু বলল, চল এবার যাই ।

মাথার ওপরে আকাশটি চলল সঙ্গে সঙ্গে, মাঠের বাতাস এল পিছু পিছু ।

বাড়ি আসতে মা রুহুর দিকে তাকিয়ে একটু অবাক হলেন । বললেন, কী রে, শরীর খারাপ হয়েছে নাকি ?

রুহুর বুকের মধ্যে কেঁপে উঠল । বলল, না তো ।

তারপরে খেয়েদেয়ে, চুল বাঁধার আগেই আজ রুহুর বড় ঘুম পেতে লাগল । কখন এক সময় ঘুমিয়েও পড়ল মায়ের বিছানায় ।

বিকালে ঘরে ঢুকে রুহুকে এমন ঘুমুতে দেখে চমকে উঠলেন মা । গায়ে হাত দিলেন আস্তে আস্তে । না, জ্বর আসে নি । তারপর খানিকক্ষণ রুহুর দিকে তাকিয়ে থাকতে থাকতে মায়ের কী যেন হল ! তিনি হঠাৎ উপর দিকে মুখ করে চুপিচুপি বললেন, মেয়েটা যেন আমার স্থখী হয় জীবনে ।

ঘরে ঢুকলেন রুহুর বাবা । বললেন, কী করছ ?

মা বললেন, কিছু না । জান গো, আমার বড় সাধ, রুহু একখানি শাড়ি পরবে ।

শেষ হাসি

অল্প ছ' চারখানি নৌকোর যাতায়াত শুরু হয়েছে সবে। কালীনগর-গঞ্জের এটা মরসুম নয়। নতুন ধান ওঠেনি এখনো। আসল কারবার ধানের, তারপরে গরু ভেড়া ছাগল। এই বর্ষার সময়ে সেটাও কম। ভেড়ি বাঁধের গায়ে সারি সারি, রাশি রাশি নৌকো যেন চিত হয়ে পড়ে ঝিমোয় এ সময়ে। হাসনাবাদ থেকে গোসাবা যাতায়াতের পথে যখন কোম্পানীর লঞ্চ ঢেউ তুলে দিয়ে যায়, তখন বেকার নৌকোগুলি যেন বড় বিরক্ত হয়ে খানিক দোলে। তারপর জল শান্ত হয়ে যায়, নৌকোগুলি ঝিমোয় আবার। গঞ্জের মানুষ-গুলিও। কারবার তেজী না থাকলে তাদের দেহ-মনেও মন্দা লাগে। তবুও আজ হাটের দিন। আনাজ তরিতরকারি উঠবে কিছু। আশেপাশে মানুষেরা নিজেরা বেচা-কেনা করবে।

গঞ্জ থেকে খানিকটা নিরালা দক্ষিণে, নদীতে বিনজাল পাতে ঈশান। কালীনগরের উত্তরে, পশ্চিমপাড়ে আখড়াতলায় মানুষ সে। কিন্তু চিরকালই এগিয়ে এসে জাল পাতে, মাছ ধরে।

ভাদ্র মাসের মাঝামাঝি। বর্ষার একটু ধরন হয়েছে কয়েকদিন। বৈশাখ জ্যৈষ্ঠের পোড়া আকাশ এখন চকচকে নীল। অনেক বৃষ্টি গেছে, গোটা আকাশখানি জলে ধুয়ে ফিরে পেয়েছে আসল রং। সূর্যের আলো পড়লে চোখ রাখা যায় না নীলের এত বাকমকানি। আকাশের এদিকে ওদিকে আছে শাদা মেঘের টুকরো। এ মেঘ ভিন্দেদশী—আসে দূর থেকে, যায় দূরে উধাও হয়ে। যেখান দিয়ে যায়, সেখানকার মনগুলিও যেন কেড়ে নিয়ে যায়। কোথায় যেন ডাক দিয়ে যায়।

বাতাসের গতিক বোঝা যায় না। কখন বাঁধের ছ পাড় ধরে গেমোগাছের বনে বাতাস শনশনিয়ে যায়। কখনো যায় থমকে। কে যেন তাকে ধরে রাখে অদূর সমুদ্রের কোলে।

আশেপাশে গ্রামের চিহ্ন কম। অধিকাংশই আবাদ অঞ্চল। যতদূর চোখ যায়, শুধু সবুজের বিস্তার। আর ভেড়িবাঁধের সূদূর প্রহরা। নোনা জলে বুক চেপে আছে দাঁড়িয়ে।

নদীর নাম বেতনি। ইছামতীরই ফালি ফ্যাকড়া। এখানকার লোকেরা বলে পেতনি, পেতনি নদী। রূপে সে ভয়ঙ্করী নয়, কিন্তু অশরীরী মায়াবিনী নানান বেশে কিরছে তার ক্ষুধার্ত অদৃশ হাত বাড়িয়ে। রাজহুটি যেন তার। তার রীতিবিরুদ্ধ অনাচার ঘে করে, তাকে সে মারে। কখনো আঠেপৃষ্ঠে বেঁধে মারে গোটা আবাদের মাহুযকে। কখনো একলা পেলে খায় ঘাড় মটকে। তাই গোটা নদীর পাড় জুড়ে বাঁধ। তার নোনা জল একটু চুঁইয়েও যাতে ঢুকতে না পারে মাহুযের আস্তানায়। সে ফসল খায়, আর নিদেন তিন বছরের মতো মাটিকে দিয়ে যায় বন্ধা করে।

এ জল স্পর্শেও ভয়। তাই কেউ পায়ের পাতা ডুবিয়েও দাঁড়ায় না এক দণ্ড। সে তার লকলকে জিত দিয়ে যেমন খোঁজে বাঁধের ফুটো ফাটল, তেমনি খোঁজে মাহুয। সংসারের সেরা জীব, বড় মিষ্টি যার মাংস। পেলে গরাস ভরে যতটা পাবে, ততটাই নিয়ে যায়। বাকিটুকুতে প্রাণ যদি থাকে, সেটুকু থাকে শুধু বিভীষিকার ঘোরে খাবি খাওয়া।

বাঁকা স্রোতের পাকে পাকে ছোট ছোট ঢেউ চলকানির কোনখানে সেই হিংস্র ভয়াল কামট ওত পেতে আছে কেউ জানে না। সেদিক দিয়ে কুমীর রাজকীয়। অন্তত কাছাকাছি এসে সে জানান দেয় একবার। কামট যখন ধরে তখনো টের পাওয়া যায় না, দেখাতো দূরের কথা। তাই সে থাকে মাহুযের কাছে কাছে, তার তীক্ষ্ণ করাতের মতো দাঁতে দাঁত চেপে, ধূর্ত চোখের সতর্ক সন্ধানে, চতুর চলাফেরায়।

জোয়ারের জলে ঈশান বিনজাল পাতে আর এদিকে ওদিকে তাকায়। উত্তর-দক্ষিণে নদী, পূবে পশ্চিমে আড় নৌকো। জাল পাতে ছড়িয়ে ছড়িয়ে, আর তাকায় দূরে অদূরে, যেখানেই জল একটু বেশী চলকায় ঢেউয়ের মাথায়, যেখানেই একটু বেশী শিউরে ওঠে বাতাসে। তীক্ষ্ণ শিকারীর চোখে উৎকর্ষ হয়ে কী যেন খোঁজে সারা পেতনির জলের জোয়ারের কলকলানিতে, আর দাঁতে দাঁত চাপে। যেন কামটেরই মতো। কেন? মাছ আসবে জালে, এমন করে তাকাবার কি আছে?

কালো চকচকে শরীর ঈশানের। তলপেটের গভীর খাদ থেকে, চণ্ডা বুকটা যেন হঠাৎ পাথরের চাংড়ার মতো উঠেছে ঠেলে। শক্ত ঘাড়ের ওপর, চড়ানে এবড়ো-খেবড়ো পাখুরে মুখ। শ্রাওলা-কালো কামটের মতো ছোট ছোট চোখ ছুটির চাউনিতে টের পাওয়া যায় না—কোনদিকে তাকিয়ে আছে। মাথায় ভেড়ার লোমের মতো কৌচকানো চুল।

জলের এদিকে ওদিকে ছাথে, তারপরে হঠাৎ ব্যাঙ্কল অবাক চোখে ফিরে তাকায় আকাশের দিকে, ভেড়ি বাঁধের সীমানায়। আবার জাল পাতে। বিনজাল, গহীন তলে গিয়ে পথ আটকে দাঁড়ায় নিঃশব্দে। ওপরে ভাসে ছোল, জালের সীমানা চিহ্ন।

গেমো গাছ মাথা কাটে বাতাসে। রাই মঙ্গলের বুক ভাসিয়ে পেতনিও ফেঁপে ফুলে ওঠে। অম্পষ্ট ভেসে আসে পশ্চিম-পাড় গয়্যারমারির মোটরের ভেঁপু। ঈশান থেকে থেকে চমকায়। কী যেন নড়ে উঠল পুঁবের ওই বাঁকা শ্রোতের জলে। আবার ফিরে তাকায় পশ্চিমে। কিসের যেন শব্দ হল ওখানে, পাড় ঘেঁষে। না, কিছু নয়। জোয়ার এসেছে। মাঝে মাঝে বাতাস একটু ছুরস্তু হয়ে নাড়া দিয়ে যায়।

ঈশানের সর্পচক্ষু কেমন যেন ধকধক জলে। বাঁশের ফালি পাটাতনের ফাঁক দিয়ে বার করা, ধারালো বর্ষার একহাত ফলাটার দিকে তাকায়। রকমকে স্তব্ধ মস্ত বর্ষা, ভাঙুরে বোদণ্ড যেন কেটে খান খান হয়ে যায় তার ধারে। আবার জাল পাতে ঈশান।

পশ্চিম পাড় থেকে আসা একটি নৌকো যায় কাছে ঘেঁষে। গঞ্জে যায়, মোচা, কাঁচ-কলা, আর কেওড়া ভরতি চূপড়ি নিয়ে। কেওড়া এক রকমের টক ফল, অস্থল রান্না হয়। নৌকোটির হালে যে বুড়ো বসেছিল, সে ডেকে বলে, ঈশান নিকি গো?

মুখ না তুলে জবাব দেয় ঈশান, হাঁ।

বুড়ো আবার বলে, গোন তালি তিন দণ্ড আগেই এইসেছে, অ্যা?

ঈশান জাল পাতে আর শুধু শব্দ করে, হঁ।

গোন বলতে জোয়ার বোঝায়।

এবার একটি মিষ্টি মেয়ে-গলায় ডাক শোনা গেল, অ ঈশেনদাদা, ছোট মাছ পেলি আমারে একখানা দেবা?

ঈশান ফিরে তাকায়। সেই অন্ধ মেয়েটা। লোকে বলে কানী। নাম বিমলা থেকে বিমলী। থাকে পশ্চিম-পাড়ে। ভিক্ষে করতে আসে রোজ গঞ্জে। পাড়ে এসে বসে থাকে। যাকে পায়, তাকেই পার করে দিতে বলে। এপারে ওপারে ছ পারেই।

চোখের সামনে ছোট থেকে বড় হল মেয়েটা। ছ' থেকে আঠারোয় উঠেছে। ছেউটি পেতনির টান ভাটার জলে এসেছে জোয়ার। একটা হাত সফ্র আর ছোট, কানী বিমলী কেমন যেন মায়াবিনীর মায়া মেখেছে সর্বাঙ্গে।

তবে ভিক্ষে করতে বসেও রেহাই নেই। সব সময়ই চোঁচাচ্ছে, ‘আ’মলো বিষ্টাথেগোর ব্যাটা, গায়ে হাত ছায়া কোন ঢামনা। তোর মার গায়ে হাত দিতি পারিস না?’ তারপর ঠ্যাং ছড়িয়ে বসে কাঁদে। হাটের দিনে একটু দেরি হয়। তখন সন্ধ্যার অন্ধকারের ঝোঁকে, বাঁধের আড়ালে কিংবা গেমো গাছের জঙ্গলে টেনে নিয়ে গেছে কয়েকবার। যেমন ছাড়া হাঁস-মুরগী ছোঁ মেরে নিয়ে যায় শেয়ালে। বিমলী চোঁচিয়ে চোঁচিয়ে কাঁদে, ‘অ’গো মা’গো ছাখ আমার কী কইরেছে। হেই ভগমান, ওরে কামটে খায়না গো, হেই ভগমান, আমার কী দিলে গো-গতরে, আমারে শকুনে খায়।’

কাঁদে, দাপায় চুল ছেঁড়ে, আবার শাস্ত হয়। হেসে কথা বলে বেশ লোকের সঙ্গে, ‘ও করালী খুড়ো, যদি ছুটো পয়সা দিলা, ত’ আমারে এটটু উত্তোর বেলে বসাইয়ে দে’ যাও। খুড়ি ভাল আছে ত? মাল বিকোলে কেমন?’ আশেপাশে সব লোকের সঙ্গেই তার ভাব।

ঈশান মুখ ফেরাতে গিয়ে আবার ফিরে তাকায়। যেন চমকে ফিরে তাকায় তার ছোট ছোট সাপ-থপিস চোখে। কী যেন ভাবে কানী বিমলীর দিকে চেয়ে। তারপর বলে গোঙানির স্বরে, ‘তা পেলি পরে দেখা যাবেনে।’

বিমলী হাসে। গর্তে বসা চোখ দুটির অন্ধকারে পেত্নির জলের ঘোলা-নীল আভা যেন চিকমিক করে। পরনে একখানি আট হাত পুরনো ডুরে শাড়ি। বাতাসে সেটি উড়ু উড়ু করে। হাত দিয়ে কাপড় সামলে বলে, ‘দেবা ঈশেন দাদা? তা’লি আজ নিচ্ছয় কইরে মাছ পাবো।’

ঈশান জবাব দেয়না। কিন্তু জাল পাততে পাততে, আড় চোখে তাকায় বিমলীর দিকে। পাথুরে কপাল বেয়ে গাছের শিকড়ের মতো কয়েকটা শির ফুলে ওঠে। তারপর দাঁতে দাঁতে চেপে ফিরে তাকায় জলের দিকে। বিন্জাল পাতে পুবে পশ্চিমে ছড়িয়ে। হাল রাখে কোলে, অর্থাৎ পায়ে।

পেতনি নদী হাসে জোয়ারের গরবে।

যে নৌকোটি হাটে গেল, তার হালে-বসা বুড়ো একটি দীর্ঘশ্বাস ফেলে বলে, সন্সার বড় তাজ্জব জায়গা। এ ঈশেন কী মানুষ ছেল, আর কী মানুষ হল। হেইসে, গেইয়ে, নেইচে, কুঁদে ঈশেন মাতাইয়ে রাখত সবারে। সকলের সঙ্গে ভাব-ভালবাসা, হাটের দিনে কত নকশা কইরেছে, হেইসে মইরেছে সবাই। জলে জালখানি পেইতে এখনো গঞ্জে এইসে বসে, ত্যাখনো বইমত। এখুন্ মুখে রা-কাড়ে না, ত্যাখন কত গল্পবল্প, গাল-গল্পো। গোন গিয়ে ভাটা পইড়ত, তবু জাল তুইলবার কথা মনে থাকত না।

কানী বিমলীর নিঃশ্বাস পড়ে। দক্ষিণা বাতাস তার রুক্ষ চুলের গোছা উড়িয়ে দিয়ে যায়। ছোট আর বড় দুটি হাত দিয়ে চুল সামলাতে গেলে, আট হাত কাপড়খানি অকুলান হয়ে পড়ে। বলে, হ্যাঁ, সেই ব্যাপারখানার পরে, না ঠাকুর্দা ?

—হঁ।

ভেড়ি বাঁধের গায়ে ধাক্কা খেয়ে বাতাস আসে। পেতনির জল ফোলে। শুধু দু-জনের কেউই দেখতে পায় না, ঈশান দূর থেকে একনজরে তাকিয়ে আছে বিমলীর দিকে।

বুড়ো আপন মনেই বলে, বড় মোহাঙ্গী বউ ছেল সে ঈশানের। যশোরের মেইয়ে, বউটি বড় দামাল ছিল। সংসারে বাপ-মা নেই ঈশানের। বউ একলা ঘরে থাকতে পারে না। বলে, ‘তুমি যাবা মাছ মারতি, আমি বইসে থাকব বাঁধের উপরে।’ তা তাই করত ঈশান। বউকে বাঁধে বসাইয়ে রেইখে জাল পাততো। তা’পরে বউ নে’ ঘুইরে বেড়াইত গাঙে গাঙে। সেই নে’ও কত কথা, হাসি, মস্করা। তা’ ও দুটির কোন পেতায় ছিল না।...তা একদিন দুটিতে কী ঘেন খুনসুটি ঝগড়া হল, সে পীরিতের খুনসুটি। রাতদিনই হচ্ছে। সেদিন জাল তুইলে লোকো বাঁধে ভিড়াইয়ে বউকে ডাকল, ‘আয়।’ বউ বাঁধের উপর দে’ হাঁটা দেল। বইললে, ‘আজ আখড়াতলা তক হেইটে যাব, লোকোয় ওটব না।’ ঈশান বইললে, ‘আসবি তো আয়, না হ’লি সত্যি সত্যি লোকো ছেইড়ে দেব।’ বউ ঠোঁট টিপে হেইসে বইললে, ‘ছাওগে।’ ঈশানও তো সেইরকম। দিলে লোকো ছেইড়ে। একজন বাঁধে, আর একজন জলে। বেলা ত্যাখন যাই যাই করে। পেতনিতে ভাটা পইড়েছে। ঈশান লগি মারছে। দুজনাই দুজনারে দেখতি পাচ্ছে। তবু ঈশান বারেবারেই ডাকে, ‘আয় বইলতেছি, না হলি আজ তোর কপালে ছুঃখু আছে। তা’ কে শোনে। বউ মাঝে মাঝে গেমো গাছের আড়ালে পড়ে। আবার দেখা দেয় আর টিপে টিপে হাসে। ঈশানকে খ্যাপায়। তা’পরে ঈশান লোকো নে’ সহরে গেল মাঝ নদীতে। বইললে, ‘তবে তুই থাক, আমি ওপারে যাচ্ছি।’ ত্যাখন বউ লেইমে এইল গেমো গাছের আড়াল খেইকে। খিলখিল কইরে হেইসে ডাক দিল, ‘এইস, নে’ যাও।’ দূর যশোরের মেইয়ে। খলবল কইরে নেইমে এইল পেতনির কোমর জলে। জানতো কিন্তুক মনে ছিল না বউয়ের, পেতনির জলে পেতনির মায়া আছে। ঈশানের অবস্থাটা ভাবো। চীৎকার দিলে, আলো সর্বোনাশী, শীগগির ডাঙায় ওঠ, শীগগির।’ আর উইঠতে হল

না। ঈশেন দেখল, বউকে কে টেইনে নে' যাচ্ছে জলের তলায়। তা'পর আবার ভাইসলো। ত্যাতক্ষোনে হাল মেইরে এইয়েছে ঈশেন। টেইনে তোললো বউকে। ঝাথে, তল পেটের কাছখান থেইকে একখান উরত-শুকু পা নেই। যে ছেল জলের তলায়, সে ছেল তক্কে তক্কে। নাবালের এই য্যাতো নদী, সবখানে সে হাঁ কইরে আছে। বাগে পেইলে ছাড়াই নেই।... তা' কামটের কাটা, পচন ধরে সঙ্গে সঙ্গে। বউটা মইল। তা' ঈশেনও হাসি ভুইলে গেল। এখন য্যান কেমন কেমন লাগে। গোনে পাতে বিনজাল কচাড়া জাল টানে পাতে। আর ওই চুপচাপ গাঙে বইসে থাকে, না'হলি গঞ্জের বাঁধে।.....

ভাহুরে রোদে বিমলীর চোখের গর্ত চিকচিক করে পেতনির ঘোলা-নীল জলের মতো। বড় উদাসিনী দেখায়। যেন চুপি চুপি বলে, হ্যা, চ'ক থাকতিও মাহুষ এমন কইরে মরে ঠাকুর্দা। আমি বেইচে থাকি।

হুজনে শুধু দেখতে পায় না, জাল পাতা সাজ করে, ঈশান দূর থেকে অপলক চোখে তাকিয়ে থাকে কানী বিমলীর দিকে। আর সাপ-খপিস চোখ দুটি জলে ধকধক করে। কী যেন আঁচে মনে মনে। তারপর চমকে ফিরে ফিরে তাকায় জলের দিকে। কি যেন পাক খেয়ে যায় ওই দূর উত্তরের জলে? কিসে যেন ঝটকা দিল দক্ষিণের কোলে? তীক্ষ্ণ ফলা বর্ষাটার দিকে চোখ পড়ে ঈশানের।

না, কিছু নয়। সমুদ্রের জোয়ার আসে পেতনির বুক ফাঁপিয়ে। বাতাসে মাথা কোটে গেমো বন।

ঈশান নৌকোর মুখ ফেরায় গঞ্জের দিকে। কিন্তু জলের এদিকে ওদিকে তাকায় বারে বারে। সেই খিলখিল অস্তিম হাসি শোনে নাকি বউয়ের? ছায়া ঝাথে নাকি সেই সোহাগীর, পেতনির জলে। মন বুঝি কাঁদে।

না। ঈশান খোঁজে জলের সেই অদৃশ্য শমনকে। যাকে কখনো দেখা যায় না, কিন্তু যে আছে তারই কাছে কাছে, ছায়ায় ছায়ায়। শ্রাওলা-রং সেই ভয়াল চতুর হিংস্র যম, বিশাল দেহ আর কুতকুতে চোখ। সে চোখ মিটমিট করে হাসে আর ঝাথে ঈশানকে। তাই ভাবে ঈশান। একবার কি ভাসে না ওপর জলে? ভীক ঢামনা। লুকিয়ে ফিরিস গহীন জলের অন্ধকারে।

কালো পাথরে চোয়ালের ওপরে কুতকুতে চোখ জলে দিবানিশি ঈশানের। যেন হিংস্র কামটেরই মতো।

মনটা আজকে এসে ঠেকেছে এইখানে। শোধ চায় ঈশান, জীবনের একটা প্রতিশোধ। একটা কামটকে চায় সে হাতের কাছে, যে এক গরাসে খেয়ে নিয়েছে সেই শেষ খিলখিল হাসি, সেই শেষ ডাক, শেষবার আমার বায়না।

ঘরে গেলে থাকতে পারে না। বউ যেন হেসে ছুটে আসে। বক্ষলয় হতে। আর সতর্ক সন্ধানী হিংস্র শমন তাকে কোথায় টেনে নিয়ে অদৃশ্য হয়। আখড়াতলা থেকে আসবার পথে ফিরে যাবার অন্ধকারে ও জ্যোৎস্না রাত্রে, গেমোবনের তলায়, পেতনির জলে সেই হাসি শোনে, ‘এইস, নে’ যাও।’ বুর্ক ফাটে। জানে, সে আছে কাছে কাছে। মাহুষের গন্ধ পায়, সেই গন্ধে গন্ধে ফেরে। বর্ষাটার ফলায় হাত ঝায় ঈশান। কোথায়! ওই যে জল ওখানে? নাকি, ওই যে স্রোতটা ল্যাজের বাপ্টা দিয়ে যায়, ওখানে! কোথায়?

শোধ চায় ঈশান। সেই নেশাই ভুলিয়ে রেখেছে সোহাগী বউয়ের সব শোক। এই নেশাটা কাটলে সে ঘরে গিয়ে মাথা কুটে দাপিয়ে মরে যাবে হয়তো। এখন শোক নয়, শোধ চায়। যদিও বউ বাঁধের উপরে উপরে ফেরে হাসে, খুনসুটি করে, চুল এলিয়ে পাগলি মাজে, তার আঁচল ওড়ে বাতাসে। যদিও চোখের কোণে ডাকে ইশারা করে। পেতনির জল কলকল করে, গেমোগাছে বাতাস শনশনিতে মরে। ওসব যে খেয়েছে, তাকে চায় ঈশান।

তাকে চায়, তাই মাছ মারার অছিলায় বিনজাল পাতে গহীন জলে। বিনজাল যায় সেই পাতালে। জোয়ারে বিন, ভাটায় কচাড়। ওই দুই জালে কখনো সখনো ধরা পড়েছে কামট। গভীর জলের জানোয়ার। আড় মাছের আকৃতি, শ্রাওলা-কানো রং, ওজনে পাঁচ থেকে দশ মণ, কিন্তু বিন্দু বিন্দু চোখ। চামড়া শুয়োরের মত মোটা। তাই দেশী কামারের গড়া দেশী লোহার বর্ষা নেয়নি সে। কামটের গায়ে তা বিঁধবে না। গঞ্জের মহাজনকে দিয়ে কলকাতা থেকে আনিয়েছে ইম্পাতের বর্ষা। তীক্ষ্ণ তার ধার। রোদও কাটে খান খান হয়ে।

ধরা পড়লে আদিবাসীরা তার মাংস খায় হাঁড়িয়ার সঙ্গে। ঈশানও খাবে কামটের মাংস। তারও মাংস মিষ্টি, কেননা সে মাহুষ খায়।

পেতনির এই জলে কতদিন ঘুরেছে ঈশান বউ নিয়ে। সোহাগী বউয়ের লোকলজ্জা কম ছিল। কত দিন রাত্রি সে হেসে শিউরে তুলেছে পেতনির

বুক। তার কত প্রেমকুহর একেবারে নির্বাক করেছে পেতনির কলকলানি। আর পেতনি রং-এ রং মেশানো সেই হিংস্র কামট হয়তো তখন ভেসে উঠে দেখেছে তার সতর্ক চোখে।

সেই একটি শোধ চায় ঈশান। এই নেশাটা গেলে, এদেশে কেমন করে বাঁচা যায়, এই পেতনির ধারে, বাঁধের পাড়ে, গেমোবনের বাতাসে, সেটা জানে না ঈশান।

গল্পের বাঁধে এসে নোঙর করল নৌকো। ওই দেখা যায় কানী বিমলী বসেছে, আনাজ হাটের সামনে। আপন মনে হাসছে। ছোট হাতখানি বের করে ভিক্ষে চায়। আসল হাতটি দিয়ে শরীর আর কাপড় সামলায়। ভাঙার কামটেরা বড় বেশী চেতন এনে দিয়েছে ওর দেহ ও মনে। ওর অন্ধ জীবনের একটা নিরালা কোণ আছে। একটু নিরালা ঠাই নেই তার যৌবনের। সে-ই না বিমলীর দুঃখ। গেমো গাছে বাতাস আসে, পেতনির জল কলকল করে। বাঁচার জগ্রে ভিক্ষে করে বিমলী। তবু বাঁচায় কেন সুখ নেই?

বিমলীর বুক উজিয়ে নিঃশ্বাস পড়ে, অন্ধ, এক হাত ছোট বিমলী। ওর জোয়ার-ডেউ শরীরের মায়াবিনী রূপ দেখে সবাই।

তার দিকে অমন অপলক সতর্ক সন্ধানী হিংস্র চোখে কী ঢাং ঈশান।

শোধের নেশায় ঢাং। পাপ ঢুকেছে এখন শোধের নেশায়।

ও নেশায় মধ্যরাত্রে, পেতনির জোয়ারে নৌকোয় নিয়ে গিয়েছিল দশ মাসের ছাগল। দূর দক্ষিণে গিয়ে তাকে ফেলেছিল কামটের টোপ করে। নৌকোয় বাঁধা ছাগলের শরীর ডুবেছিল। ছাগলটা ডাকতে পারেনি। খাবি খেয়ে মরেছিল। ঈশান বল্লম হাতে সারা রাত কাটিয়েছে পেতনির বুক। আর যেন দেখেছে, চতুর জানোয়ার কেবলি পাক খাচ্ছে আশেপাশে, টোপ গিলছে না।

শেষরাত্রে শুধু দপ্-দপ্ করেছে ঈশানের কামট-হিংস্র চোখ। গালাগাল দিয়েছে অঙ্গীল ভাষায়। তারপর মরা ছাগল ছেড়ে দিয়েছে জলে। পেতনি তখন ভাটা-মুখে গেছে নেমে।

দুপুরে দেখেছিল, ছুটি শিং শুদ্ধ সেই ছাগলের আধ-খাওয়া মুণ্ডটা ভেসে এসেছে জোয়ারে। যার টোপ-সে খেয়েছে ঠিক।

জলের দিকে তাকিয়ে দেখেছিল ঈশান। মনে হয়েছিল, নৌকোর পাশে পাশে আছে সে। হাসছে মিটমিট করে। শুধু দেখা যায় না।

কিন্তু আখড়াভলার শূন্য ঘরে কার মোহাগের আগুন ঘেন পুড়িয়ে মারে
অষ্টপ্রহর। পেতনির বুক থেকে কেবলি ডাক ভেসে আসে, ‘এইসো, নে যাও।’

তারপর কিছুদিন পরে, প্রথম রাত্রেই বোঁকে ভুলিয়ে নিয়ে গিয়েছিল
নোকোয় গঞ্জের একটা কৈদো কুকুরকে। ফেলে দিয়েছিল নিয়ে দূর
দক্ষিণের বাঁকে। কুকুরটা যতবারই সাঁতার কেটে পাড়ে উঠতে গেছে,
নোকো বেয়ে আড়াল করেছে ঈশান। অসহায় কুকুরটা জলে ঘেউ-ঘেউ
করতে পারেনি। কৈঁউ কৈঁউ করে কৈঁদে নির্বোধের মত তাকিয়েছে ঈশানের
দপ্‌দপ্‌ চোখের দিকে।

ঈশান আতিপাতি করে খুঁজছে পেতনির প্রতিটি তরঙ্গে, প্রতি শ্রোতের
বাঁকে। কোথায় সেই পলাতক শমন।

মাঝ রাত্রে মরতে মরতে গঞ্জের কুকুরটা ভিন্ন পাড়ে গিয়ে ঠেকেছিল।
আর কোনদিন গঞ্জে আসেনি। ঈশানের মনে হয়েছিল, ধূর্ত কামট
ঘুরেছে তারই নোকোর পাশে। আর মিটমিট করে হেসেছে তার কুতকুতে
চোখে।

আজ তাখে ঈশান বিমলীকে। ভাবে, খেয়া পার করতে নিয়ে যাবে
আজ কানীকে। কী স্থখে বাঁচে ও, এই সংসারে। ওকে দিয়ে শোধ নেবে
ঈশান আজ রাত্রে। তাই তাখে সাপের মত চোখে।

নেংটি-পরা ঈশান। নেংটির ট্যাক থেকে বার করে একটি আনি। এগিয়ে
গিয়ে হাতে দেয় বিমলীর। বিমলী আনিটা আঙ্গুলে অহুভব করে খুশি হয়ে
বলে, কে গো, কে তুমি?

সবাইকেই বলে। যদি চেনা মাহুষের হয় তার। হাটের ভিড়, কে-ই
বা দেখে ফিরে। যদি তাখে তবে ভাবে, ফৌসলাছে কানীটাকে। ঘেন
গোড়া স্বরে জবাব দেয় ঈশান, আমি ঈশেন।

খুশি আর ধরে না বিমলীর, ওমা, তুমি পয়সা দিলে। আ আমার কি
কপাল গো। সেই ছ’মাস আগে দিছিলে।

শুনতে চায় না ঈশান। সরে যেতে চায়। ভাবতে চায়, কীভাবে কাজ
হাসিল করবে।

বিমলী ডাকে, ও ঈশেনদাদা, শোনো, শুইনে যাও একবারটি।

বল্—

—কাছখানে এইস। এইয়েছ?

হাঁটুতে হাত দেয় ঈশানের। বলে ফিস্-ফিস্ করে, সন্ধ্যা বেলা

আইসতে না আইসতে পোড়ারমুখো বেন্দা আড়তদারটা কি বইলেছে জান ? বলে, অ' বিমলী, কী কী স্থখে তুই ভিখু মাগিস্। আমার আড়তে এইসে থাক, সব পাবি। আমি বইললাম, দূর হও, দূর হও খচ্ছর মিনসে। তা' ঈশেনদাদা, হাটে-গঞ্জে মাছুষ নেই গো। এত লোকের সামনে থপ্, কইরে আমার গায়ে হাত দেল, শরীলে আমার ব্যাথা করে।

বলে কাঁদে বিমলী। ফিসফিস করে অভিশাপ দেয়। কিন্তু কার কাছে দুঃখ করে বিমলী ? তার অদৃষ্ট শমনের কাছে ?

ঈশান কি বলবে ভেবে পায় না। ছাখে বিমলীর দিকে। বলে, হুঁ !

বিমলী কেমন একটু অশ্রুস্ত স্থখের স্থরে বলে, তোমার রাগ হচ্ছে ওদের ওপরে, না ? থাক, রাগারাগি কইরোনা য্যান !

সরে আসে ঈশান।

এটা আবাদের গঞ্জ। আশেপাশে গ্রাম নেই, গৃহস্থ নেই ! পেতনি নদীর ধার যেন থা-থা করে। কাছে কাছে কিছু আদিবাসীদের ভাঙাচোরা ঘর। চাষের মরসুম গেলে বেকার হয়ে যায়। তখন পেটে খাবার ভাত পচিয়ে নেশা করে মেয়ে-পুরুষ। কতগুলি কাল কাল মেয়ে পুরুষ, কতগুলি শ্যোর আর গঞ্জের বিদেশী কারবারী ব্যাপারী—তাদের জন্তু কয়েক ঘর দেহজীবিনীদের বাস।

জলে আছে সর্বনেশে নোনা আর হিংস্র কামট। পাড়ে আছে বেস্তা, ব্যাপারী, আদিবাসী। এখানে গা বাঁচিয়ে বাঁচতে চায়, গায়ে-জল-লাগা বিমলী। তাও চোখ থাকলে কথা ছিল। বিমলী কানী, কেঁদে কেঁদে বলে, হেই ভগমান, আমি মরিনে কেন ?

কোচড় ভরে মুড়ি নিয়ে বাঁধের উপরে এসে দাঁড়ায় ঈশান। মুড়ি চিবুতে চিবুতে তাকায় দূর জলে। পেতনির জল অকূল হচ্ছে। ফুলছে আরো। হাটের দিন আজ। লোকজন আসছে। ঈশান যেন ছাখে, শ্রাওলা-কালো জানোয়ারগুলি আজ বড় বেশী ঘোরাফেরা করছে এখানকার জলে। সতর্ক সন্ধানে ওত পেতে আছে, যদি একটা কেউ জলে পড়ে। যতো মাছুষ, ততো খাবার তো। করাত-হিংস্র দাঁত কড়মড় করে পেতনির অতলে।

ছাগলের টোপ ফস্কে গেছে। বৃথা গেছে কুকুর টোপের হয়রানি। সেবা টোপ দেবে এবার ঈশান। মাছুষের অঙ্গ, মেয়েমাছুষের শরীর। স্নাপাঝাপি করবে অঁথ জলে। নোনা ছোকছোকানো যম না এসে যাবে কোথায়, একবার দেখবে।

দপ্‌দপ্‌ করে জলে ঈশানের চোখ। আবার ছাথে বিমলীর দিকে।
হ্যা, গায়ে গতরে মাংস আছে কানীটার। পুষ্ঠ, নিটোল মাংস।

নিরালায় যায় ঈশান বাঁধের উপর দিয়ে। নৌকোগুলি এত দোলে কেন
কিনারায়? জল ফোলে, তাই। পেতনি বাড়ে, অতল হয়, সে আসে তলে তলে।

গেমো বন ঘন হয়, পূবে বাতাস তার ঘেটি মোচড়ায়। গঞ্জের
দেহপসারিগীরা ছুটে আসে বাঁধে। কামটের মতো। দেখতে আসে, লোকের
যাওয়া আসা কেমন হচ্ছে। এখন যেন তারা আবাদের গঞ্জে নির্বাসিত।
মরসুমে কারবার জমে।

বাঁধের উপর এসে হাসে খিল্‌খিল্‌ করে। কেন? কোন্‌ মাঝিকে দেখল
পেতনির জলে। নামবে নাকি কোমর জলে? বলবে, 'এইসো নে যাও।'

আবাদের মাঠ ভেঙ্গে বাতাস আসে পূব-মাগরের। পেতনির কোমর জলে
কেউ হাসে নাকি খিল্‌খিল্‌ করে। কোনো সোহাগী?

না। শুনলে পরে, বাঁচে কেমন করে ঈশান। সে শোধ চায়।

—কী ছাথো গো ঈশেনদাদা।

জিঙ্কস করে একটা মেয়ে। সকলেই চেনাশোনা। বউ মরার পর
মানুষটা মেয়ে পাড়ায় যায়না। সেইটা এক বিষয়। বড় বিষয়, লোকটা
পাগল হয়ে গেছে।

ঈশান বলে, জাল দেখি।

জাল ছাথে ঈশান। ওই দেখা যায়, বিনজালের ছোল্‌ ভাসে। আটকা
পড়বে নাকি একটি আজ। বিনজালের বাঁধনে দাঁত খুলতে পারবে না।
বেরিয়ে যাওয়ার উপায় কম।

কিন্তু আটকা পড়েনা একটাও। টোপ্‌ চায়।

হাটের মধ্যে ফিরে আসে ঈশান। বিমলীকে ছাথে। একটু বেলায়,
ময়রার দোকান থেকে গরম জিলিপি নিয়ে আসে কিনে। ঠোঙা দেয়
বিমলীর হাতে। বলে, খা, তোর জন্তে এইনেছি।

বিমলীর চোখের অন্ধকারে বিস্মিত খুশী উপ্‌চে পড়ে। বলে, কেন গো
ঈশেনদাদা।

ঈশান মাথা তুলে নদীর দিকে তাকায়। চোখ ঘেবড় দপ্‌দপ্‌পায়। দিলাম, খা।

টোপ মজায় ঈশান। বিমলী যেন কী ভেবে মিটি-মিটি হাসে। আচলখানি
টেনে দেয় বুকে ভাল করে। বলে, তুমি খাবা না ঈশেনদাদা।

ঈশান জবাব দেয়, খেইয়েছি। তোর জন্তে আনছি ওগুলো।

কানী বিমলী সলজ্জ হেসে জিলিপি খায়।

ঈশান গোষ্ঠাস্থরে আস্তে আস্তে বলে, অ-বিমলী।

—আঁ ?

—তোরে আজ আমি পার কইরে দিয়ে আসবেনে, আঁ ?

একটু অবাক হয়ে হাসে বিমলী। বলে, দেবা, সত্যি ? তবে বড় নিচ্ছিন্ত হই ঈশেনদাদা।

ঈশানের দাঁতে দাঁত বসে। বলে, ছাব। বিকেলে, রহমানের আড়তের কাছে বইসে ভিক্ষে করিস, ওখেন থেইকে নে'যাব।

বিমলী ভাবে, কেন, অত নিরালায় কেন ? আবার হাসে মিটি-মিটি বলে, আচ্ছা। যা বল।

ঈশান বাঁধের উপর যায়। রোদ বড় চড়া। পেতনি ঝিকি-মিকি করে। বাতাসটি বড় আরামের।

দুপুরে জাল তুলতে গিয়ে, জাল বড় ভারী লাগে ঈশানের। ওকোড় কাছি টানে, জাল উঠতে চায় না, এত ভারী। ঈশানের ছ' চোখ হিংস্র উল্লাসে জলজল করে। পড়ল নাকি, পড়ল একটা জালে ? কানী বিমলীর ভাগ্য নিয়ে ?

আরো জোরে টানে ঈশান। জাল উঠে। গড়ান গাছের গুঁড়ি একটা প্রকাণ্ড। জালের কোলে আটকেছে।

হতাশ ক্রুদ্ধ চোখে যেন ছাথে ঈশান, ধূর্ত কামট পাক খায় তারই নৌকোর আশেপাশে।

বিনজাল তুলে, কচাড জাল পেতে, আবার গঞ্জে ফেরে ঈশান।

মরসুমের হাট নয়। সন্ধ্যা হতে না হতেই ভাঙন ধরে।

রহমানের ধানের আড়ত বন্ধ। এখন ধান নেই ! লোকজন কম এদিকে। বিমলী বসে আছে এক কোণে।

এদিক-ওদিক ছাথে ঈশান। কারুর নজর নেই এদিকে। কে-ই বা ছাথে। ঈশান ডাক দেয়, চল বিমলী।

বিমলী যেন হতোশে ছিল। মিঠে ব্যাকুল গলায় বলে, এইসেছ ? বড় ভয় পেইয়েছিলাম, কী জানি, ভুইলে গেলে কিনা !

নেংটি পরা ঈশান, কোমরে বাঁধা গাম্ছা। নিকষ কালো মূর্তি, এখন যেন আরো শক্ত দেখায়। বিমলীর হাত ধরে নিয়ে যায় বাঁধের উপর। গেমো গাছের গোড়ায় বাঁধা ছিল নৌকো। বিমলীকে তুলে, বাঁধন খুলে ঈশান নৌকোয় ওঠে।

এখনো ভাটা চলেছে। পেতনি হাসছে খিলখিল করে। যাবার বেলায় হাসে, আসার সময় চুপি চুপি আসে। অদৃশ্যে জিভ, বাড়িয়ে বাঁধের ফাটল খোঁজে। আর খোঁজে মানুষ।

গেমো গাছ বড় বড় নিশ্বাস ছাড়ে যেন। বাঁধের মাথায় চাঁদ উঠেছে পঞ্চমীর। অস্পষ্ট আলো-ছায়ায়, গাছ, বাঁধ, জল, সবই যেন কেমন আড়িপাতা লুকিয়ে থাকার মতো রহস্যে ভরা।

ঈশানের পাথুরে কপালের ছায়ায় কোন্‌ গর্তে ঢোকা অপলক দুটি ছোট ছোট চোখ। নৌকোয় উঠে বিমলীর হাত ধরে আবার বলে, হালের কাছে গলুয়ে গে' বসবি চল।

হালের কাছে? কেন? ঈশানের কাছে কাছে বসতে হবে? পেতনির জলের মতো হাসি চিক্‌চিক্‌ করে বিমলীর ঠোঁটে। বলে, চল।

ঈশানের নজর পড়ে না বিকেলে কোন ফাঁকে কানী বিমলী আজ চুল বেঁধেছে তেল জল লাগিয়ে। দেখেনি, পান খেয়ে ঠোট লাল করেছে কখন। এখন ডুরে শাড়িটি বড় বেশী ছোট লাগছে তার। কেন? শরীর কি আরো ফাপল?

বিমলীকে গলুয়ে বসিয়ে, নিজে তার পিছনে বসে হাল ধরে ঈশান। কোমর থেকে গামছাখানি খোলে নিঃসাড়ে। মুখ না বাঁধলে চৈতাবে মাগী। মুখ বেঁধে, কোমরে দড়ি বেঁধে, গলুয়ের সঙ্গে ঝুলিয়ে রাখবে। তাই কাছে কাছে রাখতে চায়।

গামছাটা কোলের উপর রেখে, নৌকোর মুখ দক্ষিণে ঘোরায় ঈশান।

এখনো ছ'চারটি নৌকো এদিক-ওদিকে যাতায়াত করে। গয়ারমারির শেষ মোটরের ভেঁপু আসে ভেসে।

ঈশান জলের দিকে তাকায়। ঘাড়ে কপালে দপ্‌দপ্‌ করে শিরা উপশিরা। উচু জ্বর তলায় জলে এখন সাপ-খপিস চোখ। ঝাখে, ভীক্‌ যম এসেছে আজ তার নৌকোর ছায়ায়। মরণের ভয় ডিঙিয়ে এসেছে আজ আসল টোপের লোভে। ওই যেন পাক খায় শ্রাওলা-কালো বিশাল শরীরের বাপটায়। ঝাখে কুতকুতে চোখে, করাত-দাঁতে দাঁত ঘষে।

মনে মনে বলে ঈশান, আয়, একটু দূরে আয়। জীবনের এই একটা শোধ চাই আজ। আর কিছু না।

দূরে যায় ঈশান। নামে পেতনির টানে। পাটাতনের পাশ থেকে টেনে বের করে স্তদীর্ঘ বর্শা। কুহকী জ্যোৎস্নায় বড় বেশী হিংস্র দেখায় ইম্পাতের বর্শা-ফলা।

যেন ভুলেই গেছিল, হঠাৎ চমকে ওঠে বিমলীর গলার স্বরে, কী কর
ঈশেনদাদা ?

কী করে ঈশান ? বলে, লোকো বাই।

নোকো বায় ? বৈঠার শব্দ নেই, নোকো দোলে না কেন ? বড় যে
এক বর্গা যায়। বিমলী মিটিমিটি হাসে কুহকী জ্যোৎস্নার মতো। বলে,
ওপারে যাবা না ঈশেনদাদা ?

চমকায় ঈশান। তীক্ষ্ণ চোখে তাকায় বিমলীর দিকে। কেন, চোখে
কি ঠাহর পায় নাকি কানী ? বলে, তাই তো যাই। কেন ?

বিমলী সলজ্জ হেসে বলে, পূবে বাতাসটা মুখে লাগে, মনে নেয়, দক্ষিণে
চইলছি।

ঈশান বলে, জাল পেইতেছি একটু দূরে। একবার দেইখে যাব।

—অ !

বিমলীর চোখের কোলের অন্ধকারে চাঁদের কণা চিক্‌চিক্‌ করে।

ঈশানের হিংস্র চোখ চমকায়। কী আসে পাক খেয়ে ওই দক্ষিণের বড়
বাঁকে। কী যেন চল্‌কে ওঠে নোকোর তলায়।

এসেছে তারা। দলে দলে এসেছে মাল্লুষের গন্ধ পেয়ে। সেই শেষ
খিল্‌খিল্‌ হাসিটা খেয়ে এসেছে, গিলে এসেছে শেষ ডাকটা, ‘এইস, নে’
যাও।...এইস, নে’ যাও।’...

সেটা ভাবতে চায় না ঈশান। তা’ হ’লে বাঁচা যায় না। শোধ চায়।
জীবনের এই একটা শোধ। এই জন্তে সে বেঁচে আছে। আদিবাসীরা তার
মাংস খায়। ঈশানও খাবে।

বাঁধ নির্জন, পেতনির বুক নিরালা, গেমোবনে বাতাস ডাকে।

মাথায় রক্ত ওঠে ঈশানের। গামছাটা তুলে নেয় হাতে।

বিমলী ডাকে, ঈশেনদাদা ?

গলাখানি যেন বড় মিষ্টি বিমলীর, মায়াবিনীর কুহক মাথা। ঈশান শব্দ
করে, হুঁ।

—চাঁদ উইঠেছে, না ?

বড় চমকায় ঈশান। কানী না বিমলী ? বলে, টের পাস্‌ কেমনে ?

বিমলী বলে, আইজকে যে পঞ্চমী শোনলাম ?

—হ্যাঁ, চাঁদ উইঠেছে।

পেতনি নাচে, হাসে কল্কল্‌ করে। সমুদ্রের অন্ধকারে যায় কিনা,

তাই। বাঁধের কোল থেকে জল নেমেছে। সেখানে মাটি চক্চক করে।

কিন্তু দেবী হয়ে যায় যে! জোয়ার পড়লে, আবার উত্তরে টেনে নিয়ে যাবে। চারদিকে স্থিতি। ডাঙায় ডাকে ঝাঁঝ। আর, এই তো ঘিরে ধরেছে তারা ঈশানের নোকোর চারদিক। যেন ল্যাজের ঝাপটা মারে তারা ক্ষুধা ও লোভের তাড়নায়!

ছুটো টোপ গেছে, এ টোপ ফস্কাতে দেবে না ঈশান।

ঈশান, প্রায়-উলঙ্গ সেই সমুদ্রের আদিম অধিবাসী, চোখে যার ক্রুদ্ধ জিঘাংসা ধক্ধক্ জলে। হু'হাতে গামছা তুলে বিমলীর মুখ বাঁধতে যায়।

—ঈশেনদাদা।

থমকে যায় ঈশান।—হ্যাঁ।

বিমলীর সারা মুখে কোতুহল। বলে, পিঠে কী ফেইললে আমার?

টনক বড় খাড়া কানীর। ঈশান বলে, কিছু না, গামছাখানা পইড়ে গেছে।

কিন্তু জোয়ার ঘে অনেকক্ষণ রাইমঙ্কলের মোহনা পার হয়ে এসেছে। সময় যায়।

বিমলীর মুখে জ্যোৎস্না যেন বিষন্ন হ'য়ে ওঠে। বলে, ঈশেনদাদা তোমার পরাণটায় বড় দুঃখ, না?

—কেন?

—আমি জানি। তাই তুমি রা' কড়ো না।

কে যেন ক্রুদ্ধ স্বরে চিৎকার কবে ঈশানের বৃকে, ওরে মুখ বাঁধ, নীগুগির বাঁধ। দেখিসনে, তোরা সোহাগী বউয়ের শেষ হাসি, শেষ ডাক—খাওয়া শমনেরা ধরা দিতে এসেছে। ঘুরছে আশেপাশে, মাহুষের গলার স্বরে, জীবন্ত মাংসের গন্ধে।

চকিতে বর্ষাটা তুলে নেয় ঈশান। কিসের ছায়া ওটা জলে?

কিছু না, পঁতনির বৃকে জ্যোৎস্নার খেলা।

বিমলী বলে, কী কর ঈশেনদাদা।

—বৈঠাটা সরাইয়ে রাখি।

হাল ছেড়ে দিয়ে, আর একটু এগিয়ে আসে ঈশান বিমলীর দিকে। মজা টোপ, পচে না যায়। আর দেবী করা যায় না।

বিমলী বলে, দূর বনের বাতাসের মত, তাই তো বলি ঈশেনদাদা, সনসারে ভাল মাহুষের মরণ হয়। আমাদের কেন খায়না কামটে?

ঈশানের চমকানিতে নৌকোটা শুক্ক যেন কঁপে ওঠে । তার গোড়া স্বর
বড় তীক্ষ্ণ শোনায ; কেন !

পেতনির মায়া জল গড়ায় বিমলীর চোখের গর্তে । বলে, আমি লুলা কানী ।

অস্থির হ'য়ে গামছাটা পাকায় ঈশান । ছাখে, কানী বিমলীর বাঁধা চুল
বড় চক্‌চক্‌ করে । টেঁটি লাল ।

আর পেতনির জলে লোভী কামট লোভার্ত হ'য়ে ফেরে । ঈশানের
হাতে তারা আজ প্রাণ দিতে এসেছে ।

পেতনি থম্‌ খায় । জোয়ারের ধাক্কা লেগেছে অদূরে । সময় যায় ।
টোপ বুকি ফস্‌কায় ।

ঈশান গামছা তুলে নিয়ে যায় বিমলীর মাথার উপর দিয়ে ।

বিমলী সরে আসে ঈশানের কোলের কাছে । কুহকী জ্যোৎস্নার বিষমতা
যায়, মিটমিট হাসে । বিমলী বলে, ঈশেনদাদা, আমার গলায় বড় লাগে ।

—জ্যা ?

—হ্যাঁ, গামছার পাকে বেঞ্জে ফেইলেছ আমারে । এটুটুসখানি আশ্তে
বান্ধো, না' হ'লি যে বড় লাগে ?

—জ্যা ?

বিমলী হাসে খিলখিল ক'রে । ঈশানের পা'য়ে হাত দেয় । তারপর
হঠাৎ গুন্‌গুন্‌ ক'রে ওঠে,

মন যদি দিলে
তবে মনের মাহুষ নাই কেন ।
এতই কাঁদালে যদি,
আজ ভালবাসা কেন ।
এ পরাণে কী আছে আর,
কী বা দেখ আর বার,
আগুনের আঁচ নেই
ফুঁ দিয়ে ছাই ওড়াও কেন ।

পেতনি নদীর বুকে জোয়ার আসে চুপি চুপি । গেমোবনে বাতাস লাড়
শন্‌শন্‌ করে । নদীর সর্বাঙ্গ শিউরোয় । বাঁধের ঢালুতে চাঁদ যায় গড়িয়ে ।
আর মাহুষের গঞ্জে গঞ্জে ফেরে, ভয়াল করাল মাংস লোলুপ কামট । চোখে
তার রক্তের তৃষ্ণা । সোহাগী বউয়ের শেষ হাসি খেয়ে এসেছে তারি ।

আর শেষ ডাক, 'এইস, নে' যাও !'

কিন্তু ঈশান কী করে । সময় যায় না ?

কানী বিমলী বলে মায়াবিনী সুরে, ঈশেনদাদা তোমার হাতের বাঁধন
এটুটুস্ আলগা কর গো, বড় শক্ত ।

বলে বিমলী মাথাটি এলিয়ে দেয় ঈশানের শক্ত বুক, বাঁধন আলগা হয়
ঈশানের ।

বাতাসে যেন বড় সোহাগ উথ্‌লায় । বিমলী বলে, দম বন্ধ নাকি তোমার
ঈশেনদাদা ।

—হ্যাঁ ।

—কেন ?

—জলে আমি কামট দেখি ।

—কামট !

—হ্যাঁ ।

চমকে উঠে, মুখ ফেরাল বিমলী ঈশানের দিকে । বলে, কপালে আমার
গরম জল পইড়লে । তোমার শরীর বড় কাঁপে । ঈশেনদাদা তুমি কাঁদছ ?

হ্যাঁ, কালো পাথরটা যেন কিসের দমকে কাঁপে । জলে ল্যাজ আছড়ায়
কামট । কিন্তু বাতাসে যেন সোহাগের ডাক ! ঈশান ফিস্-ফিস্ করে বলে,
কাঁদি না লো বিমলী, এ পেতনির মায়া ।

কি বোঝে বিমলী, কে জানে । তার চোখেও জল আসে ।

তারপর জোয়ারের ধাক্কা টের পেয়ে বলে, চল, তোরে রেখে আসি ।

বিমলী মিষ্টি করুণ সুরে বলে, রাত হইয়েছে অনেক । কে নে' যাবে
বাড়িতে ! গঞ্জে রেইখে যাবা ?

ঈশান একটু চূপ করে থাকে । দূর জলে তাকায় । নৌকোর মুখ ঘুরিয়ে
বলে, গঞ্জে যদি রেইখে যাব, তবে তোরে পেতনির জলে ফেইললাম না কেন ?
আখড়াতলা যাবি বিমলী ?

আখড়াতলায় ? ও, সেখানে ঈশেনদাদার বাড়ি । বিমলীর বড় অকুলান
লাগে ডুরে শাড়ি । শরীর তার এত বাড়ল কখন ; কবে ? নিরুত্তর চোখের
গত্‌ কুহকী জ্যোৎস্না চিক্‌চিক্‌ করে ।

ঈশান বৈঠা টানে । পাটাতনের ওপর ইম্পাতের বর্শাটা একটু ম্লান দেখায় ।
ফলাটা যেন বড় টানা চোখের ফাঁদের মতো চক্‌চক্‌ করে । কিন্তু পলাতক
কামটেরা যেন আজ সত্যি বড় হতাশক্রোধে দাঁত কড়মড় করে পেতনির অতলে ।

ঈশান ভাবে, বড় থিল্‌থিল্‌ করে হেসেছে আজ বিমলী । আরো না জানি
কত হাসবে ।

স্বথবতীর বড় ছেলে বেরজো অর্থাৎ ব্রজ এ সংসারের এক মহাবিশ্বয় । বলতে কী, এমনটি এ কলিকালে দেখা যায় না । লোকে বলে, ছেলে তো নয়, রতন । সে তুলনায়, ব্রজবিহারীর পর বনবিহারী, অর্থে বুনো । নামে, কামে, স্বভাবে, ও বুনোই । বিধবা স্বথবতীর আর আর ছোট ছেলেমেয়েদের এখনো বিচারের বয়স হয়নি । স্বথবতীর আসল নাম বেরজোর মা ।

ছিল জাতে মালা, এখন জাত নেই । জাতের কাজ থাকলে তো জাত । তা-সে মালার ডিকি নোকোও নেই, নেই জাল ঘুনি আটোল । সে সব ঘুচেছে স্বথবতীর শ্বশুরের আমল থেকেই, তারা এখন কারখানার মজুর । ব্রজর বাপ মরেছে কারখানার তেলা মেঝেয় পিছলে গড়িয়ে, মেসিনের তলায় প। কোমর গুঁড়িয়ে ।

বড় রাস্তার ধারে আবর্জনা-ভরা পুকুর । তার ধার দিয়ে যে সড়ক গলিপথটা আরও তিনটে ছায়াঘন অর্ধ কানাগলির মধ্যে হারিয়ে গিয়েছে, সেই পথের ধারে ছিঁটে বেড়া আর খোলার ছাউনির, নসীরামের বসতি । বার মুখো ঘরের নীচে, সঁাতানো সড়ক পথে যখন ব্রজর মরা বাপকে, স্বথবতীর সোয়ামীকে, এনে শোয়ালে, তখন স্বথবতী বুক চাপড়ে, চুল ছিঁড়ে কঁদে চৈঁচিয়ে আর বাঁচে না ।

ভোরবেলা উঠে ব্রজ মা'কে প্রণাম করে যখন বললে, 'মা তোমার বেরজো রয়েছে, ভাবনা কী,' তখন যেন স্বথবতীর পাষাণভার অনেকখানি নেমে গেল ।

ই্যা, এমনি ব্রজ, জাতে মালা, থাকে বস্তুতে, তবু এক মহা বিশ্বয় সে । হিরণ্যকশিপুর ঘরে প্রহ্লাদ, অশুরের ঘরে দেব-সুত । সে ভোরবেলা উঠে ভগবানকে স্মরণ ক'রে মায়ের পাদোদক খায়, গঙ্গায় যায় নাইতে ; ফোঁটা দেয় কপালে গঙ্গামাটির, জল দেয় তুলসীতলায়, দিয়ে আবার মা'কে প্রণাম করে । স্বথবতী মরমে ম'রে যায় । ভাবে, এ ছেলের মায়ের যুগি়া নয় সে । নিজেদের জাত বংশে দূরে থাক, এ যে বামুন কায়তকেও হার মানায় ।

ব্রজর নেই নেশা ভাঙ, নেই মুখে দুটো কটু কথা । ছেলে মুখ তুলতে জানে না, হাজার চড়ে স্বথবতীর এ ধম্মিষ্টি ব্যাটার মুখে রা নেই । বোল্তার ঠাস বুনোন চাকের মতো এ বস্তুতে হাজারো ইতরের বাস, ইঁকাইঁকি, খিস্তিবাজী নোংরামি, ঝগড়া, যেন গুলজার করা নয়ক । কিন্তু কেউ কোনদিন ঐদের সঙ্গে একটা কথা বলতে দেখেছে ব্রজকে ? নাওয়া খাওয়া, শোয়া, এ ছাড়া ব্রজ

এ তল্লাটে থাকে না। তার বন্ধু-বান্ধব সব ভদ্র-পাড়ায়। বামুন-কায়েতের লেখাপড়া-জানা অবস্থাপন্নদের সঙ্গে তার বন্ধুত্ব।

বস্তির সবাই সম্মানে ব্রজর কাছ থেকে দূরে থাকে, হিংসে করে স্খবতীর পুত-ভাগিয়াকে। মায়েরা বলে ছেলের, ‘ব্রজর পানোদক খেয়ে তোরা মাহুষ হ’।’

পাওয়ার হাউসের সি, এ, পার্সেনের কন্ট্রাক্টরের আঙুরে কাজ করে ব্রজ। বান্ধালি ফোরম্যান সাহেবও বড় ভালোবাসেন ব্রজকে। খালাসী তার ডেজিগনেশান, কিন্তু কাজের বেলায়, ফাইল খাতা বাছগোছ করা মেশিনের নম্বর টোকা। একটু আধটু লিখতে পড়তেও জানে সে। তার অমায়িক ভদ্রতায় ফোরম্যান খুশি, প্রতিদানে মর্যাদাও দিয়েছেন, আশাও দিয়েছেন ভবিষ্যতে তাকে বাবু ক’রে দেওয়ার, মানে কেরানি।

পার্সেনের ব্রজর সব খালাসী মজুররা এতে অস্বাভাবিক কিছু দেখে না। সত্যি, ব্রজ তাদের তুলনায় বড়ই। সে ভদ্রলোক। ফলে তাদের সঙ্গে পোট খায় না।

ব্রজ অজাতশত্রু। এক কথায়, দেশে এমন গুণে ছেলে আর হয় না।

স্খবতী নাম সার্থক এ-সৌভাগ্যে। আবার হুঁত্যাগজ্ঞানিত অশান্তির অন্ত ছিল না তার ছোট ছেলে বুনোকে নিয়ে!

বুনো তার শক্ত রুক্ষ মস্ত শরীরটা নিয়ে হুম্ দাম্ ক’রে আসে, গুপ্-গাপ্ করে খায়, ঘরে বাইরে গলাবাজী ক’রে ঝগড়া করে, মারামারি করে, গলা ফাটিয়ে হাসে, গান করে, মুখ ধরাপ করে। তার কোনো কিছুতেই ঢাকা-ঢাকিও নেই, চাপাচাপিও নেই। উদ্ধত অবিনয়ী। ‘মা’-ডাকে তার মধু ঝরে না, যেন মাকে খেঁকিয়ে ওঠে। তেলচিটে এক মাথা চুল নিয়ে, মুখে বিড়ি নিয়ে সে কারখানায় যায়, তারপর এখানে সেখানে ঘোরা ফেরা। বস্তির সকলের সঙ্গে তার এ-বেলা ঝগড়া, ও-বেলা ভাব। মজিমতো ছোট ভাই-বোনদের কখনো ঠ্যাঙ্গাচ্ছে, আবার কখনো আদরের ঠেলায় অঙ্ককার। স্খবতীর স্বখ নেই, সারাদিন ‘বুনো রে’ ‘বুনো রে’ ক’রে তার পিছে পিছে ফিরছে, কখন কী অনাছিষ্টি বাধিয়ে বসে সেই ভয়ে। হারামজাদা যে যমেরও অরুচি।

কপালগুণে দোষ পায়। একই পেটে তার দেবাসুর ঠাই পেল কেমন ক’রে! স্খবতীর চোচামেচির, গালাগালির অন্ত নেই বুনোকে ঘিরে।

বুনোর বন্ধুরাও সব ডাকাবুকো। তাদের আচার বিচার নেই। কেউ কেউ নেশাভাঙে সিদ্ধহস্ত। ভদ্রপাড়ায় মান দূরে থাক, আনাগোনাও নেই।

সেও খালানীর কাজ করে পার্শেনে। ব্রজর মতো তার খাতির নেই। কি গ্রীষ্মের পোড়া ছুপুরে আর কি শীতের ভোরের তুহিন ঠাণ্ডায় সে টুকটাক ক'রে বেয়ে ওঠে ইমারতের লোহার ফ্রেমের উপর। ছ' ইঞ্চি রেলিং-এর উপর সমস্ত শরীরের ভার দিয়ে পাঁচ পাউণ্ড ওজনের রেঞ্জ দিয়ে জু আঁটে আর হেঁড়ে গলায় চঁচিয়ে গান গায় :

দেখে তোমার চাঁদ মুখ

পর্যাণে ধরে না হুথ।

নীচে থেকে ব্রজ অবাক মানে। এই অবস্থায় সে গান গায় কি ক'রে। আবার মানও যায়। এ-সব যে অসভ্যের অনাচার।

ব্রজ বাবু হবে। বুনোর কাছে সেটাও বিশ্বয়। বলে আমার পেটে বোমা মারলেও নম্বর টোকা ফোকা হবে না বাবা। আমি হব ফিটার।

ব্রজর পাদোদক খাওয়ার কাহিনী এ-অঞ্চলে বিখ্যাত। বুনোকে কেউ যদি বলে, 'তুইও কেন থামসনে,' বুনো খিলখিল ক'রে হেসে বলে, 'আমার মাইরি লজ্জা করে।' বলে, "শালা সং-এর ঢঙ্"।

মাসের শেষে ব্রজ মাইনে পেয়ে সব মায়ের হাতে তুলে দিয়ে পরে হাত পেতে চেয়ে নেয়, 'মা ছটো টাকা দেবে গো?' বুনোর ও-সব নেই। সে টাকা ছুটি পকেটে রেখে বাকিটা মায়ের হাতে ফেলে দেয়। দিয়ে বলে, 'কিপটেমি ক'রো না। আজ এটুস মাছ খাইও।'

সে খালি সইতে পারে না ব্রজর তুলনা। কিন্তু তার মা প'ড়ে প'ড়ে সারা দিন তার পেছনে খালি খোঁক কাটবে, 'ব্রজ এই, ব্রজ সেই, আর তুই হারামজাদা—'

বাস, আর বলতে হবে না। আরম্ভ হয়ে যাবে বুনোর বুনো ঝগড়া আর গালাগাল। আর ঝগড়ায় তো হুথবতীও কম নয়। মোয়াম্মী বেঁচে থাকতে রোজ ঝগড়া ছিল, এখন সেটা বুনোর সঙ্গে। এ ড্যাকরা যে বাপের মতো কুচাল পেয়েছে।

আর সইতে পারে না বুনো ব্রজর শাসন। ব্রজ যদি বলে, 'বুনো এটা করিসনে,' বুনো সটান জবাব দেবে, 'তোরা নিজের চরকায় তেল দি'গে যা।'

এই সেদিন এক কাণ্ড ঘটলো। পার্শেনের কণ্টাক্তির কাজ মানেনি হলো পাওয়ার হাউসের মতো ও-সব রাফ্‌সে কারখানা তৈরি করা। আর যত ওচা কাজ হলো খালানীদের। সেদিন একটা খালানী কী কথায় ফোর্সম্যানকে বলেছে, শরীরটা তার খারাপ, আজ সে উপরে উঠতে পারবে না।

অমনি ফোরম্যান খিঁচিয়ে উঠলো, ‘হারামজাদা, পারবিনে তো চাকরি ছেড়ে দে।’

সামনে ছিল বুনো। সে হেঁড়ে গলায় গাঁক ক’রে উঠল, ‘গালাগাল দিচ্ছেন কেন মশাই?’

ফোরম্যান তো থ। ছোঁড়া বলে কী? মুখের পরে কথা? সে-খালাসীটাকে উপরে উঠতে হলো না বটে, কিন্তু বুনোর চাকরি যায় যায়।

ব্রজ এসে ভাইকে বুঝিয়ে বললে, ‘ছাখ্ ভাই, ওদের মুখে সব মানায়, তোর মুখে নয়। মাপ চেয়ে নে।’

বুনো একথা য় বললে, ‘ছাখ্ বেরজা, আর একটা কথা বলবি কি ঠেকিয়ে তোর খপ্‌ড়ি ওড়াবো।’

সে-যাত্রা ব্রজর ভাই ব’লেই বোধ হয় বুনোর চাকরিটা গেল না। কাটা গেল সাতদিনের রোজ আর জন্মের মত স্থবতীর মুখে রপ্ত হয়ে গেল তার প্রতি এ খোঁটা। তাও খেতে শুতে—বসতে।

ভোর হয় হয়। আকাশে ফুটেছে নীলের আভাস। তা’ ব’লে নসীরামের বস্তিতে অন্ধকার ঘোচে না। আর ঘরের ভিতর তো অমাবস্তা। দুপুরবেলা কয়েক ঘণ্টা একটু আলো। তারপরেই আবার যে কে-সেই।

ব্রজই সকলের আগে জাগে। ডাকে, ‘মা, মাগো।’

গলা যেন মধুভরা। আর কি মিষ্টি ডাক। সে-ডাকে স্থবতী জাগে। ব্রজ ঘটির জলে মায়ের পা ছুঁইয়ে খায়, তারপরে চ’লে যায় গঙ্গায়।

আগে আগে স্থবতীর লজ্জা ও ভয় করতো এমনি ক’রে জলে পা ছুঁইয়ে দিতে। এখন অভ্যাস হ’য়ে গিয়েছে। মনে প’ড়ে যায় খস্তরের কথা। ব্রজর ঠাকুর্দা। ব্রজ তার প্রথম নাতি, আদরেরও বটে। সে-ই ব্রজকে হাত ধ’রে ধ’রে নিয়ে গিয়েছে সাধু সন্তদের আড্ডায়, বাবু ভদ্রলোকদের সং মজলিসে, কথকঠাকুরের সভায়। সেই থেকেই আস্তে আস্তে দেখা দিল ব্রজর এমনি মতিগতি। ভয়ও হয় স্থবতীর, ছেলে না তার আবার বিবাগী হয়।

না, ভাবলে চলে না। সে ডাক দেয় বুনোকে। ‘এক ডাকে তো এ অনামুখে একদিনও জাগবে না। যেন কুস্তকর্ণের ঘুম।’ অনেক ডেকে ডেকে যখন স্থবতী খেঁকিয়ে উঠলো, ‘ওরে হারামজাদা লবাবপুতুর, তোর কোন্‌ কেনা বাঁদী আছে রে ডেকে দেওয়ার?’

অমনি লাফ দিয়ে উঠল বুনো। যেন এই কথাগুলো না হ'লে তার ঘুমন্ত মরমে পশে না। উঠল হাসিখুসি মুখ নিয়ে। কিসের যে এত খুশি তা সে-ই জানে। হয় তো নিদ্রাটি বেশ জমাটি হয়েছে।

ও মা! তারপরে কথা নেই বার্তা নেই, পা ছড়িয়ে ব'সে সে গান ধরলো :

আমার স্বথ হল না দুখে মরি,

ওগো, তোমার ঘর ক'রে।

উত্থন ধরাতে গিয়ে স্বথবতীর পিত্তি জ্বলে যায়, পিত্তি জ্বলে যায় আশে-পাশের ঘরের লোকের, এ-ঘরে ছোট ছোট ভাইবোনগুলোর ঘুম ভেঙে যায়।

স্বথবতী চৈচিয়ে ওঠে, 'হারামজাদা, তোর গানের নিকুচি করেছে। সকালবেলা—'

তাতে বুনোর আবেগ বাগ মানে না, হাত জোড় ক'রে গায় :

সখী, তুমি আগ ক'রো না।

স্বথবতী রাগে ঘৃণায় অন্ধ হ'য়ে চীৎকার ক'রে ওঠে, 'ওয়োর, আমি তোর সখী হলুম ?'

বুনো তাড়াতাড়ি নিজের মুখে চাঁটি মেরে বলে, 'থুড়ি থুড়ি, তুমি আমার মা।' আবার,

মা গো, তুমি আগ ক'রো না।

ততক্ষণে স্বথবতী একটানা ব'লে চলেছে, 'তুই মর মর মর—'

বুনো বলে স্বর ক'রে,

যম যে তোমার চোখ-খেগো গা—

পরমুহূর্তেই তেলের বাটিতে কোনরকমে আঙ্গুলটা ছুঁইয়ে, সেটুকুন মাথায় ঠেকিয়ে চ'লে যায় পুকুরের দিকে। কিন্তু রাস্তা দিয়ে যায় না। যায় বস্তির পেছন দিকের ঘাটে; যায় না, তাকে টানে ওই ঘাটে।

পুকুরের ধারে, যেখানে বস্তির পেছনটা বঁকে পড়েছে, সেখানে একটা ঘরে থাকে মাদ্রাজী খ্রীষ্টান পরিবার। মা বাপ আর বড় মেয়ে কারখানায় কাজ করে। মেজ মেয়েটা সাহেব বাড়ির ঝি। সেই মেয়েটা, কালো বটে, তবু ভারী সুন্দর। আর কাজ কর্ম করে বটে, কিন্তু সব সময়ই থাকে বেশ পরিষ্কার ধপধপে হয়ে। মেয়েটা বুনোর দিকে ঠেরে ঠেরে তাকিয়ে না-হক্ কেবলি টিপে টিপে হাসে! বুনো প্রথমে চটতো, ভাবতো বুঝি অবজ্ঞা ক'রে বিবিগিরি দেখাচ্ছে তাকে।

কিন্তু এখন, বুনো মনে মনে ব'লে এ আবার শালাব কি ফ্যাসাদ, তবু ওই

না-হক্ হাসি না দেখতে পেলে তার প্রাণ মানে না ! আর মেয়েটাও ভোলে না ওই এঁদো পুকুরের পাড়ে হাজিরা দিতে ।

বুনোর পক্ষে হৃদয়ের এ আবেগ চাপা মুশকিল । কিন্তু ব্রজর কাছে এ-ব্যাপার অকল্পিত । একে তো সে এ-যুগের বিত্তহীন, তার আশাটা হলো এ-সমাজের মধ্যজীবীর ভদ্র জীবনযাত্রা ও ধর্মের একনিষ্ঠতা । তার চারপাশে ভয় ও সংশয়ের প্রাচীর খাড়া, প্রতিটি পদক্ষেপ নিঃশব্দ মন্ত্র সঙ্কল্প ।

ব্রজ এল চান ক’রে । তাদের উঠোন নেই, আছে রান্না করবার এক ফালি বারান্দা । সেখানেই ব্রজ রেখেছে তুলসীগাছের টব । সে এসে জল দিল তুলসীতলায় । প্রণাম কবল মা’কে । তারপর চা খেতে খেতে বললো, ‘ইয়া মা, তুমি নাকি ঘোষ কর্তাদের দোকানে গে ঝগড়া ক’রে এসেছ ?’

স্বথবতী কথাটা বোধ হয় চাপতে চেয়েছিল । বললো ‘তা করেছি বাবা । করব না ? ছ প’সার তেল, তা’ও ওজনে মারবে ?’

‘মারুক, ওদের ধম্মা ওদের কাছে ।’

কথাটা স্বথবতীর মনঃপূত নয় । তবু ব্রজ যখন বলছে ! বলব, ‘কিন্তু গাল দিলে যে ?’

‘দিক, তাতে কী ।’

নির্বিরোধ ব্রজ, নির্বিকার তার গলা । তার জীবনের কোথাও প্রতিবাদ নেই, আছে মানিয়ে চলা । স্বথবতী চূপ ক’রে থাকে ।

বুনো নেয়ে আসতেই ব্রজ বললো, ‘ইয়া রে বুনো, কাল তুই মিত্তির ডাক্তারের সঙ্গে ঝগড়া করেছিল ।’

বুনো বললো গা মুছতে মুছতে ‘হঁ, ঝগড়া আবার কি ! পনের পেছনে কাটি দেওয়া কেন ?’

‘কেন, তোকে কী বলেছে ?’

বুনো বললো, ‘কী আবার । কাল সন্ধ্যায় কারখানা থেকে আসছি, বাড়ির সামনে চার মণ কয়লা দেখিয়ে বললে, হেই বুনো কয়লাগুলো এটুস বাড়িতে তুলে দে তো । যেন আমি ওর বাপের চাকর । বললুম, নিজেরা তুলে লাও না মশাই । তো ডাক্তার বললে আমাকে, তোর তো হারামজাদা খুব তেল হয়েছে । হাঁকাতুম এক যুঁষি । খালি ব’লে দিলুম, আবার যদি হারামজাদা বলো, তোমার ওই মুখ থুড়ে দোব ।’

কথাটা শুনে যেন আতকে উঠলো ব্রজ । বৃষ্টি স্বথবতীও । ব্রজ বললো,

‘তা কয়লাটা তুলে দিলেই হতো। আমাদের বাপ দাদা ও-রকম কত দিয়েছে।’

‘দিয়েছে তো দিয়েছে। ও-সব ভদ্র পীরিত তুই করুগে যা।’

ব্রজ তবু বললে, ‘তোমার মাপ চাওয়া উচিত।’

‘তোমার কথায়।’ ভেঙে উঠল বুনো। ‘আখ্, বেরজা, মস্তর দিস্নে। তোমার কাজ তুই কর।’

মস্তর মানে উপদেশ। ব্রজ তাকে ছেড়ে মাকে ধরলো, ‘ডাক্তার বাবু কত কথা বললেন। তা সে একটা মিলের ডাক্তার। আজকেই ফোরম্যানকে ব’লে তোমার চাকরি খেয়ে দিতে পারে। গরীবের ছেলেকে কত সহিতে হয়।’

এ-সব কথায় বুনোর মাথায় আগুন জ্বলে ওঠে। সে চোঁচিয়ে উঠলো, ‘গরীব ব’লে কি মান নেই? এতে যদি চাকরি যায় তো থাক। তবে তোমার ফোরম্যানকেও দেখে লোব। আর তুই যদি ফের আমাকে তাতাবি—’

এবার হামলে পড়ে স্তম্ভবতী। চাকরি যাওয়ার কথাটা শুনে, ভয়টাই তার রাগের চেহারায় দেখা দিল, বললো, ‘তাতে তোমার কি আছে রে ডাকরা। তোমার জালায় কি আমাদের মরতে হবে? চাইবি, ক্ষ্যামা চাইবি পায়ে প’ড়ে।’

উভয় পক্ষ থেকেই নিরাশ হ’য়ে বুনো তার মেজাজের শেষ সীমায় পৌঁছল। চীৎকার ক’রে উঠল, ‘তোমাদের দায় থাকে তো তোমরা চাও গে... আর রইল শালার সংসার আর চাকরি আর ভদ্রের কুটুম্বিতে।’

ব’লে সে হুম হুম ক’রে ঘরে ঢুকে জামাকাপড় প’রে হন্ হন্ ক’রে বেরিয়ে গেল। না খেল রুটি, না চা।

ব্রজ কারখানায় এসে দেখল, বুনো মস্তর ফিট উঁচুতে নতুন চিমনির গায়ে বলটু ঠুকছে।

এই নিয়েই বারোমাস অশান্তি। ব্রজ রোজ এসে বলে, আজ ফোরম্যান এই বলে, কাল কারখানায় এই হয়েছে, বাইরে সেই হয়েছে। আর স্তম্ভবতী রাতদিন বুনোকে খিঁচোয়।

বুনো মাথা নোয়ায় না। সে যেন তাদের খালাসীদের শক্তিতে তোলা ওই একশো ফিট উঁচু চিমনিটার মতো সটান ও উদ্ধত। মেঘ ঝড় বৃষ্টিতে সে অবিচল। বলে, ‘খাটব—খাব; যেমন আয়নাটি দেখাবে, তেমনি মুখটি দেখবে; কাজ শিখেছি ফিটারের, তুমি বলবে মাইনে বাড়াব না, ফিটারের কাজ কর। কেন? সে হবে না।’

সে হবে না ঠিক, কিন্তু মনের কোথায় যেন খচ্ ক'রে ওঠে। ভাবে, ফোরম্যান শোধ তুলতে পারে। তবু ভাবে, ও যদি শোধ তোলে, আমরা প্রতিশোধ নিতে পারব না ?

ব্রজর উন্নতি হয় কাজে। সে সত্যি কেরানির কাজ পায়। তার মান বাড়ে। বাড়ে স্থবতীরও। সে যে বাবু ছেলের মা। এতে বোধ করি বুনোরও একটু গোপন গৌরব-বোধ ছিল, কিন্তু প্রকাশে সে-বোধের অধিকার নেই। নিজের বিবেকের বিরুদ্ধে আপোসহীনতা যেন তার কলঙ্ক। ব্রজ যে তার গৌরবের ভাগ তাকে দিতে রাজী নয়।

এরপর থেকে বুনোকে নিয়ে অশান্তি আরও বাড়ে, ব্রজর দাবী তার চেয়েও বেশী। পাড়া বয়ে লোক শোনাতে আসে ব্রজের কথা। সেই সঙ্গে বুনোর কথাটা বলতে কেউ ভোলে না।

একদিন সেই মাদ্রাজী খ্রীষ্টান মেয়েটি ভাঙ্গা বাংলায় বললে, 'তুমি বড় গোঁয়ার।'

বুনো অমনি হাসি ভুলে মাথা সটান ক'রে দাঁড়ালো। এ-মিথ্যে অপবাদ সে মানতে রাজী নয়। বললে, 'আ ম'লো, গোঁয়ার কোথা দেখলে ?'

মেয়েটি বোধ হয় তার প্রেমের অধিকারেই বললো, 'সবাই বলে। তোমার দাদা কেমন ভদ্র, কারুর সঙ্গে—'বাস্, বলতে হলো না। ব'লে দিল, 'তা হলে দাদার সঙ্গে পীরিত করলেই পারে।'

ব'লে গামছাটা কোমরে ক'ষে বাঁধতে বাঁধতে সে আপন মনেই বলতে লাগলো, 'রইল শালার পীরিত, নিকুচি ক'রেছে তোর ভালর। এ মেয়ের জগ্ন শালা আমি রোজ এঁদো পুকুরে ডুবতে আসি।'

সে হন্-হন্ ক'রে চ'লে গেল বড় রাস্তার মিউনিসিপালিটির জলকলের দিকে।

মেয়েটা খানিকক্ষণ অবাক হয়ে তাকিয়ে থেকে তাড়াতাড়ি দাঁত দিয়ে ঠোঁট চেপে ধরলো। তার দক্ষিণী টানা চোখে বড় বড় ফোঁটায় জ'মে উঠলো প্রেমের প্রথম অশ্রু।

সারাদিন বুনোর মনটা দমে রইলো কারখানায়। বুকের ভিতরটা কেন যে এ-রকম করছে, সে বুঝলো না। ভেবে পেল না, এ-সংসারে কি ব্যতিক্রমটা সে করেছে।

বিকলে ব্রজর পিছন পিছন বাড়ি এল।

বাড়ি আসতে না আসতেই মিত্তির ডাক্তার প্রায় আধগাংটো হয়ে কোমরে কাপড় গুঁজতে গুঁজতে রুদ্রমূর্তিতে ছুটে এল।

ব্যাপার হয়েছে, তার বাড়ির সামনেই মুখ্জেদের দুই পুরুষ আগের একটা ভাঙা ভিটা প'ড়ে আছে। কিছুই নেই, আছে শুধু ইট বের-করা গোটা দুই ঘরের দেওয়াল, তাতে ইঁহর আর সাপের বাস। সেটা মিত্তির কিনেছে। সুখবতীর অপরাধ, সেই দেয়ালে সে ঘুঁটে দিয়েছে, দেয়-ও রোজ। বোধ করি ছ' একদিন বারণও করেছে। কিন্তু সুখবতী জানে, প'ড়ো দেয়াল, সে না দিলেও অত্ন কেউ দেবেই।

কিন্তু মিত্তির একবারে উগ্র মূর্তিতে চিৎকার করতে করতে ছুটে এল, 'কোথায় সে হারামজাদা ছোটলোক মাগী, তাকে একবার দেখি।'

ভীত সন্ত্রস্ত ব্রজ একেবারে মিত্তিরের পায়ে গিয়ে পড়লো, 'কি হয়েছে কাকাবাবু, আমাকে বলুন।'

বুনো চম্কে বগ্ন বরাহের মতো কাত্ হয়ে মিত্তিরের দিকে তাকালো। সুখবতী ভয়ে বিস্ময়ে নির্বাক।

মিত্তির কোনো রকমে তার বক্তব্য ব'লে আবার চোঁচিয়ে উঠলো, 'এত বড় সাহস ছেনাল মাগীর, আমি বারণ ক'রেছি তবু—'

এই অভাবনীয় ব্যাপারে ব্রজ অনহায়ের মতো ব'লে উঠলো, 'এবারটা ছেড়ে দেন, ক্ষমা করেন। মা আমার বুঝতে পারেনি।'

সুখবতী শুধু বললো, 'ভাঙা প'ড়ো দেয়াল বাবু, তাই—'

মিত্তির রুখে উঠলো, 'হারার ভাঙা হোক, তোর কী? কথায় বলে, ছোটলোক কখনো—'

বুনো আর চূপ ক'রে থাকতে পারলো না। বলে ফেললে, 'ওই ভদ্রর গালাগালগুলোন আর দেবেন না মশাই।'

ব্রজ ব'লে উঠলো, 'বুনো, চূপ!'

কিন্তু মিত্তিরের রাগ চড়লো। সে চোঁচাতে লাগলো, 'কেন দেব না। যার যেমন, তার তেমন। ছেনালকে ছেনালই বলবো।'

ব্রজ দুই হাত জোড় ক'রে বললো, 'আর নয়, কাকাবাবু, আমি মা প চাইছি এদের হ'য়ে, আমি মা প চাইছি।'

মিত্তিরের এত রাগের অন্তঃস্রোত ধরা মুশকিল ছিল। সে বুনোর দিকে একবার দেখে যেন জেদ ক'রে ব্রজকেই বললো, 'আমি বলছি, তোর মা—ছেনাল।'

ব্রজ আবার হাত জোড় করার উগোগ করতেই সবাই দেখল, বুনো চকিতে ছুটে এসে ব্রজের হাত দুটো মুচড়ে ধ'রে একেবারে তার পায়ের

কাছে আছড়ে ফেললো। হিসিয়ে উঠলো সে, ‘তুই হতে পারিস্ ছেনালের ছেলে, বুনো নয়, বুঝ্‌লি।’

তারপর চোখের পলক না পড়তে সবাই দেখলো, মিত্তিরের সামনের দাঁত দুটো নেই, আর মুখ দিয়ে ভলকে ভলকে তার রক্ত পড়ছে। মৃত্যু-চীৎকার জুড়েছে সে। তার সামনে ক্ষিপ্ত নির্বাক যমদূতের মতো দাঁড়িয়ে বুনো।

তারপর সে এক কাণ্ড। স্মৃথবতীর চিৎকার, বস্তির হট্টোগোল ও হা-হতাশ, এক এলাহি ব্যাপার।

ঘণ্টাখানেক পরে, ভান্ধা আসর থেকে বুনোকে ধরে নিয়ে গেল পুলিশ। মামলা পরে, এখন হাজত-বাস তো হোক। স্মৃথবতী যদি পারে, জামিনের যেন চেষ্টা করে।

স্মৃথবতী উঠলো। বুঝলো, বুনোকে ছাড়াতে অক্ষমতা তার কতখানি। তবু ভান্ধা গলায় খালি বললো, ‘কতদিন, তোকে কতদিন বলেছি।’

বুনো একবার ফিরলো। ব্যাপারটা যেন এখনো তার কাছে পুরো বোধগম্য হয়নি। কেবল বুকের ভিতরটা কেমন করতে লাগলো মায়ের দিকে ফিরে। কথা বললো না, কেবলি বুকটার মধ্যে কী হতে লাগলো, তবু অস্থশোচনার কোনো কারণ নিজের মনে সে খুঁজে পেল না।

কেবল সেই মাদ্রাজী মেয়েটি ভাবলো, আমিই ওর মনটা আজ ভেঙে দিয়েছি, তাই। দক্ষিণের সমুদ্রের অঁথে জোয়ার ওর চোখে।

ভোর হবো-হবো। আকাশে আলো দেখা দেবে-দেবে করছে। রাস্তায় আলো নিতে গিয়েছে। নসীরামের বস্তী জাগছে।

ব্রজ জেগেছে। ডান হাতটা তার সতি ভেঙে গিয়েছে। সে মাকে ডাকতে গিয়ে থেমে গেল। দেখলো, মা জেগেই আছে। জেগে ব’সে আছে। একলা চূপচাপ।

ব্রজ রোজকার মতো জলের ঘটি নিয়ে এল। পা ছোঁয়াতে গেল মায়ের।

হঠাৎ স্মৃথবতী ঘটিটা নিয়ে মেঝেয় ছুঁড়ে ফেলে দিয়ে বললো, ‘ছেনালের পা ধোয়া জল খাবি, তোর মান যাবে না? তোর লজ্জা করে না? আমি যে ছেনাল।’

ব্রজ অবাক। আশ্চর্য, তার মাও সতি ছোটলোক, সেই মালা-ঘরনি বস্তিবাসিনী স্মৃথবতী।

স্বখবতী তার রাতজাগা চোখ দুটোতে জল দিয়ে বাইরে এল। গলির
মোড়ের দিকে মুখ ক'রে খালি বললো, 'এ সংসারের ধারা বুঝিস্নে,...
তোকে কতদিন বলেছি, কতদিন....'

ব্রজ অপ্রতিভ নেন্টি ইঁহরটার মতো অন্ধকার ঘরের মধ্যে চোখ পিটপিট
করতে লাগলো।

কেবল সেই মেয়েটি এঁদো পুকুরের ধারে গিয়ে নির্জন বড় রাস্তাটার দিকে
তাকিয়ে রইল। একটু পরেই ওই খালি রাস্তাটাতে কারখানাগামী লোকের
আনাগোনা শুরু হবে।

একটু নীল আকাশের ঝোঁড়ে

আমাদের এই কল-মিল-গঞ্জ-স্টেশনওয়াল ঘিঞ্জি ছোট শহরের আকাশ-কটাও এত নীল হয়ে ওঠে মধ্যম ঋতুতে, নানান আকারের সাদা মেঘগুলি নরম গা এলিয়ে এলিয়ে ঘুরে বেড়ায় তার অঁথ বৃকে, বর্ষার সন্ধ্যাত গাছ-পালাগুলি সবুজ সমারোহে এত মেতে ওঠে, চিলগুলি চিংকার করে গলা কাঁপিয়ে কাঁপিয়ে—এমন ডাকে আকাশ থেকে যে, আমাদেরও মনটা ছুটি-ছুটি করে ওঠে।

নানান ভাগে বিভক্ত, কাজ আর কাজঠাসা সময়ের মধ্যে থাবা বাড়িয়ে মুঠোখানেক সময় অপহরণের লোভ কিছুতেই সামলানো যায় না। জানি, আপনি অফিসে বসে বড় সাহেবের স্নাইং-ডোরটার দিকে একবার তাকাবেন আমার কথা শুনে। তারপর ঠোঁট-কুঁচকে একটু হাসবেন। কিংবা যিনি কারখানায় মেশিনের সঙ্গে পাল্লা দিচ্ছেন, দোকানের হিসেব লিখছেন, তাঁরাও আমার এই মুঠো বাড়িয়ে সময় অপহরণের এরকম কাব্যিক চৌর্ধ্বৃত্তিকে চার্জশীট এবং ওয়ারগিং, এমন কি ডিসচার্জের বাইনাকুলার দিয়ে কাছাকাছি দেখে, চোখ বড় বড় করে তাকাবেন আমার দিকে। তারপরে জিজ্ঞাসা করবেন, আমি এখনো আমার ‘বাপের ভাতে’ আছি কি না।

নেই। বিশ্বাস করতে পারেন।

কাজ? তাও করতে হয়। অনেকখানি করতে হয়। আর এমনি একটা কাজ, যেখানে ফাঁকি দিলে কোম্পানি ফাঁকি পড়বে না—সব ফাঁকিটা পড়বে এসে সরাসরি নিজের ঘাড়ে। সেখানে জমার অঙ্কে শূন্য নিয়ে যদিও বা নিজে নিশ্চিত থাকতে পারতুম, কিন্তু কাজটা যেহেতু একেবারে সোজাসৃজি দশজনের পাতে গিয়ে পড়ছে, সেই হেতু তৎক্ষণাৎ লোক-জিহ্বা আমাকে সমালোচনার জগ্ন উদ্গ্রীব হয়ে থাকে।

কী রকম?

ধরুন, এই-রকম :

ফুলের মালাগাছি বিকাতে আসিয়াছি

পরখ করে সবে, করে না স্নেহ।

যখন ফুল তুলি আর মালা গাঁথি, তখন মনের মতোটি করেই গাঁথি, চেষ্টা করি। কিন্তু সময়টা উনিশশো আটান্ন সাল। জমার অঙ্ক শূন্যে রেখে সত্যিই

তো আর নিশ্চিন্তে মালা গাঁথা যায় না। তাই সে-মালা নিয়ে আপনাদের দোরে আসতেই হয়।

আর আপনিও জানেন, দেখে শুনে না কিনলে ফাঁকিতে পড়তে হবে। আপনি নানান ভাবে পরীক্ষা করেন।

এ যুগে মালা সাজি ভরে রাজসভায় কিংবা অন্তঃপুরে পাঠিয়ে দিলেই কদর হয় না। ওই রাজসভা আর অন্তঃপুর এখন রাজপথে আর জনপদে ঠাই নিয়েছে। তাই—

যাক গে, এত কথা বলার প্রয়োজন কী? বলতে চাইছিলুম কাজের কথা। কাজ করি আর তাতে ফাঁকি দিলে মোটেও চলে না। কারণ, কোম্পানি নয়, মালা এখানে মালাকারের নামে বিকোয়। অতএব সাবধান!

তবু সময় চুরির লোভ সামলাতে পারি নে।

ক্ষতি এসে চোখ রাঙায়, কাজ এসে উপদেশ দেয়।

কিন্তু চৌর্যবৃত্তিটা এমন একটি জিনিস যে, বিবেকের শাসনটা আপাতত মানতে রাজী নয়।

কেন? সেইজন্তই বলছিলুম, আমাদের এই ছন্নছাড়া ঘিঞ্জি ছোট শহরটার আকাশটার দিকে একবার দেখুন। সে তার চিমনি আর পুরনো গাছের ডালপালায় যে-ভাবে আকাশটাকে ধরে আছে, সেই আকাশ যেখানে মুক্ত অবোধ হয়ে ছড়িয়ে আছে দূর চক্রবালে, সেখানে যেতে আপনার মন করে কি না, নিজেই একবার পরখ করুন।

না, আমি মোটেই হিল্লি-দিল্লি যাবার কথা চিন্তা করি নি। নিতান্তই, এই শহর থেকে মাইল দশেকের মধ্যেই, কোন একটা নির্জন স্টেশনে গিয়ে নেমে পড়া। তারপরে, আকাশটাকে দেখা।

পারবেন না আসতে? তা হলে আমাকে একা-একাই কাজে ফাঁকি দিতে হয়। দিলুমও। আর মাত্র তিনটা স্টেশন পরেই নেমে পড়লুম।

যা ভেবেছিলুম, তাই। আকাশটাকে কেউ বাধতে পারে নি। শরতের মাঠ দিগন্ত ছাড়িয়ে গিয়েছে। আর এই ঘোর ছপুরে, জনহীন স্টেশনটার পাশের বনেই পাখিটা ডাকছে, থোকা কোথা! থোকা কোথা!

মায়ের এই চিরদিনের কামা শুনতে গেলে, আমার আর মাঠ আর আকাশ দেখা হবে না। তাই পা বাড়ালুম।

কোথায়ই বা পা বাড়াব? ওই তো আবার কোন্ পাখিটা ডেকে উঠছে পুণের মাঠ থেকে। কেহে? কেহে? কেহে?

জীবাব দেবার কোন দরকারই নেই জানি। আমাকে নমস্কার করে হেসে বলতেও হবে না, আঁজ্জে, আমি অমুক, অমুক জায়গা থেকে এসেছি।

শুধু এই অবাধ মুক্ত আকাশের তলে, চারপাশে সবুজ সমারোহের মাঝখানে দাঁড়িয়ে, এই সব নানান কিচরিমিচির আমাকে গুনতেই হবে। নইলে আকাশটাও এতখানি দেখা যেত না, মাঠও এত অব্যবহৃত হতে পারত না।

টিকেট নেবার লোক নেই। প্র্যাঁটফরম শেষ হয়ে গেল। খানিকটা এগোলেই বাঁ দিকে অনেকগুলি চালাঘর। রেললাইনটা সোজা চলে গিয়েছে উত্তরে টেলিগ্রাফের তারের সঙ্গে পাল্লা দিয়ে।

চালাঘরগুলির দিকেই পা টানতে লাগল। এই চকচকে অবাধ নীল আকাশটার সঙ্গে নিরুন্ম চালাঘরগুলির কী একটা সম্পর্ক যেন আছে।

বড় বড় গাছ এখানে সেখানে, তারই নীচে চালাঘরগুলি সারি সারি। ঝাঁপ নেই। বেড়াও নেই। চারিদিকই খোলা। অতএব এগুলিকে ঘর বলা যাবে কি না বুঝতে পারছি নে। মাটি এখনো রীতিমত এবড়ো-থেবড়ো। মাহুশ, গোরু আর গোরুর গাড়ির চাকার গভীর দাগ চালাগুলির পাশে। বর্ষার সময়, হাটের দিনে যারা এসেছিল, এ-সব তাদেরই চিহ্ন।

বোঝা গেল এটা বাজার।

খাবারের দোকানে লোক নেই। দোকানদারও ঘুমোচ্ছে। কাচ-লাগানো একটা খাবারের ‘কেস্’ যদিও আছে, তার কাচ গেছে ভেঙে। কাঠগুলিতে গ্নাতা বুলিয়ে গ্নাতারই রঙ হয়ে গেছে। খাবারও বিশেষ নেই, বোঝাই যায়। মাছিগুলি খালি পাত্রেই রসেই যা একটু ভ্যান-ভ্যানাচ্ছে!

শুধু তেলেভাজার কড়াটাই উহুনের উপর চূপড়িঢাকা। সকালবেলা নিশ্চয়ই তেলেভাজার খন্দের কিছু আসে। নইলে উহুনের তলায় সাতদিনের বাসি ছাই ওগুলি নয় নিশ্চয়ই। আর কুকুরটাও ওভাবে ছাইগাদায় শুয়ে থাকত না, হপ্তাবারে অথবা হাটের দিনেই শুধু আসত হয়তো। একদিনের আশায় কে আর সাতদিন পড়ে থাকে?

খিদে যদি পায় আমার?

ভেবে কোন লাভ নেই। এখানে খাবার খেতে কেউ আসে না।

আর একটা মুদীর দোকান পাশেই। ঝাঁপ হাপ-বন্ধ। নাসিকাক্ষনি শোনা যাচ্ছে মুদীর।

দাওয়ায় বসে আছে একটি লোক। ওর চোখে বোধ হয় ঘুম নেই।

দিব্যি পিলেখানি নিয়ে হলদে চোখে আমার দিকে তাকিয়ে আছে। পাশে একখানি কাস্তে রয়েছে পড়ে। গামছা দিয়ে মাথাটি বাঁধা। বেশ কষে বাঁধা। বোধহয় মাথা ধরেছে। তার কাছেও একটি কুকুর বসে রয়েছে। সামনে পড়ে থাকা শালপাতাটি চাটা হয়ে গেছে নিশ্চয়।

একটা খোলা চালায় একজন বসে আছে সের পাঁচেক টেকি-ছাঁটা লাল চাল নিয়ে। পোকা-খাওয়া কিছু বেগুন চটের ওপর বিছানো একজায়গায়। লোক নেই কেউ সামনে।

মনিহারী দোকান আছে একটা। বেড়ায় অনেক ছবিওয়ালা ক্যালেণ্ডার। নানারকমের ছবি। দোকানী বসে বসে কি যেন লিখছে। তাকিয়ে দেখল আমাকে। দেখতেই লাগল। তারপর জিজ্ঞাসা করল, কোথায় যাবেন ?

—বেড়াতে এসেছি।

—ও।

বিরক্ত হল কিংবা বিজ্ঞপ করল, বুঝতে পারলুম না। অ-ভক্তিতা টের পাওয়া গেল। আর টের পাওয়া গেল চোখের কোণে একটু সন্দেহ।

কয়েকটি লোক, প্রায় উলঙ্গ, বসে আছে গোল হয়ে। একটা হুকো নিয়ে টানাটানি করছে সবাই। সামনে দুটো গরুর গাড়ি, বলদ-হীন, ঘাড় গুঁজে পড়ে আছে। বলদ চারটে একটা গাছের গোড়ায় বাঁধা। লোকগুলির মতই, হাড়সার চেহারা বলদগুলির, অপুষ্টি বুঁটিতে জোয়ালের ঘষায় ঘষায় ঘা হয়ে গেছে। কেউ শুয়ে, কেউ বসে। কেউ চোখ বুজে, কেউ অলস চোখে চেয়ে রয়েছে শূন্যে।

আকাশ দেখছে নাকি ?

লোকগুলি কী একটা আলোচনা করছিল। থেমে গিয়ে আমাকে দেখতে লাগল। তারপর চোখাচোখি হ'ল নিজেদের মধ্যে। আবার তাকিয়ে রইল আমার দিকে।

ওদের সকলের চোখই কি হলদে ? একটু নীল আকাশের ছায়াও নেই ?

আর একটু এগোলুম। একটি জীর্ণ সাইকেল, এবড়ে-খেবড়ো মাটিতে ঝন্ঝন্ করে এগিয়ে এল সামনে। আরোহীর মাথায় শোলার টুপি, শার্ট কাপড়ের মধ্যে ঢুকানো। গলায় মালার মত স্টেথিস্কোপ।

ডাক্তারবাবু। এখানো বাড়ি যাবার সময় পান নি। আমাকে দেখতে লাগলেন ঘন ঘন। তারপর নামলেন একটি ঘরের সামনে। রেডক্রস-আঁকা একটি সাইনবোর্ডও আছে। 'বেলায়াগী ফার্মেসী।' ডাঃ হরেন্দ্রকুমার মিশ্র, এল. এম. এফ।

—কোথায় যাবেন ?

—বেড়াতে এসেছি।

—অ ! কোথেকে আসছেন ?

বললুম জায়গার নাম।

ডাক্তারবাবু বললেন, বেড়ান।

ঘরে ঢুকে গেলেন। চোখ ডলতে ডলতে, বোধহয় কমপাউণ্ডারই হবে লোকটি, বেরিয়ে এল। এসে ডাকল, কই হে, এসো।

সেই গোল-হয়ে-বসা লোকগুলি উঠল।

আমি এগোলুম।

বোধহয় ভুল করেছি। রেললাইনের পূর্বদিকে গেলেই বোধহয় ভাল হত। ওদিকটায় লোকজন পড়বে ভেবে গেলুম না। মনে করেছিলুম, হাটটা পেরিয়ে গেলেই মাঠ মিলবে। বেশ একটু মেজাজ নিয়ে, একটি গাছতলায় বসব। আকাশটাকে চোখ দিয়ে গিলে গিলে নেশা করব। কিন্তু কী রকম একটা ছন্নছাড়া রিক্ত শ্বাসচাপা চাপা ভাব চারদিকে। কালো কালো গায়ে নখ দিয়ে চুলকানো খড়ি ওঠা খসকা খসকা রঙ যেন সবখানে।

একটু তাড়াতাড়ি পা চালিয়ে হাটের এলাকাটা পার হতে চাইলুম।

কিন্তু থামতে হল। যেন কাউকে কেউ মারছে, আর কে হাউমাউ করে চিৎকার করছে, এমনি ভাবে শব্দ করছে টিউবওয়েলটা। যে পাম্প করছে, সে একটি বুড়ী। পাম্প করছে কিন্তু জল উঠছে না। এক ফোঁটা জলও দেখা যায় না কলের নীচে, মাটির ওপর। আমাকে বলল একটু টিপে দিতে।

দিলুম। সেই গলা-টিপে-ধরা চিৎকারের মত একটা বিশ্রী শব্দ। কিন্তু একফোঁটা জলও নেই।

বুড়ীটা জিভ ঠোঁট চেটে চলে গেল হাটের দিকে।

আমি এগোলুম। শরতের রোদে বেশ জ্বালা আছে। মাটি থেকেও একটা গরম তাপ উঠছে। কিন্তু লোকালয় দেখা যাচ্ছে যেন ? লোক নয়, বাড়ি-ঘর দেখা যাচ্ছে যেন। মাটির বেড়া, টালির চাল, টিনের চাল, গোলপাতা কিংবা খড়ের চাল, এ সবই বেশী। পাকা বাড়িও আছে যেন।

কিন্তু মাথার ওপরে এগুলি কী ?

মশা। দুপুরেও দল বেঁধে চক্কোর দিচ্ছে মাথার ওপরে। খেতে চায়।
ঘ্যানোর ঘ্যানোর করছে যেন।

তা হলে গ্রাম পড়ে গেল এটা? পার হতে হবে তাড়াতাড়ি।

একটা ভাঙা পুরনো বাড়ির পাশ দিয়ে যাচ্ছিলুম। দেয়ালে ঘুঁটে।
দোতলাটা চির-খাওয়া, তার ফাঁকে ফাঁকে বেত-আচড়া সাপের মত কী সব
গাছের শিকড়েরা জড়াজাপটি করে আছে।

বাড়িটার দরজা খুলে, একটি মেয়ে দাঁড়াল দরজায়। আর এই মৃত্যু-
পুরীর নৈঃশব্দ্যে শোনা গেল, কোথায় যাচ্ছেন?

কাকে জিজ্ঞাসা করছে? পিছন ফিরে দেখলুম, কাকপক্ষীও নেই। ফিরে
দেখলুম, মেয়েটি আমার দিকেই তাকিয়ে হাসছে।

—আমাকে বলছেন?

জবাবের আগে, মেয়েটি মুখে আঁচল চাপা দিয়ে হাসল এবং ভিতরের দিকে
এমনভাবে তাকাল যে, তার চোখেই একাধিক মানুষের অস্তিত্ব টের পাওয়া
গেল। বলল, আর কাকে বলব? আপনি অমুকবাবু, মানে, অমুকদা তো?

মিথ্যে নয়, আমি সেই অমুক। কিন্তু ইনি? হ্যাঁ, ‘ইনিই’ বলা উচিত।
কেমনা বয়স কুড়ির নীচে নয় নিশ্চয়ই। অবশ্য দেখতে কেমন, সেটা না বলাই
বোধহয় ভাল। কারণ প্রথমটা দেখেই সেটা বোঝা যায় না। তবে চোখ দুটি
বড়ই। মুখখানিও কোমল। সিঁথিতে সিঁদুর নেই, অবিবাহিতা, যেটা এখানে
অচল। স্বাস্থ্য? মনে হচ্ছে রুগ্ন। আর চোখ, কী আশ্চর্য! এর চোখও হলদে।

আমাকে বলতেই হল, আপনাকে চিনতে পারলুম না তো?

মেয়েটি হাসল। বলল, ভুলে গেলেন? সত্যি, আপনারা ভারুক বটে।
তা তো হবেই। শত হলেও—

একটু অতিমাত্রায় স্মার্ট হবার চেষ্টা পীড়াদায়ক বোধ হল। বোধহয়
পরিবেশেরই গুণে। একটু বিব্রত ভাবে হাসতে হয় আমাকে, এবং অপেক্ষাও
করতে হয় শেষ পর্যন্ত শোনার জন্তে।

মেয়েটা আবার বলল, সরষু সঙ্গে আপনাদের বাড়ি গেছলাম, মনে নেই?
সেই সরষু, আপনাদের মিউনিসিপ্যালিটির আনিটারি ইনস্পেক্টরের মেয়ে?
ঘাড় নেড়ে স্বীকৃতি জানালুম, সরষুকে আমি জানি।

মেয়েটি বলে আবার, সরষু আপনার সঙ্গে আলাপ করিয়ে দিলে বাড়ি
গিয়ে। আমি আমার দিদিরা গেছলুম শহরে সিনেমা দেখতে, সেই সময়।
আপনাকে নেমস্তন্ন করেছিলাম আমাদের এখানে আসতে। আপনি

বলেছিলেন, আসবেন। অবিশ্রি আসবেন, সত্যি বিশ্বাস করি নি কোনদিন।
শত হলেও আপনারা—

আমাকে বলতে হল, না না, তার কী মানে আছে।

অনেকগুলি গলার ফিসফিসানি আমার কানে এল। দৃষ্টির সীমানাতেও
কয়েকটা এলোমেলো চোখ, চিবুকের অংশ, একটু কাঁধ, আঁচলের ঝাপটা দেখা
গেল।

মেয়েটি বলল, আসুন। বাইরে দাঁড়িয়ে রইলেন যে।

—হ্যাঁ, চলুন।

হায়রে নীল আকাশ। শরতের নীল আকাশ।

একটা উঠান, ঘাস ভরতি। কুয়ো, কুয়োর বাঁধানো পাড়, শেওলায় যার
জন্মকালের কোন তারিখই জানা যায় না। দড়ি বালতি আর এক রাশ
এঁটো বাসন ডাই করা রয়েছে। ছুটো গোরু, খোঁটায় বাঁধা রয়েছে উঠানে।

এবড়ো-খেবড়ো ফাটাফুটি বারান্দা দিয়ে, একটি ঘরে নিয়ে গেল আমাকে
মেয়েটি। বাকীরা ছুড়দাড় করে দৌড়ে অগ্ন ঘরে গিয়ে চুকল।

যে ঘরে নিয়ে এল, সেটা পুরনো হলেও মোটামুটি পরিষ্কার। দেয়ালে
চূনের পৌঁচড়া আছে। সিনেমার অভিনেতা-অভিনেত্রীদের ছবি আছে।
পারিবারিক ফটোও আছে দু-একটা। খান দুই পুরনো চেয়ার, একটা টেবিল।
বইও আছে। সিনেমার পত্রিকা, খানকয়েক সাম্প্রতিক বহুবিক্রীত জনপ্রিয়
উপন্যাস, বেশ সম্বন্ধে গুছিয়ে রাখা আছে।

মেয়েটি বললে, বসুন।

বসলুম। মেয়েটি চলে গেল। এবার ভাবনার পালা। অবশ্য, মনে
পড়ছে, কবে যেন দেখেছি মেয়েটিকে। আমাদের বাড়িতেই দেখেছি।
সরযুই বোধহয় নিয়ে এসেছিল।

কিন্তু এবার কে আসবে? মেয়েটির বাবা? সেইটেই স্বাভাবিক।
বাড়ির পুরুষ মানুষ এসে আলাপ করবেন।

অনেকগুলি মেয়ে-গলার হাসি কানে এল। আমার লজ্জা করতে লাগল
একলা একলা। কারও ওরা জানে আমি ওদেরই খোঁজে এসেছি। যদিও
নামটাও মনে নেই।

কিন্তু গায়ে হাতে পায়ে চুলকোচ্ছে কেন?

মশা। বোধহয় অনাস্বাদিত রক্তের গন্ধ পেয়েছে।

আশেপাশে কি লোকজন নেই? এত নিরুন্ম কেন?

একটু পরেই, দরজার পাশে একটা ছোটখাটো ভিড় দেখা গেল। সকলেই মেয়ে, সকলেই পরস্পরকে ঠেলাঠেলি করছে।

—আহা! চল না।

—তুই যা না।

খিলখিল হাসি।

—সেজদি আগে।

—না, বড়দি যাক না।

—আচ্ছা, মা তুমি চলো।

—না না।

—হ্যাঁ।

যিনি প্রথম ঢুকলেন, তিনি ঘোমটায় মুখ-ঢাকা। বাকীরা সকলেই ঘোমটা-বিহীন। বোধহয় কুমারী, দিদি এবং বোনেরা।

মেয়েটি বলল, ঘোমটা-টানা মহিলাকে দেখিয়ে, আমার মা।

নমস্কার করলুম। তিনি সকলের বেশী জড়সড়। কোনরকমে একবার ঘোমটা খুলে আমাকে দেখলেন। আমিও দেখলুম। বয়স বছর পঞ্চাশ হতে পারে। মেয়েটির মতই মুখ প্রায়। গুঁরও চোখ দুটি বড়, কিন্তু কী আশ্চর্য! গুঁর চোখও হলদে।

উনি কী যেন বললেন মেয়েদের ফিসফিস করে। তারপর আমার দিকে ফিরেও, যেন চুপিচুপিই বললেন, বহ্নন।

বলতে বলতেও, হেসে মরে গেলেন যেন। আর লজ্জাতেই মিলিয়ে গেলেন বোধহয়।

তারপর পাঁচ বোন। কুড়ির পরে একজন, হয় তো আঠারোর পাড়ে। বাদ বাকী ওপরে। কারুরই বিয়ে হয় নি, বোঝাই যায়। সবাই বসে পড়ল মেঝেতে। পরমুহূর্তেই গারে গারে পড়ে ভীষণ হাসাহাসি আরম্ভ হয়ে গেল।

আমিও কি হাসব? কি জানি, ঠিক বুঝতে পারছি নে।

—এই বড়দি, কথা বল না।

—কী বলব?

—তুই যেন কী জিজ্ঞাসা করবি বলছিলি?

—আমি না, টুকু।

—ও, মেজদি?

—না না। আমি না, তুই তো।

—ভাগ।

নীল আকাশটা আমি দেখতে পাচ্ছিলাম, যে আকাশটাকে এই দরজার পুরনো চৌকাঠের সীমানায় বেঁধে এনেছে।

—জানেন, অমুকদা, বড়দি কবিতা লেখে।

বললুম, তাই নাকি?

বড়দি ধাক্কা দিতে লাগল একজনকে।—এই মিথ্যুক কোথাকার। আমি নয়, জানেন, নমি গল্প লেখে।

নমির কুড়ি বছর। সে মুখে আঁচল চেপে না না করতে লাগল।

যার নাম টুকু, সে জিজ্ঞাসা করল, আচ্ছা, আপনার কোন্ গল্পটা সিনেমা হচ্ছে? বললুম।

—অমুককুমার থাকবে?

—না।

পাঁচজনের মধ্যেই একটা হতাশা দেখা গেল।

—আচ্ছা কী করে লেখেন?

বোকার মত হেসে বললুম, সেটা ঠিক বলতে পারি নে।

আবার চুপচাপ। পাঁচজনের মিটিমিটি হাসি।

জিজ্ঞাসা করলুম, আপনাদের বাবা—

—বাবা কলকাতায়। চাকরি করেন কলকাতায়, রাত্রে আসবেন।

বললুম, আজকে চলি, কেমন?

একটা প্রবল কলরোল উঠল। না না, ইশ! এখুনি কি? অনেক গাড়ি আছে ফিরে যাবার। একেবারে রাত্রে খেয়েটেয়ে যাবেন।

খেয়ে এবং টেয়ে? সে আবার কী কথা? পাঁচজনের দিকেই ফিরে তাকালুম। আর, পাঁচজনেই সহসা লজ্জায় যেন মাটিতে মিশিয়ে গেল। আর সকলেই আড় চোখে তাকিয়ে দেখতে লাগল।

দশটিই হলদে-চোপ, শীর্ণ-গাল। তবু একটি কোমল করুণ স্নিগ্ধতাও যেন আছে।

কিন্তু আকাশটা আর নীল নেই, ধূসর হয়ে গেছে অনেকক্ষণ। কেন? শ্বাস ক্রমাগতই আটকে আসছে। আর ভয় নয়, তবুও একটা ভূতুড়ে আবহাওয়া যেন ছড়িয়ে পড়েছে চারদিকে। চাবদিকেই কতগুলি অশরীরী আত্মার অস্তিত্ব যেন স্পষ্ট হয়ে উঠছে। কারা তারা?

ঘোমটা জড়িয়ে মা এলেন। থালায় লাল রসগোল্লা (নিশ্চয় সেই দোকানের?) আর এক কাপ চা। পানাপুকুরের জলে দুধ দিলে যে-রকম রঙ হয়, সে রকম চায়ের রঙ।

না না করেও থেতে হল ।

—এবার চলি ?

পাঁচজনের চোখের দিকে তাকিয়ে যেন থমকে গেলুম । হলদে রঙটা কখন উঠে গেছে, পাঁচজোড়া চোখ, পাঁচজোড়া কালো দীঘির মত শান্ত, নিস্তরঙ্গ, কিন্তু পরিত্যক্ত বিষণ্ণতা সেই কালো জলে । বারে বারে চমকে উঠলুম, কারা এত দীর্ঘশ্বাস ফেলছে আমাকে ঘিরে ?

নমি, টুকু, বড়দি, সেজদি, কাউকেই আলাদা করে চিনতে পারছি নে আর ।
কে যেন বলল, আবার আসবেন ।

—আসব ।

আর একজন, আসবেন তো ?

—আসব ।

মা বললেন, একটা অত্যাচার করব বাবা ।

—বলুন ।

বললেন, কত জায়গায় তো যান, কত লোকের সঙ্গে আপনার জানা-শোনা । একটু দেখবেন আমার এই মেয়ে ক'টির জন্ত । মোটামুটি আনে, নেয়, খায়, এরকম ছেলে হলেই চলবে ।

‘আচ্ছা’ বলতে গিয়েও থেমে গেলুম । ফিরে তাকালুম পাঁচজনের দিকে । পাঁচটি মুখ অবনত । পাঁচজোড়া চোখে, এই অনামী অবাধ মুক্ত নীল আকাশ-গ্রামটার কী এক অবোধ বোবা রহস্যময় কাহিনী যেন চিকচিক করতে লাগল । ঠোঁটের কোণে লেগে রইল একটু অস্পষ্ট হাসি ।

বললুম, দেখব ।

বেরিয়ে আসবার মুখে, পাঁচজনেই বলল, শহরে ওরা একদিন আসবে ছবি দেখতে, নতুন যে-ছবিটা আসছে ।

বাইরে যখন এলুম, আকাশে অঙ্ককার নেমেছে প্রায় । মশারা চিংকার করছে আমাকে ঘিরে । হাটের কাছে এসে মনে হল, এক-আধটা লক্ষ-হারিকেনের আলোয় ভৌতিক ছায়ারা ঘুরছে ফিরছে, কথা বলছে, বোধহয় গুন্‌গুন্‌ও করছে কেউ ।

সবটা মিলিয়ে একটা পরিত্যক্ত মৃত-পুরী যেন এই অবাধ-উন্মুক্ত নীল আকাশ গ্রামটা । হায়রে নীল আকাশ !

